





4. 5. 468

48.5

XXXVII

CAMERA:



ILLUSTRISSIMI
ARCHIEPISCOPI
CAMERACENSIS

EPISTOLA,

*Qua ad secundam Illustrissimi
S. PONTII EPISCOPI
Epistolam respondet.*

Ex gallicâ linguâ in latinam conversa;



ANNO
M. D. C. C. VIII.

THE UNIVERSITY

OF CALIFORNIA

LIBRARY

1001 2131

1001 2131

1001 2131

1001 2131

1001 2131



1001 2131

1001 2131

ILLUSTRISSIMI
 ARCHIEPISCOPI
 CAMERACENSIS

*Epistola, quâ ad secundam Illustrissimi
 Sti Pontii Episcopi Epistolam
 respondet.*

REVES à te, Præsul Illustrissime, æstate proximè præteritâ litteras accepi, quibus longiorem aliquam Epistolam, eamque jam Parisios à te missam pollicebare, quâ scilicet ad documenta mea pastoralia iterum respondebas. Opus illud expectavi diu, sed frustra, donec typis editum rescivi, atque unum exemplar ab iis habui, qui illud divendunt. Jam audio alteram editionem esse adornatam, & quidem aliquâ appendicè auctiorem. Verùm illius certè editionis nullum hætenus exemplar ad me pervēnit. Atque ista nolum existimes à me expostulandi causâ commemorari, quæ tantum eò pertinent, ut cognoscas quæ mea tecum ratio fuerit, observantiæ reverentiæ.

que plenissima. Neque verò decet tribui utrique nostrum, aut ad fidem ac religionem nostram referri, quod litteris nostris cumque contingit, ubi semel a nobis emissæ sunt. Equidem cum nihil aliud occurreret, Epistolam meam publico cursori commiseram, munitam eo sigillo quod soleo adhibere; nam quòd fasciculum per ipsum iter reflatum fuisse narras, id verò neque cavere potui, neque prohibere; atque ab æquitate tuâ & veritate postulo, Præsul Illustrissime, ne mihi vitio veritas, id quod me non modò non volente, sed etiam insciente accidit.

Ego te compellare possum iisdem verbis, quibus S. Augustinum S. Hieronymus compellabat: *Mihi autem decretum est te amare, te suscipere, colere quoad vivam.* Ut eo sim erga te animo, quo vel à primis annis fui, eroque semper, faciunt virtutes tuæ Illustrissimo Episcopo dignæ. Atque utinam possim illud verè subungere, quod idem ille Sacerdos addebat, *Tuaque dicta quasi mea defendere.* Cur enim non licet mihi sic tua dicta defendere, ut etiam reprehendam mea? Cur non licet te potius magistrum agnoscere quàm adversarium? Sed nimirum nostra hîc causâ non agitur, neque ego te Episcopus Episcopum refellam. Ecclesiæ Catholicæ causâ seipsa tuebitur adversus eam, quam tuam esse voluisti: *Nec ego tibi, sed causâ causâ respondit*, ut ejusdem S. Hieronymi ad S. Augustinum verbis utar. Possum illud Deo teste atque arbitro profiteri, me esse sic affectum, ut si privata quædam esset causâ, taciturus essem li-

benter, atque illud omne quidquid est controversiæ tibi condonaturus. Verùm hæc res est ejusmodi, ut neque ullum ex argumentis meis silentio premere mihi liceat, neque ullo pacto committere, ut ea debilitare emolliendo atque infringere videar. Veritatem prodere, Ecclesiæ ipsi deesse non possum. Itaque sic te observare ac venerari pergam, sic eam, quæ inter nos est in Christo Jesu, animorum voluntatumque consensionem fovebo, ut numquam fas mihi esse ducam, remissius tecum agere in iis confutandis, quæ mihi respondisti.

* *Res cum te*, aiebat olim S. Augustinus, *causa cum causa*, *ratio cum ratione* confligat. Vereor certè ne quod tacere mihi nefas est, quamlibet cautè ac religiosè à me proferatur, tibi tamen vehementer displiceat. Sed, quæ tua est æquitas, sanè patieris, ut ea dicam omnia, quæ & erunt veritati planè consentanea, & taceri sine flagitio non poterunt. Deum oro atque obsecro, ut ea mihi verba suggerat, quibus neque veritas infringatur, neque aut mea reverentia erga te, aut tua erga me humanitas ac benevolentia minuat.

I.

Ac primum hujus nostræ controversiæ caput ab ipsâ, quæso, origine repetamus. Agitur inter nos de Episcopis illis novemdecim, qui quatuor Episcoporum causam tueri voluerunt. Dixeram fieri sanè potuisse, ut illi novemdecim, quos inter tu locum habes, id solum voluerint, obsequiosum silentium satis esse quoad illud factum, quod spectat ad Jansenii mentem personalem, ut

* *De utilit. cred. c. 1. n. 3.*

aiunt, ac propriam, non quoad hæreticitatem textûs Janseniani. Tu verò interpretationem hanc meam rejicis: contendis id voluisse novemdecim Episcopos, silentium obsequiosum satis esse etiam quoad illud factum, quod ad Janseniani textûs hæreticitatem pertinet, atque hanc eorum sententiam approbasse & ratam habuisse Clementem IX. summum Pontificem, in quatuor Episcoporum negotio componendo. At pauca sunt ad quæ velim, Præsul Illustrissime, ut diligenter advertas.

1. Quòd summum Pontificem Clementem IX. scientem multa præterisse ac dissimulasse contendis, non mecum jam, sed cum Apostolicâ sede tibi disceptandum est. Nam illud quidem, quod affirmas tam confidenter, neque ullis argumentis probas, neque verò, liceat enim id quod res postulat liberè proferre, probabis unquam. Id quod tu à Clemente IX. factum esse pugnas, Clemens IX. jam tum ab eo tempore à se factum esse pernegavit. Præterea Clemens XI. ne tale opprobrium ac dedecus Decessori suo inferretur, cavet diligenter eâ constitutione, quam omnes Galliz Episcopi summo plausu exceperunt. Idne agis, amabo, ut quid in eâ causâ Clemens IX. scierit, quid ignorarit, tibi melius, quàm ipsi Clementi IX. perspectum esse defendas? Id quidem quod ad te unum pertinet, quod vel à te uno gestum est, vel ab iis certè, qui in tuâ viciniâ commorantur, narranti tibi facilè credent omnes, atque equidem ingenuitatem istam tuam & candorem animi summopere veneror. Sed quod ad

Clementis IX. mentem animumque pertinet, cui re tandem probaturum confidis, tibi potius Sti Pontii commoranti notum fuisse, quàm Romanis Pontificibus, quid Romæ, quid intra sacrum Palatium actum, quid cogitatum, quid cognitum, ignoratumve fuerit? Illudne etiam postulas, ut tibi in tuâ causâ dicenti potius, quàm duobus summis Pontificibus ejusdem causæ cognitoribus ac iudicibus fides habeatur?

2. Quid in eâ re gestum sit, potuitne tibi notius esse, quàm Eminentissimo Cardinali Estræo? Atqui sic ille pronunciabat coram Innocentio XII. in Congregatione habitâ 4. Junii 1693. *Fui ego unus ex iis tribus, quibus hujus negotii componendâ cura commissâ est. Quare quid gestum sit, unus omnium optimè commemorare possum.* Sanè vir tantæ autoritatis ac fidei; qui in eâ ipsâ re componendâ fuit adhibitus, dum coram summo Pontifice suæ administrationis rationem reddit, quid gestum fuerit longè diligentius cognoscere, longè verius commemorare debuit, quàm ille, qui Sti Pontii degebat, hoc est tam longè ab iis locis, in quibus res ista gerebatur. *Postulatum fuit, ait Card. Estræus, ut illi, quatuor nimirum Episcopi, sua Mandata ejurarent, atque irrita juberent esse; quod illi negabant se adduci posse ut facerent* Eo rerum statu mihi venit in mentem illud proponere *temperamentum, quod ejurationis cujusdam vice esse posset.* Quidnam illud fuerit, cujus ope res tota composita est, quis melius nosse potuit, quam is qui illud ipsum *temperamentum* proposuit, qui sug-

gessit? Sed ipsum audiamus: Quippè cum ea subscriptio, quam illi suis in Diœcesibus imperaverant, non satis esse videretur, quid si, inquiebam ego, ab ipsis nova subscriptio postularetur? Certè altera hac subscriptio magis consentanea præscriptis legibus, priorem, cujus quatuor Episcopi nullam jam rationem habere se ostenderent, quasi aboleret irritamque faceret. Consilium meum ceteris probatum est, rem tentari placuit, atque in eo diligens opera posita est, ut ad illud præstandum Præsules adducerentur. Paruerunt ipsi denique, & coacto cœtu synodali, subscriptiones alteras imperare; totiusque rei gesta seriem manu sua consignatam misere ad Clementem IX. summum Pontificem, testati se formulæ fidei ab Alexandro VII. præscripta subscripsisse ex animo, nullâ exceptione, nullâ restrictione adhibitâ. Hac monumenta servantur etiamnum in publicis Sancti Officii tabulis. Summus autem Pontifex, dum ad eos rescripsit, spectavit potissimum illud, quod erant de suâ subscriptione testati, verbis tam perspicuis, tam apertis, nihil ut exoptari posset ad conciliandam fidem aptius. 1. Quamvis Episcopi quatuor silentium obsequii plenissimum scripto spondissent, additâ etiam intimâ reverentiâ, quæ tamen non pertingeret ad certam facti controversi fidem, ejusmodi subscriptio satis esse non visa est, atque adeò silentium ejusmodi obsequiosum pronunciatum est non satis esse. 2. Visum est ab ipsis novam subscriptionem esse postulandam, quæ magis foret consentanea præscriptis legibus, quæ priorem illam, cujus nullam jam rationem habere se ostenderent, quasi abo-

leret irritamque redderet ; quia nimirum prioris illius tota ratio , quantum ad factum pertineret , silentio obsequioso continebatur. 3. Id agebatur , ut ipsorum honori & famæ consulere aliquatenus , dum illi instrumento subscriberent , quod ejurationis cujusdam loco esset , atque eandem planè vim haberet. Erat igitur necesse , ut ejurarent quodammodo id , quod suis Mandatis edixerant , scilicet videri sibi , quantum quidem ad factum spectaret , silentium obsequiosum satis esse. 4. Illud nimirum consilium ceteris probatum est. Nihil est igitur quod aliud quidquam inquiramus : illud unum est , ad quod præstandum Præsules quatuor adducti sunt. Paruerunt ipsi denique , & summo Pontifici per litteras testati sunt , se formulæ fidei ab Alexandro VII. præscriptæ subscripsisse ex animo , nullâ exceptione , nullâ restrictione adhibitâ. 5. Summus Pontifex , dum ad eos rescripsit , spectavit potissimum illud , quod erant ipsi ultrò de suâ subscriptione testati , verbis tam perspicuis , tam apertis , nihil ut exoptari posset aptius , ad significandam subscriptionem integram ac simplicem , nullâ exceptione facti , nullâ restrictione adhibitâ. Nam illud tenendum est , istam exceptionem , quæ fecerat ut prior illa subscriptio non satis esse videretur , in eo fuisse positam , quòd quantum ad factum pertineret , nihil præter obsequiosum silentium , atque adeò , nullam certam atque absolutam fidem pollicerentur. Itaque subscriptio altera magis consentanea præscriptis legibus , quàm prior illa abolita & irrita effecta est , pertingebat sanè ultra silentium

obsequiosum; & fidem absolutam complectebatur.

Ea perscripta erat verbis iis, *quibus nihil exoptari posset aptius* ad testandam eam fidem, quæ à priore illâ subscriptione aberat, imò & ad præstandum *ejurationis cujusdam locum & vicem*. Illud est quod *summus Pontifex spectavit potissimum*, minimè suspicans sibi fieri fucum aut fraudem apparari. Quidni verò id *potissimum spectaret*? Quo tandem pacto significare potuit apertiùs, non sufficere silentium illud religiosum, quod se deinceps servaturos quatuor Episcopi priori subscriptione pollicebantur. Unum ex Transactoribus, cujus nomen retices, testem appellas. Is si est Eminent. Cardinalis Estræus, habes hujus ipsius, quem testem appellas, testimonium coram summo Pontifice prolatum, quod tibi sic adversatur, ut te jugulet.

3. At si maximè evinceretur, quod probari nullo pacto potest, Sedem Apostolicam usam esse hac in re eâ dissimulatione ac conniventia, quam à se adhibitam fuisse Apostolica Sedes pernegat, quid tandem ejusmodi argumento tantæ invidiæ pleno consequeris? Illud unum ostenderes, Clementem IX. adeò sensitse, quantum ejusmodi conniventia in tolerando silentio obsequioso legibus juris esset contraria, ut ejus suspensionem removendam à se arbitratus fuerit, ne scilicet legi non obsecutus esse videretur. Quare etiam si poneretur id, quod jam unum est sectæ præsidium, quodque poni profectò nisi falsò non potest,

summum Pontificem scientem ac prudentem annuisse, ut Episcopi quatuor nihil aliud præter silentium obsequiosum pollicerentur, tamen illud maneret, hanc dissimulationem Sedi Apostolicæ visam esse dignam, quam celaret, quam à se negaret fuisse usurpatam, cujus famam ac suspicionem à se removeret. Certè indè colligi meritò posset, sic existimasse summum Pontificem, non esse committendum, ut circa obsequiosum silentium aut quatuor aut novemdecim Episcopis quidquam remissum aut condonatum fuisse videretur. Igitur probares tum, Præsul Illustrissime, quod probare sine gravissimo Ecclesiæ universæ dedecore & scandalo non posses, factum esse ab Apostolicâ Sede, quod ipsa negat à se factum: atque illud quidem & numquam probabis, & est ejusmodi, ut si probares maximè, tamen minimè tuam causam adjuvaret.

4. Jam verò si nulla fuit ea dissimulatio, quam homines è secta tantopere prædicant, nulla pariter fuit ea quam narrant negotii conciliati ratio, fitque manifestum summo Pontifici errorem fuisse per fraudem objectum. Quis fuerit illius fraudis architectus, jam non disquiro. Hoc unum volo, summum Pontificem verè negasse, ullam dissimulationem à se fuisse adhibitam, unde efficitur fuisse ipsi errorem objectum ab aliquo. Illud ipsum est, quod Illustr. Episcopus Aletensis pertimescebat, Vallonio teste, ne ventura ætas, non sine gravi offensione, quondam exhorresceret.

* *Illustr. Episcopus Aletensis*, inquit Vallonius,

* *Mense Julio 1696. † Januario 1696.*

non nisi agrè adduci se passus est in sententiam eorum , qui Epistolam hanc præformaverant , cui satis suboleret id , quod postea contigit , fore ut quatuor Episcopis imponeret ~~et~~ crimen delusi Pontificis , aut saltem fallacibus & ambiguis dictionibus elusi .
 † Pupugerat istud mirum in modum Aletensem Episcopū , qui summopere contendebat ut epistolā ad Papam significaretur , nihil fuisse à quatuor Episcopis immutatum , quod ad substantiam Mandatorum pertineret.

Atqui ex illo gravissimo Cardin. Estræi testimonio , & confessione Vallonii manifestum est , Clementem IX. quatuor Episcoporum litteris prorsus adductum fuisse , ut crederet eos alterā illā suā subscriptione non se continuisse intra obsequiosi silentii limites , cum jam silentium illud essent polliciti subscriptione primā , quæ propterea censebatur non satis esse. Manifestum item est , Clementem IX. longè fuisse ab eo , ut Ecclesiæ verba daret , cum obsequiosum silentium , quod Episcopi quatuor ultro primū erant polliciti , quodque Episcopi deinde novemdecim tuebantur , sibi minimè satisfacere sic pronunciabat : *Decessorum nostrorum constitutionibus inhaerentes, nullam circa illud exceptionem aut restrictionem admitturi unquam fuissetus.* Jam si nullo argumento probari potest , Sedem Apostolicam usam esse eā simulatione , quā se usam unquam fuisse ipsa pernegat , manifestum est Clementem IX. non minùs fuisse erga novemdecim Episcopos in silentio obsequioso reprobando constantem , quàm

Clemens XI. erga quadraginta Doctores constans fuit. Mirum igitur esse non debet, Clementem IX. numquam adduci se passum esse, ut ad Episcopos novemdecim quidquam rescriberet, & satis significasse, quantum ipsorum improbaret Epistolam, cujus nimirum nullâ habitâ ratione, priorem subscriptionem *non satis esse* decrevit, neque *prescriptis legibus consentaneam*, unde & *aboleri* eam ac quasi *ejurari* voluit. Quare quamlibet contendas Episcoporum novemdecim causam, eâ quâ instituísti ratione, defendere, semper erit manifestum, eos ut suis Collegis gratificarentur, tueri voluisse silentium illud obsequiosum, quod à sanctâ Sede numquam admissum, ab eâ denique solempni judicio damnatum ac reprobatum est.

II.

Atque antequam progrediamur ulterius, operæ pretium est advertere, Præsul Illustrissime, te in eo perpetuò versari, ut mihi tribuas id, quod à me neque dictum unquam neque cogitatum fuit. Id ponis, accusari à me XXIII. Episcopos, quasi contra jurisjurandi fidem ac religionem existimaverint, hæreses quinque non esse in libro Jansenii, ejusque textum purum & orthodoxum esse. Atqui, Præsul Illustrissime, nihil unquam à me profectum est, quod ad crimen ejusmodi pertineat. Neque verò agitur, num his Præsulibus textus ille catholicus, num hæreticus visus fuerit. Hoc unum agitur, an persuasum habuerint necesse esse, ut textus ille hære-

ticus esse crederetur ab eo , qui formulæ subscriberet. Agitur num illius , quod facti nomine censeretur , fidem certam ac firmam postulare vel-
 lent ab iis omnibus , quos formulæ subscribere juberent ; an verò silentium obsequiosum ab iis promitti satis haberent. Illud enim numquam est omittendum , Præsul Illustrissime , te unum esse qui hoc defendas , illos Præsules ita postulavisse subscriptionem , ut tamen fidem facti certam non postularent , sed obsequiosum silentium satis esse dicerent. Quare si tibi de totâ eorum agendi ratione disputanti creditur , subscriptionem cum jurejurando conjunctam ita postulabant , ut tamen factum credi non imperarent. Quid verò refert hanc fuisse privatam ipsorum mentem ac sententiam , hæreses quinque libro Jansenii damnato contineri , si persuasum nihilominus habuerunt , potuisse Clericos sic jurare , ut tamen non crederent , modò , quantum pertinet ad illud quod factum dicitur , obsequioso se silentio continerent. Agitur hîc natura jurisjurandi , quod evadit in perjurium , ubi certâ fide non creditur illud factum , cujus fides jurejurando significatur. Quare licet ponamus Episcopos illos non dubitasse , quin liber damnatus foret hæreticus , atque adeò ipsos verè atque ex animo in præscriptæ formulæ verba juravisse , certè illud nihilominus ex tuo eorum rationem explicandi modo sequitur , ipsos ultrò probasse perjurium in iis omnibus , à quibus jusjurandum sic exigebant , ut facti fidem certam non exigerent , sed obsequiosum silentium

promitti satis haberent. Itaque sejungamus, amabo, jusjurandum ab Episcopis XXIII. juratum, hæreamusque in eo jurejurando, quod ab aliis ita postulabant, ut certam facti fidem non postularent. Hoc ipsum est, ni fallor, laxitatis in Theologiâ morali hætenus inauditæ genus, quod qui sequuntur, ubi agitur de jurejurando, quo professio fidei firmatur, à summo Pontifice dicuntur *ed impudentia devenisse, ut veluti naturalis honestatis, nedum Christiana sinceritatis obliti sint, atque Ecclesiam jurejurando decipiant.* Perjurium illud XXIII. Episcopi ipsi non admiserint, at certe fuerunt autores, si vera sunt ea quæ tu defendis, ut ab aliis admitteretur. Atque illud est, quod Emin. Card. Noallius vocat, *favere ipso usu restrictionibus mentalibus, ambigüe dictis, imò & perjuriis.* Illud est, quod Illustrissimus Archiepiscopus Rhemenfis vocat *probrosam dissimulationem, eamque cum perjurio conjunctam.* Illud est, quod Episcopi cæteri suis Mandatis confixere ac detestati sunt. Itaque, Præsul Illustrissime, quamlibet ponas Episcopos XXIII. credidisse Iansenii textum esse hæreticum, facies quidem ut ipsi perjurium admisisse non credantur, sed nunquam eo pacto ab iis removebis culpam illius perjurii, quod ut ab aliis admitteretur autores fuere. Debuerant illi sanè, vel jusjurandum, quod formulâ continetur, abjicere & repudiare, quippe quod esset tyrannicum, ac perjurium extorqueret ab iis, qui *factum* non credunt, & se intra silentium obsequiosum continent, vel non esse illo obsequioso

silentio contenti , & certam fidem postulare ; cum jusjurandum ab universo Clero suo postularent. Tu illos neutrum præstitisse pughas. Eos igitur facis reos approbati illius jurisjurandi, quod sancta Sedes atque omnes Episcopi tam graviter accusant ac detestantur. Quare patere me illud verè dicere ; quod non dicerem profecto , nisi necessitas ipsa cogeret : tua isthæc tota argumentatio prorsus ruit. Refellit enim ea quæ dixi numquam , nihil facit ad ea quæ ego dixi. Defendit jusjurandum , quod ipsi Episcopi juraverunt ; quod ego non accuso : sed minimè defendit eorum litteras ac Mandata , quibus , ut tu quidem vis , jusjurandum permittebant , absque firmâ ejus , quod jurejurando affirmatur , fide.

III.

S A T I S intellexisti, Præsul Illustrissime , omnes Episcopos adversum te cum Sede Apostolicâ in eam sententiam conspirare , ut negent silentium obsequiosum satis esse , fidemque certam requiri & necessariam esse contendant. Quare , ut aliquod effugium tibi comparares , excogitasti discrimen nescio quod inter silentium obsequiosum , quod à Clemente IX. probatum fuerit in XXIII. Episcopis , & silentium item obsequiosum , quod à Clemente XI. fuerit in XL Doctoribus improbatum. Sed nimirum facilius est discrimen aliquod comminisci , quàm in quò illud positum sit , clarè ac distinctè proponere. Discrimen illud , quod unum jam atque ultimum perfugium habes , oportuit esse tam clarum ac manifestum

quàm quod maximè. Illud tamen adeò defendi non potest, aut verbis nudis atque apertis enunciari, ut numquam sustinueris duplex illud obsequiosi silentii genus invicem conferre ac componere, & quo alterum ab altero discrepet, ostendere. Arguis me, quod utrumque misceam: tu verò quomodo tandem probas, alterum ab altero discerni oportere? Verba tua recognosce. * *Quo tandem pacto comperisti, unum aliquem ex his Episcopis aut voce aut scripto quidquam docuisse, docerive praecepisse contra id, quod fuit à summis Pontificibus judicatum? Id verò non nisi falsò jactari posse patet vel ex hoc nostro obsequioso silentio, si nativo suo sensu sumatur atque intelligatur, non illo perverso usu, quo summus Pontifex illud modò damnavit. Significas silentium obsequiosum damnatum non fuisse, nisi propter perversum usum illorum, qui eà simulatione atque nomine docerent contra id, quod fuit à summis Pontificibus judicatum. Subjungis, † errare cum vulgo, quisquis sibi fingit, non posse obsequiosum XXIII. Episcoporum silentium consistere cum ullâ obedientiâ aut fide circa ea facta, de quibus Ecclesia pronuntiavit. Necesse est igitur, ut clarè demonstres aliquam in facto credendo fidem, quam Episcopi suo silentio obsequioso complexi sint, & Doctores suo complecti noluerint, aut certè probes eo silentio Doctores malè abusos esse, ut quidpiam docerent contra id, quod fuit à summis Pontificibus judicatum, atque eum ab usum*

* Pag. 14. † Pag. 95.

provideri ab Episcopis non potuisse. Hæc duo si placet , paulò diligentius expendamus.

1. Primum illud perspicuum est & principii loco haberi debet, duabus illis vocibus, *silentium obsequiosum* , fidem certam nullatenus designari. Designatur scilicet reverentia vera atque intima, quæ auctoritati admodum venerandæ defertur , quâque fit ut subditi sibi nefas esse ducant de eo judicio loqui, quod ab ejusmodi auctoritate profectum est. Præterea nemo unquam ad obsequiosum silentium confugit in eâ re , quam rectè judicatam esse, de cujus judicio ita omnibus persuasum esse debere, quam ab omnibus certò credi oportere existimat. Tum verò reverentia non modò non facit ut sileatur, ne superioris auctoritas ac dignitas verbis adversus ipsam prolatis aliquo pacto lædatur, sed etiam facit ut non sileatur, facit ut summo quisque studio loqui contendat, & palam testari, quàm persuasum habeat, id quod ab eâ justè decretum est, credi certò ab omnibus oportere. Igitur quatuor Episcopi, si modò persuasum habuissent id quod Jansenianum factum dicitur, certò credi ab omnibus oportere, non profectò ad silentium obsequiosum confugissent, ne scilicet Ecclesiæ contradicerent, sed contrà silentium illud omisissent, jussissentque ab omnibus omitti, ut certam ac firmam fidem enunciarent. Præterea quid tandem ab ipsis postulabatur? Nempe fides certa, quæ subscriptione nudâ ac simplici significaretur. Quid est quod negabant? Eadem illa fides certa, eadem illa
simplex

simplex ac nuda subscriptio. Quid autem ultro pollicebantur ? Nempe silentium obsequiosum ; loco fidei certæ ; nempe restrictionem atque exceptionem ; loco subscriptionis nudæ ac simplicis. Si persuasum ipsis fuisset , fidem in ea re certam exhiberi ab omnibus oportere , facile fuissent adducti ; ut ab universo suo Clero putam ac simplicem subscriptionem exigerent de illo facto , quod ab omnibus certâ & absolutâ fide credi voluissent. Tum certè nullâ re hi Præsules à suis adversariis dissensissent : tum dedissent ultro id omne quod summus Pontifex ab ipsis postulabat : tum nullum adiissent periculum amittendæ sedis atque etiam communionis Catholicæ : quin potius dixissent : (Nos verò nolumus servari de facto Jansenii silentium ortum ex reverentiâ & obsequio : sic enim nobis persuasum est , factum illud credi certâ fide ab omnibus oportere , eamque certam fidem palam denunciari. Quate ut fidem , sic & subscriptionem absolutam volumus esse.) Est igitur manifestum , quatuor Episcopos suo silentio obsequioso certam facti fidem non fuisse complexos : atque illud credô , Præsul Illustrissime , quæ tua est æquitas , deinceps ultro fateberis.

2. Jam verò Doctores XL. non minus quam Episcopi quatuor , sedulo professi sunt , suo obsequioso silentio contineri obsequium & reverentiam intimam ac veram. Sic enim suo libello supplici agunt apud Emin. Card. Noallium : *Illud imprimis accusant & calumniantur ; quasi ille Clericus nihil Ecclesia daret præter silentium quoddam exteri*

num, præterea plenum fraudis ac simulata pietatis. Sed illud, Præsul illustrissime atque Eminentissime, liceat pace tuâ dicere, & cum summâ reverentiâ testari, falsò id & temerè in eum conjici. Quid enim attinet de solo silentio verba facere, cum ille reverentiam & obsequium adjungat? Silentium quidem ipsum externum est: veràm proficiscitur ab obsequio & reverentiâ, quæ decretis Ecclesiæ debetur: atque hi nimirum interni sunt ac minimè ficti mentis animique sensus. Intimi illi ac veri mentis animique sensus quid sunt aliud, quàm reverentia tantæ autoritati debita, magna quædam de illius æquitate opinio, dissidentia sui, eximium quoddam quasi præjudicium, tum docilitas, observantia, obsequium, quibus mens atque animus se obicit ad assentiendum illi decreto, quod maximâ atque intimâ reverentiâ dignissimum est. P. Quesnellius (is enim scripsit Epistolam illam sub nomine Episcopi ad Episcopum) sic loquitur: *Quantumlibet se torqueat is, qui mediam aliquam rationem quarit inter hac duo, obsequium fidei eam, & obsequium reverentia ac solius disciplina, frustrâ erit, nullam inveniet.* Et verò silentium obsequiosum Doctorum 40. in cujus commendationem hæc Epistola scripta fuit, tale est, ut nihil prorsus requiras præter fidem certam, nihil desideres. Autor Animadversionum in decretum Emin. Card. Noalli queritur ac expostulat, quòd is, qui sunt Ecclesiæ regendæ præpositi, non satisfaciât id, quod Doctores 40. contestati sunt, *folam esse fidem intimam factorum non revelatorum, quam non polliceantur, eam anam si exciperis,*

nullum esse observantia & reverentia genus, quod non complectantur silentii & obsequii vocibus, aut aliis quibusvis quas usurpare jubebuntur. Quare cum silentium obsequiosum Episcoporum XXIII. non pertingat ad fidem certam atque intimam, fieri nullo pacto potest ut pertingat ultra illud, quod à Doctoribus 40. explicatum est: Imò non facile fortasse reperiatur instrumentum ullum aut monumentum à quatuor Episcopis profectum, quo tam distinctè atque apertè exponantur omnes animi sensus, qui silentio illo obsequioso continentur, quàm distinctè exponuntur iis scriptis quæ modò retuli; vel à 40. Doctoribus, vel ab eorum patronis. Sola est igitur fides certa & absoluta; quam Doctores 40. silentio suo obsequioso non complectantur. Sed neque illam pariter complexi sunt Episcopi quatuor eo silentio, quod usurpari posse censuerunt. Et verò si quis fidem certam cum silentii obsequiosi nomine conjungeret, is continuo silentium re ipsa negaret. Nam, ut superius animadversum est, qui de Præpositi sui decreto; reverentiâ & obsequio ductus tacet, idcirco tantum tacet, ne illi contradicat, cum nimirum licere sibi putat ab ejus sententiâ discedere. Est igitur manifestum, obsequioso Doctorum 40. silentio non minus obsequii & reverentiæ contineri, quàm silentio Episcoporum XXIII. Et Doctores, ut ex ipsorum libello supplici patet; observantiam; fiduciam, docilitatem, obsequium, intimam reverentiam suo silentio tam complectuntur, quàm Episcopi suo; & Episcopi non magis quàm Doctores

Stores fidem facti certam silentio illo complectuntur. Unum est igitur ac planè idem in utrisque silentii genus. Investiga diligenter , Præsul Illustrissime : quò investigabis diligentius ; eò minus utrimque discriminis esse , re comperies. Quò magis accuratè ista duo componentur inter se , eò magis dilucidè , quàm similia sint & paria , perspicietur. Sanè cavendum , ne misceantur ea , quæ distingui oportet : sed & cavendum non minùs , ne quis rem unam & simplicem vanis atque ad illudendum comparatis distinctionibus implicare velit. Quamlibet subtiliter atque argutè disceptemus , unum dumtaxat atque idem nobis occurret silentium obsequiosum , quod in Episcopis quatuor Ecclesia nullâ unquam simulatione tolerandum esse duxit , quodque in Doctoribus 40. solemni denique iudicio reprobavit.

3. Frustrà verò id agis , ut summus Pontifex non silentium ipsum obsequiosum damnassee existatur , sed *perversum illius usam* , quem induci à quibusdam credidit , *ut quidpiam docerent contra quàm fuit à summis Pontificibus iudicatum*. Frustrà congeris & explicas ea argumenta , quibus illud silentium per se sumptum culpâ liberes. Summus Pontifex denunciat , *obedientia , quæ Apostolicis Constitutionibus debetur , obsequioso illo silentio minimè satisfieri* , non illud satis esse ad iurandum quod postulatur , eo silentio , quod tu culpâ liberas , admitti perjurium in professione fidei , quia non certa fides coniungitur cum iis verbis , in quæ iurandam conceptum est. Præterea non credis

profectò , Præsul Illustrissime , quemquam *perversè usum* esse silentio obsequioso , *ut quidpiam doceres contra id quod fuit à summis Pontificibus judicatum*. Sic enim existimas , ut modò videbimus , jam ab annis 60. inquiri in eos , qui propositiones quinque defendant , reperiri neminem. Quare si tibi creditur , summus Pontifex postremâ suâ Constitutione nihil aliud quàm temerè atque inconsultò turbas magnas excitavit , ut scilicet damnaret voces duas , quæ licet *suo sensu nativo* nihil non pium ac laude dignum significant , tamen inquietorum quorundam hominum & S. Augustini discipulos injustè vexantium falsis sermonibus adductus est , ut continuò crederet , quod longè abest à vero , iis vocibus esse aliquos qui *perversè uterentur*. Denique , Præsul Illustrissime , si Ecclesia vocum illarum solum *perversum usum* , non sensum obvium ac nativum damnare vellet , futurumne fuisse credis , ut ea non aptè secerneret rem ipsam , quæ nimirum esset bona , ab eo *usu* , qui solus *perversus* esset ? Tum verò Ecclesia silentium illud omninò non damnaret , sed potius tota esset in eo , ut illud ab omnibus religiose servaretur , neque ullâ causâ aut prætextu quicumque illud omittere auderet. Et verò meministine fuisse unquam tempus ullum , ut hoc utamur exemplo , quo Ecclesia formulæ jusjurandum damnaverit , quia nimirum Janseniani eò *perversè abuti* creduntur ? Minimè verò committit Ecclesia , ut rem bonam ac laudabilem miscere videatur cum *usu* ejus rei *perverso* , qui à privatis qui-

busdam hominibus inducitur. Id si esset, quod tu
 fingis, tum certè Ecclesia denunciaret, silentium
 obsequiosum adeò pietati consentaneum esse, adeò
 satisfacere, ut illi tantùm peccent, qui eo non
 utantur, qui verò utantur, nulli rei deesse. Con-
 trà verò Constitutio docet, silentium illud non
 satis esse ad vitandum perjurium, non ob stare, quo-
 minus Ecclesia jurejurando decipiatur, quia deest cer-
 ta fides, qua doctrinam hæreticam *Fansenii libri*
contineri credatur. Postulat Ecclesia, ut *Fansenii*
doctrina interiùs abjiciatur, corde improbetur, atque
 hæretica esse, *interiùs judicetur*, ac certò creda-
 tur: non satis habet observantiam, obsequium,
 docilitatem, reverentiam, propensionem volun-
 tatis in gravissimum illud præjudicatum, opinio-
 nem etiam probabilem, quæ in eam partem in-
 clinet atque impellat, nullam denique *aliam men-*
tem, animum, aut credulitatem præter eam, quæ
judiciùm interiùs & absolutum complectatur. Dam-
 natum est igitur silentium obsequiosum quodlibet,
 damnatum quodlibet obsequium, quælibet reve-
 rentia aut credulitas, quæ ad fidem certam non
 pertingat. Atqui mox vidimus, silentio obsequioso
 Episcopos non magis quàm Doctores fidem
 certam esse complexos. Igitur manifestum est, si-
 lentium quo usi sunt Episcopi, non minùs esse
 damnatum quàm illud, quo usi sunt Doctores;
 quin potiùs cùm utrumque illud silentium unum
 prorsus atque idem sit, utrumque uno & eodem Ec-
 clesiæ fulmine petitur, unà & eadem sententiâ
 proscribitur.

4. Omitti hoc loco non potest, id quod æquitas postulat ut animadvertatur, Doctores 40. silentium obsequiosum ita propugnasse, ut excusatione aliquâ digniores videantur quàm Episcopi illi, quorum rationem totam interpretari, & defendere aggredieris. 1. enim Episcopi, quò plùs autoritate valent, eò debuerunt cavere diligentius, ne eâ abuterentur. 2. Doctoribus duces fuerunt, ipsis præmonstraverunt viam; neque unquam ausi essent Doctores silentium illud tueri atque approbare, nisi Episcoporum illorum vestigia fuissent persecuti. 3. Doctores interroganti Confessario atque enixè petenti, ad sedandam mentem & conscientiam unius, qui ad ipsum accesserat, responderunt eâ lege [sic enim possunt profiteri] ut quod statuerant, numquam divulgaretur; contrà verò, si te audimus, quatuor illi Episcopi silentium obsequiosum suis Mandatis propugnare, quod idem XIX. alii Episcopi scriptis ad Regem atque ad summum Pontificem Epistolis palàm sic defenderunt, ut etiam Collegas suos omnes damnarent, quibus silentium illud non probabatur. Ex eâ collatione, Præsul Illustrissime, tu ipse dispice, num silentium illud, quod utrimque fuit idem, Doctores longè leviori culpâ usurpaverint quàm Episcopi.

5. Illud verò, Præsul Illustrissime, vereor ne dicenti mihi ignoscas, quod tamen ut dicere audeam veritas ipsa compellit. Non memini videre me quidquam indignius illa comparatione, quam instituis inter voces *Consubstantialis*, & *silentium*,

obsequiosum. Non ignoro Consubstantialis vocem repudiatam esse ab Antiochenis Patribus, veritis nimirum ne eam Sabelliani ad pravam suum sensum interpretando detorquerent. Neque ignoro, postea sublato perversi illius usus metu, vocem eandem à Concilio Nicæno delectam, quam nempe Ariani formidarent potissimum, ut maxime accommodatam ad definiendam Verbi divinitatem. Verum illud denique contigit, ut eam vocem Ecclesia universa complecteretur, eamque ut genuinam in symbolo catholicæ fidei tesseram summo studio retineret. Licebitne, obsecro, vocem ejusmodi Ecclesiæ usu probatam & quasi consecratam conferre cum silentio obsequioso, quod nullo unquam sensu usurpatum est, nisi offensionis atque invidiæ pleno, quod stare prorsus cum formulæ jurejurando non potest, quod jam pridem à Clemente IX. repudiatum, nunc denique à Clemente XI. & Episcopis omnibus æternâ damnatione confixum est?

Nullum igitur firmamentum habet ea distinctio, quam comminisceris inter utrumque silentium obsequiosum, quo jam uno præsidio tua causa nititur. Fatearis oportet, Præsul Illustrissime, unum atque idem esse silentium obsequiosum, quod Doctores 40. defenderunt, eadem planè ratione temperatum ac veluti conditum, quam tu vis adhibitam esse ab Episcopis XXIII. Neque ideo silentium illud damnatum est, quia non servabatur; damnatio enim eo sensu accepta, redundaret in ipsius silentii laudem, atque eos tantum im-

peteret, qui illud non servarent. Damnatum fuit eo uno nomine, quod non satis esset ad genus illud jurisjurandi, quod Ecclesia pro suâ autoritate ac potestate jurari postulat. Damnatum est, quia jubet Ecclesia, ut qui jusjurandum adhibet, credat certâ atque absolutâ fide, & sine ullo erroris periculo factum illud, quod jurejurando testatur. Eo scilicet nomine silentium obsequiosum, tam illud quod Episcopi, quam illud quod Doctores approbavere, sanctæ Sedis Constitutione, & Episcoporum Mâdatis proscriptum est, & gravissimis omnium notis censurisque confixum. Qui illo utuntur, dicuntur *ed impudentia devenisse, ut veluti naturalis honestatis, nedum Christianæ sinceritatis obliti sint*, dicuntur *Ecclesiam ipsam jurejurando decipere*, dicuntur *usu ipso favere perjuriis*, dicuntur *adhibere probrosam dissimulationem, eamque cum perjurio conjunctam*. Ea opprobria sunt, quæ ego à XXIII. Episcopis depellere volui: ea sunt, quæ tu ferre non potes ut ab iis ope meâ depellantur.

IV.

Non est æquitatis tuæ, Præsul Illustrissime, committere, ut vulgò existimeretur nostra hæc controversia versari circa sententiam quamdam absurdam, abhorrentem à communi omnium sensu, exaggeratam, quam Illustriss. Dominus de Marca commentus fuerit, & quam ego unus omnium post ipsum Episcopus amplexus studiosè fuerim. Ut pateat quo sint res loco, omittamus parumper eam quæstionem, quæ est de infallibilitate Ecclesiæ

in textibus dijudicandis, hæreamusque in eâ quæstione, num ad jusjurandum necessaria sit certa facti fides, num silentiû obsequiosum satis sit. Ubi ponetur ille controversiæ nostræ status, illico qui vis intelliget, Episcopos, quotquot sunt, etiam eos, quos tibi familiarissimos esse & conjunctissimos credis, quosque longissimè abesse existimas ab eo, ut Ecclesiam credant non esse in textibus dijudicandis obnoxiam errori, omnes adversum te mirificè consentire. Cardo omnis vertitur in eâ quæstione, num satis sit necne silentium illud obsequiosum, quod non sit cum certâ fide conjunctum. Ponamus vel ad punctum temporis, desciscere me à tuendâ infallibilitate, & satis habere, modò id credat unusquisque, quod à se credi jurejurando interposito testatur, causam habebis non minùs infirmam & omni præsidio destitutam. Id quæso per te mihi liceat, quantum patitur libertas evangelica, demonstrare.

Cùm ad me confutandum descendisti, illud scilicet agebas, ut XXIII. Episcoporum honori consuleres. Atqui manifestum est, quosdam Episcopos, quibus persuasum esse credis, posse Ecclesiam in textibus dijudicandis errare, silentium obsequiosum, quale à te defenditur, non minori studio repudiare, quàm à me repudiatur; fidem certam non minùs acriter postulare, quàm à me postulatur. Illa facilis & expedita ratio, in obsequioso silentio posita, videtur ipsis æquè ac mihi *probrosa quadam dissimulatio, eaque cum perjurio conjuncta.* Nihil igitur præstas ad purgandos E-

piscopos XXIII. nisi adversus Constitutionem & tot Episcoporum Mandata demonstrares, jurare ei licere, qui factum certâ fide non credat, modò spondeat silentium obsequiosum à se servatum iri, eâ ratione attemperatum, quæ non à te modò, sed à 40. Doctoribus adhibetur. Ponamus igitur ad temporis punctum, id quod nolim deinceps in nostrâ disceptatione poni, posse Ecclesiam pro suo jure certam facti fidem jurejurando interposito postulare, quamvis nullam eatenus infallibilitatem habeat sibi promissam. Id si ponatur, vel me tacente, insurgent in te summus Pontifex, Episcopi omnes, scriptores etiam è secta præcipui, qui in eam sententiam adversum te conspirant, ut prædicent, cùm silentium illud tuum, vel maximè obsequiosum, non complectatur certam facti fidem, induci perjurii usum, si liceat illi jurare, qui ejusmodi silentium profiteatur, quamlibet obsequiosum, quâlibet ratione temperatum ac mitigatum. Itaq; non pertinet ad approbandam XXIII. Episcoporum causam, ut infallibilitatem in textibus dijudicandis ab Ecclesiâ removeas. Etiam si eam accuratis argumentis refelleres, non obtineres tamen id, quod XXIII. Episcoporum nomine contendis, silentium obsequiosum satis esse. Etiam si eâ in re me redarguisses, sic ut nullum reliquisses evadendi locum, non minùs te premeret, tum Apostolicæ Sedis atque Episcoporum, eorum etiam quos numeras in tuis, autoritas, tum argumenta hominum è sectâ. Cum his tibi, non mecum uno res est; his nisi responderis, universa videtur ad-

versum te Ecclesia decernere & pronunciare. Omittamus igitur illud, cujus disquisitio neque tuam causam adjuvare potest, neque XXIII. Episcoporum rationi approbandæ prodesse. Hæreamus in eâ quæstione, de quâ expectat Ecclesia ut dicas apertè quid sentias, num scilicet satis sit adhibere silentium obsequiosum, an verò necesse sit certam habere fidem ejus rei, cujus fides interposito jurejurando affirmatur.

V.

Quid indè præterea consequatur, nescio, Præsul Illustrissime, an sis æquo & pacato animo accepturus. Frustra operam in eo posuisti, ut infallibilitatem Ecclesiæ in dijudicandis textibus confutares, siquidem illâ quæstione sepositâ, unus tu, Ecclesiâ universâ repugnante, silentium tuum obsequiosum approbas & satis esse contendis. Triæ erant admodum, è quibus unum præstare te oportuit. Primum in eo positum erat, ut dilucidè probares, posse eum jurare, qui non crederet factum illud, quod à se credi juramento confirmaret. Id profecto neque facile erat ad probandum, neque patitur integritas illa tua rectique mores, ut probandum ullo pacto suscipias. Alterum fuit ut demonstrares, non posse Ecclesiam jusjurandum exigere. Illud verò usque adeò abhorrens fieri à te pietas eximia tua non sinit. Tertium restabat ut fatereris, XXIII Episcopos, delusos illâ ad fallendum comparatâ distinctione inter jus & factum, non satis attendisse, vel quale esset hoc jusjurandum, quo fides certa significatur, vel quam latè

pateret autoritas Ecclesiæ, quæ adigere ad jusjurandum potest, atque adeo fidem tam certam postulare, ut nullus sit metus, nullum periculum erroris in eo tenendo, quod ab eâ decretum atque imperatum fuerit. Postremum illud si maluisses, potueras sanè sic repudiare ea, quæ ego ad defendendam XXIII. Episcoporum mentem proposueram, ut tamen gratiam aliquam haberes mihi, quod in eorum causâ tuendâ studium, fidem, diligentiam adhibuerim. Modesta ista & ingenua confessio & tibi gloriam attulisset, & Ecclesiæ consolationem, & nullo modo pertinuisset ad Episcoporum illorum probum ac dedecus. Usurpasses de illis hæc verba, quæ ex ipsâ tuâ Epistolâ desumo:

• *Etiam si XXIII. Episcopis error aliquis, in tuendo nimirum obsequioso silentio, esset objectus, neque ea providissent animo, quæ ex eo deduci possunt, ipsis tamen solatio posset esse id, quod tot magnis viris, quod vel sanctis contigit.* Ita sanè, Præsul Illustrissime, solatio non caret error ille, qui & non nisi bonâ fide admissus est, & ingenuè ac modestè agnoscitur. Idipsum est, quod tot magnis viris, quod vel sanctis contigit. Ipsis etiam error aliquis objectus est in iis quæ pertinerent ad fidem. Erravit S. Cyprianus, egregius ille Doctor, ille Martyr invictus, cum 20. aut circiter Africæ Episcopis eruditis, in rebaptizationis dogmate. Errabat eodem tempore atque in eadem re, cum pari ferè Illustrium Episcoporum ex Asiâ numero, eximius ille Firmilianus. S. Hilarius Arelatensis atque alii sancti Galliarum Episcopi errabant in

eo dogmate, quod pertinet ad gratiam & prædestinationem, ut ex sanctis Hilario & Prospero discimus. Atque ipse S. Augustinus confitetur, se in eodem fuisse errore versatum, etiam postquam creatus fuit Episcopus, usque ad tempus illud, quo libros ad Simplicianum conscripsit. Præterea quamdiu vixit, videtur ignorasse veram Ecclesiæ traditionem de creatione animarum eo ipso temporis puncto, quo Deus eas jungit corporibus; atque illum quidem eâ de re semper incertum ac dubium mansisse, ex ejus retractationibus apparet. Mirumne igitur videri debet, XXIII Galliæ Episcopos in fraudem inductos eâ distinctione, quæ speciem aliquam habet veri, estque maximè appositâ ad fallendum, non satis attendisse quàm æquum foret, & Ecclesiæ jusjurandum postulanti concedere, & jurijurando fidem certam atque absolutam adjungere? Neque facere debet error ille, ut eos minùs jam observemus ac veneremur. Hoc ipsis contigit, *quod tot magnis viris, quod vel sanctis contigit.* Non est meum, id quod tu existimas, committere, ut eos propterea *perjurii* & simulatæ pietatis incusem. Nam quis ego sum, ut corda scrutari & intimos animorum recessus aperire & dijudicare audeam? Equidem id unum ago, ut defendam illud, quod generatim à S. Augustino & S. Thoma de jurejurando sancitum est. Sed longè sum ab eo, ut illius impietatis reos agam Episcopos reverentiâ dignos, qui suâ pietate Ecclesiam illustrarunt, & quibus error potuit objici, quemadmodum *tot magnis viris*, quemadmodum *vel*

sanctis obiectus est. Nam quòd Illustr. Archiepiscopi Rhemenfis exemplum opponis, poteras illo exemplo adduci ad illud confitendum, quod & ad gloriam tuam cederet, & ad Ecclesiæ consolationem. Scripserat is quidem ad D. Vivant, sibi videri *maximè accuratam* D. Hennebellii declarationem oportere omnino ut Catholicus quivis in captivitatem redigat intellectum, & quinque Propositiones jure damnatas esse credat quantum verò ad factum pertinet, post illa omnia, quæ in eâ causâ transacta sunt, posse hos Theologos, imò & debere cogi, ut silentio se obsequioso contineant. Verùm idem ille, postquam diligentius investigavit, quid ipsum per se jusjurandum exigat ab iis, qui illud jurant, Mandato suo denique statuit, non satis esse silentium vel maximè obsequiosum, nisi certa fides adjungatur, & jusjurandum, cui fides certa non accedat, probrosam esse dissimulationem, eamque cum perjurio conjunctam. Tu verò, Præsul Illustrissime, fateris Episcopis XXIII. * silentium obsequiosum visum esse accomodatum atque omninò sufficiens &c. Addis Clementem IX. libenter fecisse, ut † silentium obsequiosum complecteretur, valdè scilicet accomodatum ad animos omnium ad concordiam revocandos, & reddendam Ecclesiæ tranquillitatem. Atqui illud idem est silentium obsequiosum, quòd universa jam reprobat ac damnat Ecclesiæ. Si tu in eo damnando Ecclesiæ fueris assensus, non dici potest, quantis te laudibus Ecclesiæ sit prosecutura.

* Pag. 82.

† Pag. 85.

REDEAMUS jam, Præsul Illustrissime, ad eam doctrinam, quæ tibi videtur tam absurda, de infallibilitate Ecclesiæ in textibus dijudicandis.

I. Attuli verba quibus promissum Christi continetur: *Ite, docete . . . & ecce ego vobiscum sum omnibus diebus usque ad consummationem sæculi.* Docere, est textus facere, seu attexere verba, componere seriem contextumque verborum; est condere symbola, canones, aut alia ejusmodi decreta; est textus quosdam probare & facere suos; est textus alios repudiare ac damnare; est textus eos, quibus traditionis veræ series continetur, secernere ab iis, quibus traditio falsa constat. Atqui promittit Christus, se fore *omnibus diebus* cum Ecclesiâ suâ docentem; hoc est, cum eâ textus facientem, ad eos textus dijudicandos, quibus fidei depositum aut conservatur aut corrumpitur, ex quibus aut vera aut falsa traditio coalescit. Restat igitur illud inquirendum, an Christus esse possit cum Ecclesiâ *omnibus diebus*, sic ut malè ac perversè cum eâ doceat, hoc est, textus corruptos approbet, puros verò & incorruptos damnet. Intelligis, Præsul Illustrissime, vel nudis promissi verbis, si religiosè ac simpliciter accipiantur, illud ipsum contineri quod defendo. Illæ ipsæ voces, ut sonant acceptæ, omninò pro me faciunt. Voce *docendi*, nemo est, nisi qui eam ad sensum alienum & minimè ferendum detorqueat, qui non intelligat contineri textus dogmaticos, quibus populi erudiuntur. Non dicit Christus, (*Ite, cogitate, judicate*;

dicite, credite:) imò dicit, (*Ite, docete*) hoc est (facite textus, de textibus per alios textus ferre iudicium, condite symbola, canones, aut alia ejusmodi decreta; textus quibus vera traditio constat, secernite ab iis textibus quibus constat traditio falsa: & ecce ego vobiscum sum, vobis eo præcipuo atque insigni munere fungentibus adero.) Etiamne inducendæ novitatis accusabitur Episcopus is, qui Christi promissum affert pro suâ sententiâ decretorium? Evangelicorum verborum vim non potes nisi ea contorquendo effugere; ea interpretari ne aggrederis quidem. Tu, cum proponere nihil queas ad illa, quæ ex sacro textu deprompta profero, arguis me quasi novum quoddam & insolens dogma proponam. Illud à te, quæso, Præsul Illustrissime, exorem, ut vel accuratè respondeas, vel fatearis, id quod ego defendo tam antiquum esse, quàm ipsum Evangelium, cujus scilicet verbis nudè ac simpliciter acceptis niritur.

Ostendi præterea, promissam hanc infallibilitatem veterum Conciliorum doctrinâ atque usu manifesto esse comprobata. Quintum præ cæteris Concilium attuli, quod non nisi de trium textuum hæreticitate pronunciavit. De his tribus, quæ scilicet facta appellantur, Spiritûs sancti nomine & promissionum; quas commemorat, vi atque autoritate decernit. Occidens denique cum Oriente in illo decreto firmando conspirat. Igitur Catholica Ecclesia universa jam à sæculis undecim hanc infallibilitatem in textibus dijudicandis manifestè adhibitam fuisse profiteretur. Discussis sin-

gulis sanctorum Patrum locis demonstravi, traditionem eam, quam secta nobis opponit, falso & per calumniam jactari, atque eam quam defendo auctoritatem a sanctis Patribus admissam fuisse. Ostendi S. Thomam, quem omnis deinceps Theologorum cœtus ab annis quingentis eâ quidem in re secutus est, statuisse Ecclesiæ de textibus judicanti credi oportere, quamvis ei credi non semper necesse sit, quamvis & ei modestè ac reverenter contradicere liceat, *judicanti de factis particularibus*, in quibus non est immunis ab erroris periculo. Tu verò num ea omnia loca paulò diligentius excussisti? num ad ea, quæ illis ex locis colligo, respondisti? Pace hoc dicam tuâ, ne leviter quidem attigisti. Denique ostendi, Cardinales de Turrecremata, Baconium, Bellarminum, Pallavicinum, Richelium, Patres Sirmondum & Petavium hoc unum habuisse, quod Ecclesiam in propriâ atque intimâ Scriptorum mente dignoscendâ crederent esse obnoxiam errori; verum censuisse proflus, id quod nos censemus, ac disertis verbis esse testatos, Ecclesiam esse immunem ab erroris periculo in dijudicandis iis textibus secundam se sumptis, quibus fidei depositum aut conservari potest aut corrumpi. Jam quid tu reponis, Præsul Illustrissime, ad ipsum Christi loquentis oraculum, ad illam nubem testium, qui in Ecclesiâ Dei sæculis omnibus claruerunt? Transvolas nimirum, atque iis omnibus omis- sis, quò te fert impetus, progredieris. Priora illa videris neque discutere, neque etiam audire velle.

Ne verbum quidem reponis ad ea omnia ; quibus Scriptorum horum sententiam diligenter expendi. Satiùs tibi videtur illi , qui novemdecim Episcoporum Epistolam conscripsit , credere , hos Theologos pro tuâ sententiâ stare. Brevem sanè & perquam commodam scribendi rationem ! hanc qui tenet , potest , cùm nulli argumento respondeat , negare tamen omnia , quæ argumentis efficiuntur ; potest ponere probata jam esse omnia , quæ defendit , atque adeo omnem probandi laborem & curam omittere. Verùm necesse est , ut qui velit meâ dicta verè refellere , vel singillatim diluat ea argumenta quæ congesti , vel fateatur id quod dubium jam prorsus esse non potest , neminem fuisse inter scriptores Catholicos , ante exortos scriptores è sectâ , qui ausus unquam fuerit negare , Ecclesiam immunem esse ab erroris periculo in iis textibus dijudicandis , quibus fides aut servatur aut corrumpitur ; & fallaci illâ captiosaque facti & juris distinctione factum esse , ut hac nostrâ ætate veritas ista , quæ fundamenti locum obtinet , in quorundam animis obscuraretur.

V I I.

At quæso , Præsul Illustrissime , quid reponis ad solemnia & publica Cleri Gallici monumenta ?

I. Cætus anni 1654. constans Præsulibus 40. ita scribebat ad Innocentium X. *Censuimus & declaravimus , propositiones illas quinque famosas , & opiniones esse Cornelii Jansenii , & in sensu ejus.*

dem *Fansenii à Sanctitate Vestra damnatas discretis ac manifestis verbis. Addebat, Constitutionem, quâ Janseniani textus hæreticitas declarabatur, esse ordine canonico latam, atque eos, qui deinceps contradicerent, pœnis in hæreticos à jure decretis statim puniendos. Idem cœtus Epistolâ suâ encyclicâ ad omnes Galliæ Archiepiscopos & Episcopos sic habet : Homines, qui se Cornelii Fansenii Episcopi Iprensus amatores sectatoresque profitentur affirmare, imò & persuadere aliis volunt res duas vanas omnino & inanes; alteram, quinque illas propositiones non esse Fansenii; alteram, damnatas esse eo in sensu, qui ad Fansenium nihil pertineat cui refellendo revincendoque nihil opus sit rationibus, nihil disquisitione, etiam mediocri aut levi, SED SOLA PONTIFICIÆ CONSTITUTIONIS, QUÆ PER SE IPSAM REM TOTAM APERTE DIRIMIT, LECTIONE. Præterea ejusdem Epistolæ verba sunt : Episcopis ex ipsâ Constitutionis lectione, atque insuper ex opere Fanseniano, quod etiam, quantum ad quinque illas propositiones attinet, studiosè legerunt, expenderuntque (QUAMQUAM SOLA PER SE AD ID SUFFICIAT CONSTITUTIO) manifestum ac perspectum fuit; illas quinque propositiones verè esse Fansenii, & damnatas esse in vero ac proprio verborum sensu, & eo planè quo à Iansenio traduntur & explicantur.*

Quare si illis Præsulibus credimus, non jam id agebatur, ut vel legendus esset Jansenii textus, vel oculorum judicium consulendum, vel de evidentiâ rei disceptandum; neque opus erat ullâ dis-

quisitione, etiam mediocri aut levi; restabat illud unum, ut suos quisque oculos veluti præcluderet, se ipsum non audiret, audiret Ecclesiam, quæ ordine canonico pronunciaverat, intellectum in captivitatem redigeret, postquam Episcopi ad Apostolicæ sedis oraculum confugissent, & Petrus confirmasset fratres suos; quod qui non faceret, pœnis in hæreticos à jure decretis esset puniendus. Hanc scilicet supremam atque immunem ab erroris periculo, in eo quod factum dicitur judicando, potestatem jam tum Episcopi 40. ultro agnoverunt.

2. Cœtus anni 1656. item Præsulum 40. iisdem vestigiis inhærens ita scribebat ad summum Pontificem: *Nova secta discipuli ut à capitibus suis fulminis Apostolici amoliantur ictum ad facti quæstionem, in quâ Ecclesiam falli posse docent, controversiam deducere nituntur. Verùm Breve Apostolicum decisionis autoritate ad juris quæstionem restrictâ, doctrinam Iansenii, quam opere suo ille explicuit, in propositionum confixarum materiâ, Pontificiâ constitutione damnatam esse declarat. Ergo iterum Præsulum 40. cœtus decernit, veram de Janseniani textûs hæreticitate quæstionem non esse facti quæstionem, in quâ Ecclesia falli possit, sed juris quæstionem, in quâ Catholicus nemo dubitat, quin Ecclesia sit immunis ab erroris periculo. Hi Præsules 40. pugnant, non hîc agi de syllabarum tricis, quod homines è sectâ persuadere conabantur, neque de facto ejusmodi, quod totum esset penes oculorum judicium, verùm de quæstione juris*

circa eum textum, quo hæreses quinque continēbantur. Si mihi textum aliquem libēret arbitrato meo scribere, possemne optare ullum magis accommodatum ad illud quod defendo, aut magis decretorium? Anno 1654. Præsules 40. decernunt, non jam esse disquirendum, non disceptandum, sed *puniendos quasi hæreticos*, qui vellent adhuc de evidentia inquirendâ disputare; quia scilicet ad hæreticitatem illam decernendam, *sola per se sufficit Constitutio*. Deinde anno 1656. Præsules item 40. affirmare non dubitant, veram quæstionem, si rite intelligatur, esse *juris quæstionem, non facti quæstionem, in quâ Ecclesia falli possit*. Futurumne unquam sperasti, Præsul Illustrissime, ut XXIII. Episcoporum autoritas cum utriusque hujus cœtus autoritate componi atque etiam eam vincere posset?

3. Qui verba tam decretoria legerit, is profectò non mirabitur, eundem cœtum anni 1656. his verbis usum esse in expositione deliberationum Cleri Gallici: * *Quod spectat ad errorem facti,..... opera pretium est subjungere..... hunc locum non habere in controversiis facti necessario conjuncti cum fidei dogmatibus.... Hanc traditionem, qua in facto consistit, declarantis Ecclesia eadem est infallibilis, qua de fide judicantis autoritas*. Illud velim advertas, Præsul Illustrissime, dici aliquo sensu posse, *traditionem non nisi in facto consistere*, hoc est, in eo tantùm esse positam, an Ecclesia semper hoc vel illud dogma docuerit, an iis textibus, ex quibus ejus traditio coalescit, hæc vel illa doctrina significetur. Ejusmodi facta, si tamen facta sunt

appellanda, sejungi prorsus à jure non possunt. Hinc igitur patet, hos 40. Præsules sic statuisse, non posse factum à jure sejungi. Quod dum statuunt, non modò nihil exaggerant, sed & minus quidpiam dicere videntur, quàm quod scripta ad summum Pontificem epistolâ pronuntiaverant. Nam in epistolâ quidem affirmant, quætionem hanc de Ianseniani textûs hæreticitate *juris esse quætionem, non facti* : sed in expositione verba etiam adhibent ab aliis desumpta, atque illud, quod factum dicitur, pronunciant saltem esse factum ejusmodi, ut à jure sejungi non possit, quia traditio, quæ tota posita est in eo factorum genere, pendet à textibus, quibus aut servatur aut corrumpitur. Quid est igitur, Præsul Illustrissime, quòd solum Dominum de Marca facis autorem illius sententiæ, quam suam tum fuisse omnes Episcopi, publicis instrumentis ultro profitentur ? * *Fussit cœtus universus, ut omnes, tum Episcopi, tum ex secundo ordine delegati, huic expositioni in actis per-scriptis nomen suum apponerent. Cùm ii, qui ad rem totam cognoscendam fuerant delecti, retulissent quid sibi videretur, de eo ipsorum consilio deliberatum est per provincias, atque illud universis fuit acceptum. Extant & hæc verba : Placuit expositionem, qua probata est ab universo cœtu, in acta referri. Cœtus præterea scriptis ad Reginam atque ad Card. Mazarinum litteris expositionem hanc misit tamquam suam; jussit ut eâ suo nomine mitteretur ad Episcopos omnes qui in provinciis degerent: missa est ad eos expositio, prout fuerat*

imperatum. Potuitne unquam ullum monumentum approbari atque illustriori quodam modo agnosci? Denique cùm in cœtu anni 1675. quidam con-questi essent, hujus expositionis, quæ sectam tantopere premeret, *exemplaria omnia vel distracta esse, vel sublata, sic ut nullum jam reperiri posset, cœtui visum est, procurandam esse editionem alteram . . .* atque hac cura demandata *Illustr. Domino De Harlay Archiepiscopo Parisiensi, qui huic cœtui praeerat.* Expositio igitur eadem illo procurante typis iterum est edita.

Hæc sunt, ni fallor, vel præcipua quæ ad hujus controversiæ historiam pertinent. Verba tantùm refero ex instrumentis solemnibus deprompta, neque temporum seriem perturbo, siquidem suam cuique adjungo temporis notam. At fierine potuit, Præsul Illustrissimè, ut ea sic gesta esse nescires, quæ tuâ ætate gesta sunt? An verò, quæ sciebas, prudens ac volens tacenda duxisti? Quid est, quòd Illustr. Dominum de Marca solum autorem facis ejus sententiæ, quam instrumenta publica fidem faciunt ipsi fuisse cum duobus his frequentissimis cœtibus communem? Si addideris comitia anni 1675. comperies Episcopos centum & ampliùs huic sententiæ subscripsisse, quam tu veluti novam & insolentem atque absurdam contemnis. Sed alia quædam sunt etiam graviora.

Inspiciamus quinam in his cœtibus scribendo adfuerint. Nimirum adfuerunt anno 1654. Illustr. Gondrin, Archiepiscopus Senonensis, Illustr. de Choiseul, Convenarum, deinde Tornacensis Epis-

epus, Illustr. De Laval, Leonensis; deinde
 Rupellensis, Illustr. Faure, Ambianensis, Illustr.
 de Guron Tullensis Episcopus, deinde Convena-
 rum. Hi quinque sunt inter XXIII. Episcopos.
 Jam verò in cœtu anni 1656. comperiemus eum-
 dem Archiepiscopum Senonensem, eisdem E-
 piscopos Ambianensem ac Tullensem: accedunt
 Illustr. Godeau, Episcopus Vinciensis, quem secta
 suum esse tantopere prædicavit, Illustr. Vialart,
 Episcopus Catalaunensis, Illustr. De Perochet,
 Episcopus Bononiensis, Illustr. De Pericart, E-
 piscopus Engolismensis, Illustr. de Levy, Epi-
 scopus Mirapiscensis, Illustr. de Marmiesse, Epi-
 scopus Conforanus. Hos sex si ad quinque supe-
 riores adjungas, comperies inter illos XXIII. esse
 omnino undecim, qui scripto testati sint, se alia
 omnia sentire, quàm quæ tu eos sensisse fingis.
 Præterea Illustr. Pavillon Episcopus Aletensis diu
 sic existimavit, jusjurandum jurari nudè ac sim-
 pliciter debere, nullâ exceptione adhibitâ, atque
 adeò credi debere illud quod factum dicitur, su-
 blato omni metu ne eâ in re nos Ecclesia in errorem
 inducat. Neque prætereundum est, Illustr. Choart
 de Busenval Episcopum Bellovacensem subscripsisse
 Epistolæ scriptæ à cœtu anni 1654. Quare ex qua-
 tuor Episcopis duo sunt qui planè senserant, con-
 trà quàm eos postea sensisse commemoras. Præte-
 rea ex Episcopis XIX. numeramus Episcopos
 undecim, qui suâ subscriptione testati erant, sibi
 Ecclesiam videri in ejusmodi judiciis non obno-
 xiam errori. Ad hæc qui attenderit, nã is parum

tribuet autoritatis Epistolæ illi à XIX. Episcopis conscriptæ. Et illud observandum venit, anni 1656. deliberationi planè decretoriæ subscripsisse plurimos ex iis, qui tum erant ordinis secundi, ac paulo post ad primum ordinem seu Episcopalem assumpti sunt. Inter eos sunt D. de Bonzi, postea Cardinalis atque Archiepiscopus Narbonensis; D. Poncet, postea Bituricensis Archiepiscopus; D. de Villars, Archiepiscopus Viennensis, D. de Carbon, Arch. Senonensis, alter D. de Carbon, Archiepiscopus Tolosanus; Archiepiscopi nimirum quinque, quos inter unus Cardinalis etiam fuit. Adde D. de Nesmond, Episcopum Bajocensem, D. de Quemadrev, Episcopum San-Macloviensem, D. de Gordes, Episcopum Lingonensem, D. de Bertier, Episcopum Rivenensem, & D. de Ligny, Episcopum Meldensem. Vides, quanta se nobis turba Præsulum offerat. Neque illud omittendum, hunc Meldensem Episcopum unum esse ex novemdecim. Quare ex illis novemdecim, quorum Epistolam totam esse in infallibilitate impugnandâ contendis, sunt omnino duodecim, qui infallibilitatem eandem suâ subscriptione firmaverant. Etiamne, Præsul Illustrissime, solus ego post D. de Marca ejus sententiæ autor esse dicar, quam propugnaram esse comperies à frequentissimis Archiepiscoporum & Episcoporum cœtibus, imò & à duodecim Episcopis inter illos XIX. quos tu testes atque autores appellas?

VIII.

Sed Veniamus, Præsul Illustrissime, ad auto-

ritatem tuam hoc est ad auctoritatem cœtus anni 1660, cui tu delegatus interfuisti. Illius verba sunt: *Quia nonnulli variis nominibus & causis has subscriptiones (agebatur de formulâ) impedire contendunt, frequens cœtus pronunciat, quinque propositiones . . . damnatas esse eo sensu, quo ab auctore tradite sunt, ita ut, qui contradicentes ac rebelles fuerint, habendi sint hæretici, atque iis pœnis castigandi, quæ iisdem constitutionibus decernuntur.* Addebas cum eodem universo cœtu: *Fansenii doctrinam uno totius Ecclesiæ consensu hæreseos damnari.* Quare tibi sic erat persuasum, totam Ecclesiam tum de jure, tum etiam de facto pronunciasse. Sed quinam sunt illi, quos tu *contradicentes & rebelles* appellabas? illi sanè, qui *variis nominibus & causis formulæ subscriptiones impedire contendebant.* Agebatur de ipsis sectæ Capitibus atque architectis, qui adduci non poterant ut subscriberent, quia integram quidem, quantum ad jus pertineret, fidem ultrò pollicebantur; verùm negabant se juraturos unquam in ea verba, quibus facti fides significaretur, & se intra silentium obsequiosum continebant. Anno 1660. jubebas homines ejusmodi, qui se S. Augustini discipulos dicebant, *haberi hæreticos*, atque ut tales *castigari.* Non dicebas id tantùm, eos fore suspectos hæreseos, non tantùm eos castigandos iisdem pœnis, quibus solent hæretici castigari; sed illud addebas præterea, illos *habendos esse hæreticos*, hoc est, judicandos atque existimandos.

Si ponitur id quod poni decet, vestrum istum

anni 1660. cœtum iisdem institisse vestigiis, qui-
 bus institerat cœtus anni 1656. vester articulus
 tertius accuratè atque ad amissim verus est. Cœ-
 tus anni 1656. decernit, quæstionem de Janseniani
 textûs hæreticitate non esse *facti quæstionem*, in
 quâ falli possit *Ecclesia*, sed *quæstionem juris*. Hanc
 quæstionem decidentis *Ecclesie eadem est*, inquit,
infallibilis, quæ de fide judicantis autoritas. Atqui
 dubitari non potest, quin ille sit hæreticus, qui
 obstinatè negat, Ecclesiam esse immunem ab er-
 roris periculo in eâ re dijudicandâ, quæ promissio-
 nibus continetur. Hæreticus est, qui non vult
 Ecclesiæ credere *de juris quæstione* judicanti. Ergo
 accuratè atque ad amissim verum est, ex iis quæ
 à cœtu anni 1656. constituta sunt, eos qui nole-
 bant id quod factum dicitur credere, *habendos*
fuisse hereticos. Præerat isti vestro cœtui Illustr.
 de Marca, & decreti vestri verba pronunciabat.
 Quare mirum non est ipsum noluisse ullo pacto
 labefactare aut minuere illud, quod ante annos
 quatuor cum Præsulibus 40. decreverat, imò il-
 lud ipsum sedulò confirmasse. Et verò tu ipse
 confessus es, Præsul Illustrissime, *tertium* hujus
 cœtûs *articulum*, qui est *de obsignandâ formulâ*,
his verbis esse perscriptum, quæ illius Archiepiscopi
doctrina faveant? Gravem sanè & memoratû dig-
 nam confessionem! Confiteris igitur te huic de
 infallibilitate doctrinæ subscribendo favisse. Sed
 parum est favisse, hanc ipse doctrinam approbasse
 & fecisti tuam. Velleſne, obsecro, eos Theolo-
 gos *habere hereticos*, qui nullius hæreseos essent

rel: Velleſne eos hæreticis idcirco annumerare, quia merum factum, quod eſſet planè ſejunctum à jure, neque ad fidem ullatenus pertineret, nol- lent credere, aut quia non auderent imperare ſi- bi juſjurandum, freti eâ ſolâ autoritate, quæ incerta foret & fallax? Accuſares certè eorum confidentiam aut pervicaciam: ſed qui nullâ verâ hæreſi eſſent infecti, non *haberes hæreticos*. Imò neque caſtigares quaſi contumaces, ſi modò bonâ fide niterentur facti fidem aſſequi, atque hæc fo- ret eorum oratio: (Jurare nos non poſſumus, niſi certò credamus, neque certò credere, niſi eam certam fidem faciat vel ipſa perfectâ objecti evidentia, vel autoritas nescia fallere. Verùm hæc duo cùm deſint, nihil quidquam poſſumus polliceri præter ſilentium maximè obſequioſum, quo continetur reverentia, fiducia, obſequium intimum, cætera denique omnia præter fidem certam, quam nobis ipſi tribuere non poſſumus. Si fidem certam Eccleſia poſtulat, faciat ut certò credere poſſimus, atque id ut aſſequatur, pro- nunciet ſe in decernendo falli & fallere nesciam eſſe. Id ubi pronunciaverit, credemus eam eſſe immunem ab erroris periculo.) Hos, quaſo, tu privabis Eccleſiaſticâ communione? hos *habe- bis hæreticos*? Atqui habuiſſes hæreticos anno 1660, ex tertio veſtro articulo: ſed non habuiſſes hæ- reticos ex epistolâ à vobis ſubſcriptâ anno 1667. Erat anno 1660. verè hæreticus, dignuſque qui *hæreticus haberetur*, quiſquis Eccleſiam negabat eſſe in textibus dijudicandis immunem ab erroris

periculo, quia tum res ea pertinere credebatur ad quaestionem juris. Verum anno 1667. illa ipsa infallibilitas visa tibi est *dogma novum atque inauditum*, quo Episcopi XIX. tum apud summum Pontificem, tum apud Regem professi sunt quosdam homines praeferos uti ad vexandos quatuor Episcopos, & S. Augustini discipulos. Verum ut omittamus jam disquirere, num tertius iste anni 1660. articulus, cum superiorum cœtuum placitis consentiens, anteponi debeat Epistolæ vestrae anni 1667. cui ab uno è sectæ Capitibus præformata Episcopi XIX. subscripserunt, illud certè non potes diffiteri, vestri tertii articuli verba per se sumpta esse planè decretoria. Si debet *haberi hæreticus*, qui non credit Ecclesiam esse in textibus dijudicandis immunem ab erroris periculo, illa infallibilitas haberi debet veritas revelata, cujus nempe negatio sit hæresis. Te igitur ipsum, Præsul Illustrissime, numerare possumus inter eos Episcopos, qui suâ subscriptione approbaverunt illam ipsam infallibilitatem, quam nunc oppugnare non dubitas.

Cæterum huic cœtui anni 1660. scribendo affuerunt Archiepiscopi vel Episcopi 45. inter quos est Illustr. D. de Harlay, tum Archiepiscopus Rhotomagensis, postea Parisiensis, quem tamen nobis opponere cõtendis. Et verò idem ille in cœtu anni 1654. rem eandem approbaverat. Occurrunt & nomina Ill. De Bassompierre, Episcopi Santonensis, & Ill. de Bourlon, Episcopi Sueffionensis, qui duo sunt ex Episcopis XIX. quosque si ad

duodecim illos, quos supra memoravimus, addi-
gas, erunt omnino quatuordecim. Tu igitur,
Præsul Illustrissime, decimus quintus es ex XIX.
inter eos, qui infallibilitatis dogmati subscripse-
runt. Non appello Ill. de Pericart, Episcopum
Engolismensem, Ill. de Laval, Episcopum Leo-
nensem, deinde Rupellensem, Ill. Faure, Episco-
pum Ambianensem, Ill. de Guron, Episcopum
Tullensem, qui eidem huic doctrinæ, cui jam ab
anno 1656. subscripserant, iterum anno 1660.
subscribere. Omitto & illos ex secundo ordine
delegatos, qui deinde ad primum æquè ac tu
eveci sunt: hos inter sunt Ill. de Bethune, Epis-
copus, dum viveret, Aniciensis, Ill. de Matig-
non, Episcopus Lexoviensis, Ill. de Carbon, Ar-
chiepiscopus, dum viveret, sive Senonensis, sive
Tolosanus, Ill. Colbert, Episcopus quondam
Altrifrodorensis, Ill. Bochart, Episcopus Claro-
montanus, Ill. de Beauvau du Rivau, Episcopus
quondam Sarlatensis, Ill. Colbert de S. Pouënges,
Episcopus quondam Matisconensis, & Ill. To-
reau, Episcopus, dum viveret, Dolensis. Potest
etiam animadverti, tres ex illo cœtu Præsules
fuisse Cardinales, nempe Cardinalem Estræum,
Card. de Bonzi, & Card. Jansonium de Forbin.
Ex iis Estræus paulò post in componendo qua-
tuor Episcoporum negotio *adhibitus*, & primarum
partium actor fuit. Hi Præsules omnes eam, de
quâ disputamus infallibilitatem suâ subscriptione,
approbaverunt, hi omnes reprobaverunt silen-
tium vel maxime obsequiosum, qualibet tandem

tatione attemperatum ac mitigatum. Itaque si numerum inire placet, in cœtibus annorum 1654. 1656. 1660. & 1675. comperientur esse Præsules Galliae 180. & ampliùs, tam Cardinales quàm Archiepiscopi vel Episcopi, quos inter locum habes, Præsul Illustrissime, qui ante me propugnaverunt, conceptisque verbis docuerunt eam infallibilitatem, quæ hodie tibi tantopere contemnenda ac nova videtur. Inter tuos illos XIX. Episcopos quindecim reperiuntur, qui eam propugnaverint: soli supersunt quatuor, nempe qui tum erant Episcopi Lutevensis, Aginensis, Rhedonensis, ac Trecensis, qui non interfuerint his cœtibus, quibus contraria sententia per scriptis omnium autoritatibus firmata est. Atque hinc intelliges, quid ponderis habere possit vestra hæc Epistola, tum contra ipsos, tum contra innumeros Præsules, variis temporibus congregatos.

I X.

DECRETORIUM illud argumentum, quod à vestro anni 1660. cœtu desumitur, eludere non potes, Præsul Illustrissime, nisi defendas hunc esse Ecclesiæ morem, ut homines quosdam, quos rectè novit non esse hæreticos, cum hæresim nullam propugnent, *haberi tamen velit hæreticos*, atque iisdem pœnis, quibus hæreticos, castiget, quia non obtemperant in aliquâ re, quæ ad meram disciplinam pertineat.

1. Verum quidem est illud quod annotasti; Victorem Papam visum fuisse sic affectum animo, ut vellet à fidelium communione segregare Asiaticos

Asiaticos illos, qui Pascha eodem quo Judæi diē celebrare obstinatē volebant. Sed idem ille à S. Ireneo exoratus, Ecclesias illas suā consuetudine uti denique tulit. Quid verò ejusmodi exemplo te effecturum speras? Certē ut aliquid efficeres, quod tuam causam adjuvaret, probares primū, quæstionem eam Victori Papæ visam esse ejusmodi, ut non nisi ad disciplinam pertineret; deinde, eum voluisse nihilominus ut illi Asiatici *hæretici haberentur*. Atqui manifestum est, neutrum à te effici ullo argumento posse. Nam primū quidem par est credere, quæstionem hanc à Victore Papa sic spectatam esse, quasi ad ipsum dogma pertineret. Illud agebatur, num Christiani adhuc legis antiquæ jugo tenerentur, an fruerentur legis novæ libertate; num post Synagogam omnino sepultam Judaicos ritus ab iis servari ac retineri oporteret. Hoc nimirum dogma de cæremoniis legalibus necessariò retinendis Paulus Apostolus rejecit, præsertim Epistolâ ad Galatas. De hoc dogmate Concilium Apostolorum Jerosolymis habitum, his verbis pronuntiavit: *Visum est Spiritui sancto & nobis, nihil ultra imponere vobis oneris; quàm hæc necessaria, ut abstinatis vos ab immolatis simulachrorum, & sanguine, & suffocato, & fornicatione*. His nimirum verbis decernebatur, nihil ampliùs necesse esse ritus cæteros legales, atque imprimis ritum Paschatis eodem cum Judæis diē celebrandi servare. Atque indè nimirum factum est, ut qui fuerunt in illo dogmate defendendo pertinaces atque ob-

stinati, habiti fuerint hæretici; quibus *Quæres*
decimanorum nomen est inditum. Quid mirum
 igitur, quòd Victor Asiaticos, qui in eo dogmate
 defendendo videbantur obstinati, *haberi* voluerit
hæreticos?

Deinde verò facilè fieri potuit, ut ejus mentem
 S. Irenæus ad mitiora consilia traduceret; quippe
 Asiaticos non id agere ut in servandis ritibus Ju-
 daïcis vetitum dogma tuerentur; suas habere con-
 suetudines, à quibus agrè discederent; facilitate
 atque indulgentiâ tantisper adhibendâ futurum
 denique, ut ab errore illo revocarentur. Præterea
 non ignoras, Præsul Illustrissime, quàm longè
 ista duo discrepent, segregare aliquem à commu-
 nione Ecclesiasticâ, & *habere hæreticum*. Sæpe
 contingit, ut Ecclesia segreget eos à suâ commu-
 nione, qui neque sunt hæretici, neque suspecti
 hæreseos, cùm obstinatè denegant obedientiam
 in iis rebus gravioribus, quæ etiam fidem non
 attingant. Quare vel si Victor Papa in illis A-
 siaticis ab Ecclesiasticâ communione segregandis
 severitatem maximam adhibuisset, numquam possem
 inde conficere hanc fuisse ejus mentem, ut *habe-
 rentur hæretici*, cùm eos hæreticos non esse sciret.
 Id igitur quod opponis, nullâ ratione consistit.

2. Jam quòd adducis S. Cyprianum, cui Ste-
 phanus Papa in rebaptisationis negotio contradi-
 xit, exemplum ejusmodi nulli tibi esse usui potest,
 nisi prius probaveris, Stephanum Papam sic per-
 suasum habuisse, rem illam ad solam Ecclesiasti-
 cam disciplinam pertinere, & voluisse tamen ut

haberentur hæretici, quotquot cum S. Cypriano sentirent. Atqui hæc duo sunt, quorum neutrum probari potest. Nam illud quidem dicere pace tua liceat, non satis verè dixit is, qui ad te retulit, liberam esse in scholis Sorbonicis potestatem agenda, quæstionem hanc ad meram disciplinam pertinere, nullatenus ad fidem. Non desunt quidem Theologi, qui dicant fieri potuisse ut S. Cyprianus, dum ea in re à Sedis Apostolicæ sententiâ discessit, quæstionem hanc sibi persuaderet ad meram disciplinam pertinere, unde usurpatum in Africâ morem liceret, etiam salvâ Ecclesiæ unitate, retinere. Sed illud nemo defendet, non pertinere ad ipsum fidei dogma quæstionem hanc, ex Scripturâ sacrâ & traditione discutiendam, validumne sit, necne, baptisma ab hominè hæretico in legitimâ formâ collatum. Quare poterat sanè Stephanus Papa velle, ut *haberentur hæretici*, qui in eo perstarent obstinatè, ut baptisma ejusmodi nullum esse defenderent, quod ipsum paulò post Donatistæ defenderunt. Verùm idem Pontifex, ut cum S. Cypriano atque Episcopis Africanis, qui illum confectabantur, cum Firmiliano atque Asiaticis Firmiliani assediis, mitius ageret, adduci potuit spectatâ eorum bonâ fide, & studio tetinendæ unitatis, & candore mentis promptæ ac paratæ ad deponendum errorem, ubi commonstraretur quæstionem hanc pertinere ad fidei dogma, in quo ab Ecclesiâ universâ dissentirent. Ut ut est, certè quæ duo habere te oportuit ad sententiam tuam probandam, eorum neutrum habes. Nam neque probas

Stephano Papæ visam esse rem eam pertinere ad meram disciplinam , & multò etiam minùs conficis , eum voluisse ut S. Cyprianus atque alii Africani *hæretici haberentur* , qui nullâ in re forent hæretici. Quare nihil ex his exemplis deduces umquam , unde ostendas fieri potuisse , ut vester anni 1660. cœtus *hæreticos haberet* eos , quos probè sciret non posse esse hæreticos , quia nullam hæresim propugnarent.

Verùm attulisti præterea quoddam argumentum , cui vim esse maximam existimasti , lic ut ei satisfieri planè non posset. Postulasti , an non possit Ecclesia eodem decreto sive eâdem formulâ conjungere dogmata revelata , quæ necesse sit divinâ fide credi , cum rebus aliis ad meram disciplinam spectantibus , quæ fidem eandem non requirant. Atque istud argumentum confirmas exemplo decreti illius , quod ab Apostolorum Concilio Jerosolymis habito latum est. Eo quippe decreto Christiani jubentur abstinere & à suffocato simul , & à fornicatione , & ab immolatis simulachrorum. Rem quidem ita esse negari non potest : sed ad tuam argumentationem brevis mea est & expedita responsio. Fateor ultro , Ecclesiam posse & de fide & de disciplinâ , sive eodem decreto simul , sive diversis sejunctisque decretis statuere. Id verò quisquamne revocare possit in dubium ? aut estne ulla inter nos eâ de re controversia ? Non agitur sanè , an Ecclesiâ possit eâdem formulâ nobis impetare & fidem revelatorum dogmatum , & debitum obsequium in iis , quæ non nisi in dis-

ciplinâ & Ecclesiasticâ administratione versantur. Non agitur generatim & infinite, quid Ecclesia facere poterit, sed quid in hac unâ Janseniani libri causâ fecerit. Agitur de formulâ, in qua suis Ministris Ecclesia præcipit, ut jurejurent se credere, textus duos, alterum brevior, longior, alterum, alterum quinque propositionum, alterum libri unius integri, esse ambos hæreticos. Quid est, quod Ecclesiam contendis minus sibi tribuisse autoritatis in textûs longioris, quàm in brevioris textûs hæreticitate decernenda? Jam verò, etsi perspicuum argumentando faceres, textûs brevioris hæreticitatem aliâ fide credi oportere, quàm hæreticitatem textûs longioris, manerent nihilominus ea, quibus sententiæ tuæ fundamenta prorsus convelluntur. Primum est, textûs longioris hæreticitatem fide certâ & ab omni errandi metu ac periculo sejunctâ credi debere, siquidem jussurandum ab Ecclesia imperatur: alterum est, Christi promissiones Ecclesiæ factas ab iis lædi, qui certam de illa hæreticitate fidem habere nolunt, siquidem homines ejusmodi ex decreto vestri illius cœtus anni 1660. *haberi debeht hæretici.*

Omittamus igitur, quæso, Præsul Illustrissime, exempla illâ Concilii Apostolici, Victoris Papæ, & Stephani Papæ, quæ exempla nihil planè faciunt ad quæstionem nostram; & formulæ jurejurando ac verbis illis cœtus vestri decretoriis disceptationem nostram circumscribamus. Nullum in omni retrò antiquitate reperies exemplum, quo

Ecclesia velit habere hæreticos eos, quos ipsa novit hæreticos non esse. Necesse est igitur ut cœtus vester approbaverit, eum esse planè hæreticum, qui Ecclesiam negat esse immunem ab erroris periculo in iis textibus dijudicandis, quibus traditio conservatur aut corrumpitur. Dubium igitur esse non debet, quin tu sis decimus quintus inter Episcopos XIX. qui illam infallibilitatem tuâ subscriptione professus fueris, voluerisque eos, qui eam negant, *hæreticos haberi*.

X.

AFFIRMAS tamen, Præsul Illustrissime, non eam fuisse cœtus vestri mentem, ut infallibilitatem illam inter dogmata reponeret, quippe qui reliquerit inter res incertas illud obsequii genus, quod decretis, quæ ad sola facta pertinent, deberetur. Illud etiam arguis, quod te accusaverim, quasi dixeris, ipsum obsequium relictum fuisse inter res incertas, nihil fuisse de illo definitum, cum dixeris tantum, nihil fuisse definitum de obsequii debiti genere. Ego sic respondeo.

I. Non hîc agitur quæ tua unius mens intima fuerit, sed quid enuncietur verbis decretoriis, quæ instrumentis publicis continentur, quibus tu nullo cogente, post rem totam maturè & accuratè discussam, subscripsisti. Neque verò agitur de privatorum quorundam ex illo cœtu consiliis, quæ sanè fieri potuit ut tecum eo ipso tempore conferrent, cum tibi ostenderent, quâ ratione interpretarentur ac vellent intelligi textum eum cui subscripserant. Quamvis affirmanti tibi qualibet aliâ

in causâ fides vel maxima haberi debeat, quamvis in hac ipsâ causâ, quemadmodum & in cæteris omnibus, verè atque ex animo loquaris, non tamen potest tuum de intimâ mente tot Episcoporum, qui jam vitâ functi sunt, admitti testimonium adversus publicorum instrumentorum fidem, præsertim cum & in tuâ causâ dicas, & in eâ in quâ omnes Episcopos adversarios quàm consentientes habere maluisti. Unum igitur tibi restat, ut de te ipso contesteris ac palam denunciés, tibi in illo cœtu errorem fuisse objectum, te scilicet non satis tum attendisse ad ea quibus subscribebas, nondum satis perpendisse quid esset *habere* aliquem *hereticum*, non advertisse denique ejusmodi verbis poni, eum esse reum certæ cujusdam hæreseos, qui Ecclesiam de textûs alicujus hæreticitate statuentem nolit credere immunem ab erroris periculo. Quid autem refert, quòd non volueris istam infallibilitatem inter dogmata reponere, si tamen eam, quantumvis imprudens, inter dogmata reposuisti, si cœtus iste vester eam inter dogmata verbis claris ac manifestis reposuit? Sedebas in illo cœtu delegatus ex secundo ordine: id quod uno omnium consensu statutum est, abrogare privata tua mens ac voluntas non potest. Quo res omnes essent loco, si liceret privatâ aliquâ contestatione post annos 47. abolere atque irrita facere ea, quæ sunt publicis instrumentis ac monumentis consignata?

2. Non licet argumentationem meam referre mutilam & quasi decurtatam. Itaque postulo ab

æquitate tuâ ; eam ut totam atque integram
 spectes. Aio cœtum vestrum *non posuisse inter res
 incertas* genus ipsum fidei, siquidem non modò
 fidem certam postulat, quantum pertinet ad factum,
 de quo scilicet postulat iusjurandum, sed etiam
 infallibilitatem in facto dijudicando vult existimari
 dogma revelatum ; siquidem decernit *habendum
 esse hæreticum*, quisquis huic dogmati non præbeat
 assensum. Quo tandem pacto verè dici potest
obsequii genus relinqui inter res incertas, ubi &
 iusjurandi natura postulat fidem in facto cre-
 dendo certam, & Clerus censet hæresim esse
 errorem eorum, qui Ecclesiam negant in eo
 dijudicando esse immunem ab errore ? Illudne
 etiam dices, Præsul Illustrissime, cœtum vestrum
reliquisse inter res incertas, num certa fides esset
 adjungenda, num verò satis foret eam rem, in
 quam iusjurandum conciperetur, præ obsequio &
 reverentiâ non negare ? Nonne hæc esset *probrosa
 quadam dissimulatio*, eaque cum *perjurio conjuncta* ?
 Illudne etiam defendes, vestrum cœtum *reliquisse
 inter res incertas*, quodnâ esset obsequii genus, quod
 qui non adhiberet, esset *habendus hæreticus* ? Non
 igitur cœtus vester obsequii genus *reliquit inter
 res incertas*. Potestne verò fides certior in facto
 credendo postulari, quam ubi iusjurandum de
 illius facti fide postulatur ? potestne postulari
 fides magis aperta ac manifesta de infallibilitate
 Ecclesiæ in facto dijudicando, quam ubi decer-
 nitur, *habendum esse hæreticum* quicumque eam
 infallibilitatem negaverit ?

CERTUM est, eos qui negabant anno 1660. se adduci posse ut formulæ subscriberent, eosdem illos fuisse, qui se obsequioso silentio continebant. Et verò par omnino est ut ille nolit jurejurare, qui non vult credere, sed satis habet obsequio & reverentiâ ductus tacere. Sed nimirum prorsus necesse fuit ad causam tuam tuendam, ut defenderes cœtum vestrum non fuisse eâ mente, ut *hæreticos haberet* eos omnes, qui silentio se obsequioso continerent. Hanc enim fuisse cœtus vestri mentem fateri non poteras, quin simul fatereris, à cœtu vestro *habitos esse hæreticos* eos omnes, qui in eadem causâ versarentur, in quâ paulò post quatuor Episcopi versati sunt, & quam deinceps novemdecim Episcopi probaverunt. Hinc factum est ut diceres, temporum rationem omnem à me fuisse *perturbatam*. Hinc etiam factum est, ut in meis scriptis plena *errarum esse omnia* crimineris.

Negas homines è *sectâ* ante cœtum anni 1660. ultro obtulisse silentium obsequiosum de *Fanseniani* textûs *hæreticitate*: negas illud idem silentium obsequiosum damnatum fuisse ab eo cœtu, dum iurandum in formula verba postulavit. Illud arguis, quòd dixerim esse manifestum unam fuisse rem illam, quæ tum in disceptatione & controversiâ versaretur. Deinde subjungis: Est tamen extra dubitationem, eos quos vocas homines è *sectâ*, tam longè abfuisse ut silentium obsequiosum offerrent, eo quo *arbitraris* tempore, ut prodirent in dies ab iis, quos

Jansenianos appellas, scripta plurima, quibus conabantur ostendere, famosas quinque propositiones non esse Jansenii Gravissimum est hoc & firmissimum argumentum, adversus quod nulla ratio stare possit, eos, quos vocas homines è sectâ, non obtulisse in cœtu anni 1660. silentium obsequiosum, neque ullam illius tum factam fuisse mentionem. Denique profiteris, cœtum istum non modo illud silentium non damnassee, verùm etiam sic fuisse affectum, ut potius fuisset approbaturus.

Ego verò, Præsul Illustrissime, tantùm absum ab eo, ut commovear isto argumento, quod gravissimum & firmissimum prædicas, ut potius commovear dumtaxat eo metu, ne tibi molestus atque importunus videar, dum sum demonstraturus, quàm parum id habeat roboris ac firmitati, & quàm facilis, quàm decretoria mea sit ad illud responsio.

1. Eo quod tu factum memoras, non conficitur, homines è sectâ non tum obtulisse silentium obsequiosum, sed tantùm conficitur, homines è sectâ, cùm silentium obsequiosum perpetuò pollicerentur, nunquam tamen siluisse, numquam fuisse obsecutos. Fuit ea constans deinceps & propria eorundem hominum ratio. Neque verò postrema Constitutio potuit ab iis impetrare, ut ab illâ suâ ratione discederent. Hoc verbis tam acribus accusavit summus Pontifex Clemens XI. Petri Sede & locò dignissimus. Hoc ipsum accusarunt, quotquot in tuendâ Ecclesiæ causâ studium ac diligentiam suam bonis omnibus approbavere,

2. Per se res ipsa loquitur. Homines à secta præcipui erant ii sanè , qui formulæ *subscriptiones impedire contendebant*. Non credebant sibi fas esse subscribere , & clarè ac perspicuè ostendebant subscribere neminem posse , nisi qui certam & non dubiam fidem haberet. Cætus vester articulo illo tertio non solùm jubebat ut subscriberetur ab omnibus ac certò crederetur , verùm etiam ut *hereticus* deinceps *haberetur* , quisquis certò non crederet. Id ipsum erat, quod tu fateris, *favere* doctrinæ Ill. de Marca. Id ipsum erat, si verè loqui volumus , hanc Ill. de Marca sententiam approbare & facere suam. Id certè fuit non satis habere silentium vel maximè obsequiosum , & fidem certam postulare. Id etiam fuit damnare eos , qui defenderent illud, quod deinceps vis à te fuisse propugnatum Epistolâ scriptâ anno 1667. Non igitur erat cætus vester sic affectus , ut silentium obsequiosum fuisset approbaturus.

3. Sed omissis argumentationibus , rem ipsam ex iis quæ extant litterarum monumentis æstimmus. Audiamus Arnaldum sectæ totius Caput , magistrum , mentem ipsam. Hæc ille scribebat anno 1655. * Quo tandem jure arguitur , posse virum Catholicum hæreticis annumerari , qui dubitet , qui modesto ac religioso se silentio contineat , qui bareat , qui præceptum esse nolit ad proptendendum , quinque propositiones esse illius Episcopi Catholici , cui jam è vivis sublato tribuuntur unius summi Pontificis Constitutione ; præsertim cum & eas ipse in

* Lettre à un Duc & Pair Pag. 152.

illius Episcopi libris reperire non potuerit, & satis
 habeat nihil agere contra conscientiam, nihil in
 re, quæ tota facti est, aggredi contra testimonium
 oculorum, statueritque etiam de illo facto absti-
 nere prorsus ab omni concertatione & controversiâ,
 atque IN EO SERVARE SILENTIUM OBSEQUIOSUM,
 quo nulla major observantia debetur Conciliis etiam
 œcumenicis de facto aliquo particulari decernentibus.
 Vides, Præsul Illustrissime, oblatum fuisse, & qui-
 dem conceptis verbis, silentium obsequiosum
 ante quinque annos quàm cœtus vester anni
 1660. cogeretur. Habes hoc loco silentium reli-
 giosum, dubitationem modestam, piam hesitationem,
 quâ quis sibi ipse diffidit, & ex observantiâ in-
 timâ Ecclesiæ obtemperat, cui vult omnia con-
 cedere, præter fidem certam, quam facere ipse non
 potest ut sibi tribuat, ductus solo testimonio fal-
 laci, & quidem adversus illud, quod animo per-
 suasum & penitus perspectum habet. Hæret,
 præceptum esse non vult ad jurandum contra conscien-
 tiam, & contra testimonium oculorum, in re quæ
 tota facti est, hæreses quinque contineri eo li-
 bro, in quo eas ipse reperire non potuerit. Ex-
 clamat Arnaldus: Quo tandem jure potest vir ejus-
 modi hæreticis annumerari? Contrâ cœtus vester
 reponit, homines ejusmodi habendos esse hære-
 ticos, atque ut tales castigandos, quia dum se in-
 tra silentium obsequiosum continent, negant
 se adduci posse ut certam de hæreticitate hujus li-
 bri fidem jurejurando testentur. Hæc epistola
 scripta anno 1655. eadem est, quæ anno inse-

quente 1656. à Theologis Sorbonicis damnata est; fuitque in causa cur Arnaldus à Sorbona tanto cum fragore ac molimine fuerit ejectus. Dicesne vestrum cœtum tam longè fuisse ab eo, ut silentium obsequiosum damnaret, ut potius fuisset illud approbaturus, qui Arnaldum audiebat totius sectæ nomine illud idem silentium epistolâ tam celebri ac famosâ pollicentem? Dicesne à vestro cœtu habitos esse hæreticos eos, qui non audebant facti fidem jurejurando testari, quamvis ultrò pollicerentur silentium illud, quod ille cœtus fuisset approbaturus? Quidni igitur approbabat, siquidem tam solemnî ratione offerebatur? Sed audiamus historicum sectæ P. Gerberonium.

‘ Illi, scilicet Portu-regienses, ut ostenderent non se obstare, quominus Ecclesia Gallica pace summâ uteretur, atque ut omnem hæreseos suspicionem & crimen amolirentur, adornarunt quoddam suæ fidei symbolum, quod ipsis Calendis Martiis Ill. Archiepiscopo Rhotomagensi tradiderunt. Eo denuntiabant, quinque hæreses à se damnari, quibuscumque tandem in libris illa reperirentur. Quantum verò ad factum pertinet, ita se obtemperaturos pollicebantur, ut reverentiam cum silentio conjungerent. Hoc secta ultrò profitebatur anno 1657. apud Ill. de Harlay, tum Archiepiscopum Rhotomagensem, illum ipsum qui post tres annos cœtui vestro præfuit. Non est igitur veritati consentaneum, quod tibi per fraudem obtruium est, sectam ante annum 1660 nunquam polli-

citam esse silentium obsequiosum; atque Ill. de Harlay existimasse, præclare secum agi anno 1668. in re totâ componendâ, cum illud impetravit. Vides sectam jam tum ab anno 1655. perpetuò fuisse contestatam, se polliceri silentium vel maximè obsequiosum, cum intimâ reverentiâ, modò ea non pertingeret usque ad certam fidem. Illam pollicitationem Gerberonius scribit ab Ill. D. de Harlay delatam ad Emin. Cardin. Mazarinum, & ad Ill. de Marca: sed illa probata non fuit: illam Ill. de Harlay cum universo vestro cœtu non satis esse judicavit: illa non potuit à vobis impetrare, ut non decerneretis, *habendos esse hæreticos* eos, qui certam facti fidem jurejurando testari nollent. Sed Arnaldum iterum audiamus. Is anno 1657. hæc scripsit ad Ill. Episcopum Aletensem: *Quamlibet cupiamus obsequi auctoritati summi Pontificis, hoc unum efficere possumus, ad observantiam nostram sanctæ Apostolicæ Sedi contestandam, ut ejus decretum SILENTIO OBSEQUIOSO excipiamus, non verò ut fidem inrimam habeamus.*

Idem ille anno 1659. paucis ante cœtum vestrum mensibus, ad Ill. Episcopum Andegavensem ita scribebat: * *Sui juris Ecclesia conscia, interiorum quidem in fidei dogmatibus assensionem à filiis suis semper postulavit: at facta vel in illorum prorsus reliquit arbitrio, aut externâ tantum obedientiâ, qua silentio continetur, contenta fuit. Tum allatis ex historiâ Ecclesiasticâ exemplis aliquot, ita prosequitur: Ego quantum religiosior, qui nec*
2. Epist. lat. ad Illust. Andeg. Episc.

Jansenium apertè defendi, nec errorem facti Pontificiis Constitutionibus imputavi? denique eis semper eam venerationem præstiti, etiam in facto, quâ nulla major à Catholicis Theologis exigitur. Eandem pollicitationem obtendebat idem Arnaldus die 7. Februarii anni 1660. Proximè ante cœtus vestri tempus. † Denique si id unum à me postuletur, ut postremis Innocentii X. & Alexandri VII. Constitutionibus habeam, quod ejusmodi Constitutionibus à Catholicis Theologis haberi solet, ut earum fidem amplectantur, & honorificè illas semper appellent, ut de iis, quas fortè in facti questionibus pati possunt, difficultatibus sileant, id quoque libenter spondebo; quia semper in illas sic animo ac voluntate affectus fui. Unam est quod omnino facere non possum, ut quinque illas meritò proscriptas, mihiq; detestatas propositiones, in Jansenii libro verè reperiri, nominatim profitear, idque mihi esse persuasum, subscriptione meâ contester. Intelligis lectam universam Arnaldi ore loquentem jam tum obtulisse animi ac voluntatis affectus omnes, quibus ille auctoritatem Ecclesiæ revereri se atque observare profitetur. Unum est quod omnino facere non poterat (Arnaldus cum suis) scilicet ut firmiter crederet absque firmitate, eâ auctoritate ductus, quam arbitrabatur esse obnoxiam errori, illud factum, quod ipsi quidem manifestè falsum esse videbatur.

Id credo, Præsul Illustrissime, probandum non suscipies, quatuor Episcopos unquam in silentio obsequioso mitigando ac temperando longius

† 2. Epist. lat. ad Episc. Andegav.

fuisse provectos, quàm Arnaldus his verbis præ-
vehatur. Is ipse erat proximè ante vestrum cœ-
tum quæstionis status; id ipsum agebatur. Offe-
rebat secta silentium illud adèò obsequiosum;
adèò mitigatum. Illud Clerus reprobabat, & fi-
dem certam interposito jurejurando affirmari vo-
lebat. Hunc rei totius statum respiciebat cœtus
vester, cùm denunciavit *habendum esse hæreticum*,
quicumque credere & jurejurare nolle. Jam vides,
Præsul Illustrissime, non à me provectò tempo-
rum rationem omnem perturbari, non me ea scri-
bere, in quibus *plena errorum sint omnia*. Jam vi-
des te istorum temporum historiam tam parum
accuratè cognovisse, ut etiam ignoraveris,
quid præcipuum fuerit in illo cœtu, cui inter-
fuisti. Equidem quamvis per ætatem interesse his
rebus non potuerim, tamen in iis commemoran-
dis fieri non potest ut abetrem, quia ipsis pu-
blicorum instrumentorum verbis utor, & suam
cuique rei temporis notam tribuo. Tu verò, Præ-
sul Illustrissime, quamvis jam tum ab eo tempore
locum aliquem teneres, fieri sanè potuit ut ig-
norares facta quædam, quæ scilicet non expen-
disti ex iis instrumentis, quibus solis continentur.
Faciunt indefessi tui labores in Diœcesi tuâ ad-
ministrandâ, ut ista expendere tibi non vaca-
verit: habes excusationem sanè legitimam, &
summâ reverentiâ dignam, istius tui erroris in
eâ re, quæ est nostræ controversiæ caput. Ego
verò, ne quâ in re aberrarem, faciendum mihi
dixi, ut fontes ipsos adirem, & prima rei cu-
jusque

julque monumenta consulerem. *Nunquam*, inquis, *legere mihi contigit pleraque ex iis scriptis, unde hac convicia collegisti &c.* Scripta illa sunt, quæ tum temporis ab hominibus è sectâ spargebantur in vulgus, quibus efficitur, eum non debere formulæ subscribere, qui factû non crederet, sed solo se obsequioso silentio contineret. Ingenuitatem istam summopere veneror, quâ fateris, *numquam legere tibi contigisse pleraque ex iis scriptis*: sed ea qui legerit, perspiciet faciliè, quot in errores te conjecerint is, à quibus obsequiosi silentii totam historiam acceperis. Iis enim scriptis sit manifestû, hoc ipsum fuisse, quod tum agebatur, an satis esset, necne, silentium obsequiosum, cum cœtus vester, spretâ pollicitatione hominum è sectâ, decrevit *habendum esse hæreticum*, quisquis fidem certam interposito jurejurando non polliceretur. Quare silentium istud à vestro cœtu damnatum, & gravissimâ censurâ notatum fuit, quod facere profectò cœtus vester non potuit, nisi Ecclesiæ statuisset in textibus dijudicandis infallibilitatem esse promissam.

X I I.

NINTI prorsus respondisti, Præsul Illustrissime, ad ea argumenta, quibus confeci Ecclesiam in dijudicandis textibus dogmaticis non esse obnoxiam errori. Dabis igitur mihi, ut opinor, hanc veniam, ut summam ac breviter colligam, & veluti sub uno aspectu posita repræsentem ea, quæ nusquam attigisti.

I. Si fieri posset ut Ecclesia errore facti la-

beretur in dignoscendâ vi ac potestate vocum earum, quæ locum habent in symbolo seu in canone aliquo, error ille facti de solis vocibus, fideles induceret in errorem juris de ipso dogmate. Fideles, dum symbolorum Ecclesiæ canonumque textus religiosè proprio ac nativo sensu acciperent, obbiberent ipsi venenum, neque possent fidem non amittere. Ecclesia, dum malè loqueretur, dum malè scriberet, dum suorum ipsa decretorum sensum non assequeretur, necessariò faceret ut malè crederemus, ut fidem nostram corrumperemus. Fideles, quò plus docilitatis ac simplicitatis afferrent, eò paratiores essent ad suam perniciem; fidem servare non possent, nisi symbolorum ac canonum textus per summam invidiam contorquerent ad sensum aliquem minimè proprium ac nativum, sed alienum ac violentum. Atqui hæc si facerent, non jam modestè atque ingenuè textus illos excipere, sed iis illudere viderentur.

2. Canon quilibet est textus brevioris damnatio: damnatio verò libri, quidam est de longiore textu canon. Atqui textus utriusque, seu brevioris, seu longioris, prorsus eadem est ratio: æquè uterque pertinet, sive ad juris, sive ad facti controversiam. Si falli Ecclesia non potest, dum canonem condit de textu aliquo breviori, non minùs est immunis ab erroris periculo, dum canonis quodam genere de textu longiore pronunciat. Si erraret Ecclesia in condendo canone, ita ut anathemate feriret eum textum, quo vera

fidēs significaretur , ipsam fidei propositionem ferirer anathemate , canon ipse foret conceptis verbis textus hæreticus. Atque idem planè debet intelligi de libri cuiuspiam damnatione ; quæ scilicet quoddam est canonis genus de textu longiore. Si textus ille damnatus recideret in puram fidei propositionem , necesse foret , ut ejus damnatio ab Ecclesiâ denuntiata , textus hæreticus haberetur. At illud estne quisquam qui dicere audeat , Ecclesiam , cum quâ Christus docet , hoc est , textus usurpat ad proponendam fidem , posse errore facti in vocibus eò devenire , ut in canone de textu breviori , vel in quodam canonis genere de longiore textu nobis offerat , tanquam fidei propositionem , eam quæ sit conceptis verbis hæretica ? Estne quisquam qui dicere audeat , fieri posse , ut Christus cum Ecclesiâ docens textu prorsus hæretico fidei propositionem nobis obtendat ? Etiam si XXIII. Episcopi errore aliquo decepti opinionem tam improbabilem defendissent , tam abhorrentem ab iis principiis , quibus omnis autoritatis ratio nititur , futurumne credemus unquam , ut quisquam illos sibi eâ in re sequendos existimet ? Hæc sunt , Præsul Illustrissime , quæ refelli à te manifestè oportuit , si fore sperasti , ut eam sententiam , quam XXIII. Episcopis tribuis , crimine liberares. Num verò illud fecisti ? num etiam illud aggredi te posse confidebas ?

3. Atque hoc ut fiat manifestius , & veluti meliori in lumine collocetur , juvat exem-

plum ponere in textibus S. Athanasii adversus impietatem Arianam, in textu Epistolæ S. Leonis ad Flavianum adversus errorem Eutychetis, & in textu S. Augustini adversus hæresim Pelagianam. Si contingeret, quod contingere profectò non potest, ut Ecclesia tres illos textus purissimos & maximè orthodoxos damnaret, ea propositio, quæ tum Ecclesiæ damnantis textu contineretur, esset prorsus hæretica. Ecclesia, dum S. Athanasii textum reprobareret, negaret Verbi divinitatem, quam nimirum S. Athanasii textus affirmat; Ecclesia, dum reprobareret textum S. Leonis, negaret geminam in unâ personâ Christi naturam, quæ affirmatur S. Leonis textu; Ecclesia denique, dum S. Augustini textum reprobareret, negaret peccatum originale, & gratiæ interioris necessitatem ad omne opus bonum, quæ duo S. Augustini textus affirmat. Itaque tres illi quasi canones, quos Ecclesia conderet adversus tres illos textus, totidem essent propositiones fidei, atque illæ proprio ac nativo suo sensu prorsus hæreticæ. Jam si Ecclesia Ministris suis omnibus imperaret, ut jurarent in verba formulæ illius, quâ se profiterentur planè credere, tres eos textus esse hæreticos, fieret manifestum eam tum, licet contra suam mentem, imperare tamen ut Arij, Eutychetis, ac Pelagii hæreses firmâ fide crederent. Neque verò Ecclesiæ mens ac voluntas una posset impedire, quominus trium istorum textuum hæreticorum labes & contagio fidelium mentes inficeret. Atqui mutatis nominibus, Præsul Il-

Illustrissime, dicemus illud idem de Jansenii textu, quod de textibus S. Athanasii, S. Leonis, & S. Augustini diximus. Si ponitur id, quod jam ab annis 60. homines è sectâ jactitant, Jansenium esse fidelem Doctôris gratiæ interpretem, & Augustini Iprensîs textum accuratè consentire cum textu Augustini Hipponensis, illud, inquam, si ponitur, non minùs erit hæreticus, qui Iprensîs, quàm qui Hipponensis textum reprobaverit. Id si ponitur, uterque textus æquè orthodoxus in unam atque eandem fidei propositionem coalescet. Atque indè manifestè consequitur, Janseniani textûs damnationem, non minùs quàm damnationem textûs S. Augustini, fieri prorsus negationem illius propositionis fidei, quæ utroque illo textu æquè contineatur. Id si ponitur, quod secta ponit, jam ab annis 50 Ecclesia in eo obstinata perstat, ut imperet fidem adjunctum jurijurando, in verba seu textum illius formulæ, quo pura S. Augustini doctrina negatur, & affirmatur impietas Pelagiana. Id si ponitur, stare promissionum veritas non potest. Igitur id poni promissionum veritas non sinit. Hæc erant, Præsul Illustrissime, nam iterum dicendum est, hæc erant, quæ à te refelli manifestis & firmissimis argumentis oportuit, nisi fateri maluisses, te fallaci illâ & capciosâ juris ac facti distinctione fuisse inductum in errorem. Neutrum horum præstitisti. Ac refellere quidem argumenta nostria prorsus non poteras. Si verò malles errorem tibi objectum fateri, incredibile est quantum gloriæ consequereris.

Non modò nihil reponis ad ea argumenta, quæ tantum roboris ac firmitatis habent, sed etiam illa confiteris, ex quibus si quis deducat ea quæ apertè consequuntur, intelliget statim, & tuæ doctrinæ seriem dissipari, & ea quæ ego defendo mirificè confirmari. Operæ pretium est flere me, ac te loquentem audire.

1. His me vocibus compellas : * *Hinc fortasse Illustrissimi D. de Marca, vix audeo dicere, fortasse & tuus profectus est error. Quoniam sunt facta quadam, quæ sejungi prorsus à jure non possunt, quia sunt unica ratio juris ipsius credendi, existimavit Illustr. D. de Marca, pertinere & illud posse ad ea omnia, quæ ille facta dogmatica nuncupavit, quosque tu longiores textus appellas. Eateris itaque, Præful Illustrissime, facta esse quædam, quæ sejungi prorsus à jure non possint, quoties nimirum factum ipsum ratio est credendi juris. Restat igitur unum, ut quæramus, an illud quod ultrò concedis fieri interdum oportere, ut factum à jure non sejungatur, tam longè ac latè pateat, quàm ego patere volo. Illud autem ut innotescat, te iterum audiamus.*

2. † *Non est, inquis, eadem ratio factorum eorum, quibus non nititur juris ipsius fides, quale est factum Jansenianum. Sed cur, amabo, non pertinebit ad Jansenianum textum, illud quod de factis quibusdam ultrò confiteris, ea sejungi prorsus à jure non posse? Num ad promissionum divinarum fidem & conservationem depositi mi-*

* Pag. 24. † Pag. 25.

An necesse est textus perniciosos ac pestilentes
 egare, quibus fides corrumpitur, quàm affir-
 mare sanos, quibus ea servatur? Nonne ipsa per
 sani textus affirmatio, ut aiunt Logici, forma-
 s est negatio textus pestilentis ei contradicentis,
 uemadmodum textus pestilentis negatio, ipsa per
 formalis est affirmatio sani textus contrariè op-
 ositi? Nonne est manifestum, hæc duo munera
 textus sanos affirmandi, & negandi pestilentes,
 non modò æquè esse Ecclesiæ propria ac neces-
 aria, sed etiam ita conjuncta, ut alterum altero
 contineri, & ex duobus unum effici necesse sit? Eo
 constituto, quæro jam, quænam sit ratio credendi,
 hoc dogma, *Liberum hominis arbitrium à Deo
 motum & excitatum potest dissentire si velit*, esse
 verum à Deo revelatum. Nempe quia sessione 6.
 Concilii Tridentini, canone 4. Ecclesia damnavit
 propositionem illi contradicentem. Atqui certum
 est damnationem ejusmodi textus, ipsumque a-
 leò textum certo anno atque anni die scriptum,
 facta quædam esse revelatione posteriora. Præ-
 terea certum est, ea facta rationem esse credendi
 uris: illo enim facto, hoc est, Ecclesiæ decreto
 nducimur, atque impellimur ad credendum, hoc
 dogma esse verè revelatum. Ergo facta quædam
 evelatione posteriora, sunt tamen nobis ratio
 redendi fidei dogmata. Hoc ipso fit, ut factum
 ejungi non possit à jure. Factum hoc, scilicet
 amnatio certi cujusdam textus, ratio est cre-
 endi juris, nimirum dogmatis quod huic textui
 contrariè oppositum est. Exempli causâ, fieri po-

fuisset ut Theologi quidam, efficacitati gratiæ,
 plusquam satis est, tribuentes, negarent liberum
 arbitrium ei dissentire posse: sed factum positum
 in eo textu, qui a Concilio Tridentino damnatus
 est, ratio est quâ impelli debeant ad credendum,
 esse hoc dogma revelatum. Atqui prorsus eadem
 est ratio Janseniani textûs longioris, & textûs
 illius brevioris, qui eo Concilii Tridentini canone
 damnatus est. Varii Theologi in fraudem inducti
 eâ falsâ interpretatione, quâ S. Augustinum Jan-
 senius explicare contendit, arbitrarentur volun-
 tatem nostram post Adami lapsum jactari per-
 petuo conflictu delectationum duarum, utrius-
 que prævenientis ac minimè deliberatæ, ita ut
 necesse sit, * *eam alternante creatura & creatoris*
delectatione, nunc rectè, nunc perperam facere,
prout cæli aut terra delectatio consensum ejus abri-
puerit; deinde nullam aliam esse Christi gratiam
 interiorem, præter delectationem, & illam qui-
 dem, cui dare vel negare assensum non sit in ar-
 bitrii liberi potestate, quia ipsi arbitrio libero sit
 indeclinabilis atque insuperabilis, ut prorsus non
 possint illi humanæ resistere voluntates, cum
 a naturâ seu essentiâ suâ primum hunc effectum
 habeat, ut à voluntatibus humanis omnem au-
 ferat resistantiam; quò pertinere volunt illud S.
 Augustini de Præd. SS. *Gratia à nullo duro cor-*
de respuitur: idèò quippe tribuitur, ut cordis duri-
tia primitus auferatur. Verùm n. si modo Theo-
 logi illi Ecclesiam eâ quâ par est reverentiâ at-
 que observantiâ colunt, factum quoddam est,

* Jansen, l. 4. de grat. c. 9.

quod non potest à jure sejungi, quod illos mo-
retur & coerceat. Nimirum Ecclesia decrevit, Jan-
senii textum, quo doctrinæ hujus series conti-
netur, hæreses quinque complecti. Tum verò
Theologis ejusmodi, quos incautos absque ullâ
ipsorum culpâ quinque harum hæresum amor oc-
cupasset, quique prompti ac parati forent ad ob-
sequendum auctoritati legitimæ, factum illud est
unica ratio credendi atque inter dogmata reve-
ata computandi systematis illius, quod Janse-
niano systemati repugnat & contradicit. Tum
verò factum Theologos illos inducit ad jus cre-
lendum, hoc est, ad credendam eam, quam do-
cet Ecclesia Catholica, gratiam sufficientem,
quâ fiat ut mandata non sint impossibilia, & ad
credendum liberum arbitrium, quod gratiâ Christi
liberatum, non verò necessitate ullâ adactum,
electionem hanc aut vitare possit aut vincere,
enique dissentire gratiæ vel maximè efficaci,
tiam cum ab eâ movetur atque excitatur. Su-
erest igitur, Præsul Illustrissime, ut ex iis ipsis,
uæ apertè confessus es, argumentationem con-
ciam in hunc modum.

Fateris, factum etiam revelatione posterius
jungi prorsus à jure non posse, sive agatur
de longiore textu, sive de breviori, si modo
factum illud *ratio est credendi juris*.

Atqui factum illud *ratio est credendi juris*,
hoc est, dogmatis revelati, sive agatur de lon-
giori Jansenii textu, qui Apostolicis Constitu-
tionibus damnatus est, sive de textu breviori,

qui damnatus est canone 4. sessionis 6. Concilii Tridentini.

Ergo factum à jure sejungi æquè non potest, sive in longiore Jansenii textu, sive in altero breviorè, qui illo Concilii canone damnatus est.

Quamlibet se callidè atque astutè versent homines è sectâ, numquam assequuntur, ut se clarè expediant ab ejusmodi comparatione tam simplici, tam parabili, tam brevi, tam decretoriâ. Quantò plura scribent, tantò minùs ea scribent quæ possint intelligi. Innumeris scriptis id unum consequuntur, ut sentiant ac perspiciant omnes, nihil eos habere posse quod respondeant. Vides, Præsul Illustrissime, nihil aliud me sequi, quàm id quod à te positum est. Fateris ea facta prorsus à jure sejungi non posse, quæ sunt ipsa ratio credendi juris. Jam verò illud manifestum est, sive in longiore Jansenii textu, sive in textu breviorè, qui canone aliquo damnatur, factum esse rationem ipsam credendi dogmatis contradicentis, & quidem credendi tamquam de fide. Illud certè non fuerat ab Episcopis XIX. animadversum, si tamen eam, quam tu illis tribuis, sententiam amplexi sunt.

3. Sic pergis : * *Quantum tamen ad me attinet, faciet mea tibi obsequendi voluntas, & observantia quâ te colo, ut id tibi concedam.* (Minimè verò, Præsul Illustrissime; ubi enim agitur de doctrinâ, nihil est amicitix condonandum, nihil assentandum.) *Ultrò etiam fatebor, sententiam tuam esse piâ.* . . . Imò & illud addam, si res ex prudentiâ

civilis legibus æstimetur, fore Pastoribus jucundum,
que etiam non parum utile, mentem humanam
nere quasi artiffimis religionis vinculis constrictam,
fractâ ac depositâ superbiâ, quibuslibet Ecclesiæ
cretis obsequi condiscat. Hinc profectò longè major
propiæ Pastorum autoritas accederet &c. Nolim,
cæful Illustrissime, quidquam in te dicere gra-
us, nolim eam, quæ tibi summa debetur, ve-
rationem imminuere, nolim hocce exemplum
invidiam atque offensionem usurpare. Sed ta-
en id dicere liceat: hanc ipsam, quam tu tenes,
tionem tenuere semper Theologi Protestantes,
im generatim adversus infallibilitatem Ecclesiæ
sputaverunt. Confessi sunt illud dogma esse ejus-
odi, ut ei Pastor quilibet ex prudentia civilis
ribus favere debeat; jucundam esse Pastoribus eam
toritatem, qua ponantur extra metum omnem,
quis ipsis repugnet aut contradicat. Dixerunt
nil esse, quod sit magis appositum ad ambitio-
m Præpositorum fovendam. Sed obsecro, illudne
itum proficiscitur ex prudentia civilis legibus,
od dicitur fore nunquam, ut Ecclesia filios
os decipiat, neque in symbolorum suorum ca-
numque textibus, neque in aliis textibus, seu
ditionis veræ, qui approbandi sunt, seu falsæ,
reprobandi atque impugnandi? Illudne existi-
s, unam esse prudentiam civilem, quæ faciat ut
amus, Ecclesiam non posse filiis suis id propo-
e tanquam de fide, quod sit conceptis verbis
reticum? Nunquam ego sanè crediderim, eo te
itutum ut id defendas, de quo hostes Ecclesiæ

sibi tam lætum, Ecclesiæ tam funestum triumphum agant. Fateris aliundè, *sententiam meam esse piam ipso & utilem ad mentem humanam quasi arctissimis religionis vinculis constringendam, ut fracta ac deposita superbiâ quibuscumque Ecclesia decretis obsequi condiscat.* At verò nihil tam necessarium est, quàm *superbiam* illam *frangere*, atque omnem ansam præcidere decretorum omnium textus eludendi, criminando admissam fuisse errorem aliquem facti in significatu vocum, aut eos textus ad sensus alienos detorquendo. Nihil tam necessariū est, quàm revocare mentem hominum ad concordiam, & illas de textibus controversias tollere prorsus ac dirimere, quæ quamdiu manebunt, non possunt non manere de ipsis dogmatibus controversiæ. Atqui, Præsul Illustrissime, rem tam necessariam existimasne deesse promissionibus divinis? Existimasne Christum, qui omnibus diebus cum Ecclesiâ suâ docet, ipsi negasse potestatem illam, quæ si abesset, ejus decreta vel in medio ipsius sinu passim à sectarum omnium hominibus iriderentur? Existimasne Christum aut incommodum illud non providisse, aut adhibere noluisse remedium tam necessarium *ad frangendam hominum superbiam, mentesque quasi arctissimis religionis vinculis constringendas?* Fierine potest ut ignores, qui in Calvinianis confutandis cum tantâ pietatis laude versatus es, hanc esse nostram adversus ipsos perpetuam orationem, necesse esse ut aliqua existat autoritas falli & fallere nescia, quia foret opus Christi mutilum atque imperfectum, nisi

beret Ecclesia ; unde posset *mentem humanam* nere quasi arctissimis religionis vinculis constrictam, usque superbiam frangere ?

4. De Calvinianis dum loqueris, hæc addis eam graviora : * Non possumus eos ad silendum ligere, nisi dicamus verbum Dei non esse obnoxium rori, ejus interpretes esse Pastores, nos eodem qui modo, quo Patres nostri locuti sunt, hos ita cepisse à decessoribus suis, decessores ab Apostolis, Apostolos à Christo ; iis denique omnibus, qua illi sunt adversus Ecclesia Ministros effutire, id tantum effici, Religionem nostram maximè divinam esse portere, siquidem hominum iniquitas & cupiditates infaciunt, ne perficiatur id, quod Christus spondit, sed ille contrà impedit semper, quominus verba inferi adversus sponsam suam pravealeant. Eximiam sanè confessionem, Præsul Illustrissime, si modo complectitur ea, quæ verborum vis postulat ut complectatur, cum ea verè, quod dubitare de te non possum, atque ex animi sententiâ proferuntur. Fateris igitur, non posse hæreticos Protestantibus ad silentium adigi, nisi defendamus illud, nos eodem loqui modo, quo Patres nostri locuti sunt, hoc est, textus nostros esse similes eorum textibus & consentientes. His sanè verbis non id agere voluisti, ut approbares eam, quam scilicet impugnare contendis, in textibus dijudicandis infallibilitatem ; sed eam nimirum vel non approbasti. Atque id breviter sic ostendo. Totâ istâ tuâ disputatione non agitur, quid Ecclesia cogitet, quid intimo animi sensu credat : hoc

ngitur, quid Ecclesia doceat exterius, quos textus edat. Non agitur de infallibilitate quadam infinitè ac generatim acceptâ, quæ pertineat ad solas cogitationes; verùm de infallibilitate eâ, cujus verus aliquis usus esse queat in certis ac definitis textibus dijudicandis. Affirmas *nos eodem loqui modo, quo Patres nostri locuti sunt*. Atqui Patres nostri dum locuti sunt, usi sunt profectò textibus, seu contextu quodam & serie verborum. Affirmas & illud, Patres nostros ea locutos esse, quæ ipsi à decessoribus suis, quæ decessores ab Apostolis acceperant. At verò quis potest præstare, hos textus per omnes ætates usurpatos, esse sibi invicem accuratè similes? Quis præstabit, numquam Ecclesiæ contigisse, ut errore facti laberetur in vi ac significatione vocum ex Grammaticæ regulis dignoscendâ? Quis præstabit, aut Patrum nostrorum textus non fuisse à nobis perperam intellectos, aut Patres nostros non erravisse, id quod hæretici voluerunt, in decessorum suorum, atque adeò Apostolorum textibus intelligendis? Si nullam haberemus firmitatem, nisi eam quæ oritur ab evidentiâ textuum, non deerunt qui dicant, de hac ipsâ textuum evidentiâ quæstiones fore perperuas ac sempiternas. Et verò canonem IV. sessionis sextæ Concilii Tridentini in sensus planè contrarios jactari & abripi videmus. Hunc Jansenii discipuli sibi vindicant: hunc Thomistæ suo more interpretantur: hunc illi, quos Congruistas appellant, suum esse defendunt. Nullus igitur jam locus relinquitur infallibilitati naturali aut evi-

dentia textuum eorum , quos suis canonibus Ecclesia reprobat. Unde verò fit (dicendum est enim sæpius) ut absque ullâ dubitatione , absque ullo erroris periculo , credamus *nos eodem loqui modo* , quo *Patres nostri locuti sunt* , hoc est , textus edere , qui cum eorum textibus planè consentiunt ? Unde fit ut nos minimè falli confidamus , cùm Ecclesiam ponimus in Patrum nostrorum textibus approbandis non fuisse obnoxiam errori ? Tu ipse respondes , Præsul Illustrissime : nempe , inquis , *iis omnibus* , quæ Protestantes hæretici de propriâ ac naturali Pastorum infirmitate solent *effutire* , id tantùm efficitur , Religionem nostram maximè divinam esse oportere : nempe illud perficitur , quod Christus spondit : nèpe ille impedit , quominus porta inferi adversus Sponsâ suam prævaleant . Facit igitur , te fatète , Præsul Illustrissime , Christi sponsio & promissum , ne alio loquamur modo , quàm quo Patres nostri locuti sunt : facit ne textus nostri ab eorum textibus dissentiant , quemadmodum in totâ sæculorum præteritorum serie fecerat , ne Patres nostri alium à decessorum suorum sermone sermonem usurparent . His septemdecim sæculorum textibus innumeris innumera pariter facta continentur : deinde eorum textuum omnium inter se consensus & similitudo aliud quoddam factorum genus & quidem propè infinitum complectitur . Pateris Ecclesiam interpretem esse factorum hominum omnium , quæ revelatione posteriora sunt . Ecclesia illa componit & confert inter se : de v^{er}is & falsis vocum , de nexibus grammaticis di-

judicat : investigat quid voces singulæ significant, quàm accuratè sibi consentiant invicem. Tu ipse confiteris, evidentiam textuum non satis esse, ad depositum fidei tutò servandum. Omnia essent pericula pertimescenda ab hominum infirmitate in tam longâ sæculorum serie, quàm multorum textuum interpretatio vel obscurari vel sensim vitari posset. Sed nimirum illud perficitur, quod Christus spondit : ille impedit, quominus porta inferi adversus Sponsam suam prævaleant, hoc est, impedit, quominus Ecclesia aut ipsa fallatur, aut filios suos fallat in illo consensu & similitudine textuum, quibus perpetua veræ traditionis series continetur. Præterea non minùs necesse est, ad perpetuam illam traditionis veræ seriem tutò servandam, ut Ecclesia discernat, & canonibus, sive aliis ejusmodi decretis perpetuò rejiciat textus pestilentes, quibus fides corrumpitur, & falsa traditio efformatur, quàm necesse est, ut symbolis aut aliis generis ejusdem instrumentis approbet textus puros, quibus fides conservatur, & vera traditio quasi propagatur. Id nisi esset, Ecclesia textum eundem aliàs ut catholicum admitteret, aliàs reprobareret quasi hæreticum : posset imperare jusjurandum, modò illud quo textus aliqui affirmarentur esse catholici, modò illud quo textus iidem esse hæretici dicerentur. Tum certè nos non eodem loqueremur modo, quo Partes nostri locuti sunt : approbaremus enim id, quod fuisset ab ipsis damnatum ; quâ varietate & inconstantia fieret, ut ea, quam nos

haberemus

beremus fidei propositionem , illorum propositi-
oni planè repugnaret & contradiceret. Atque
id quidem , ut ais rectè ; numquam accider.
ed cur , obsecro , numquam fieri potest ut acci-
at? Nempe quia *perficitur id , quod Christus spo-*
ndit : nempe quia Christus *impedit , quominus*
ista inferi adversus Sponsam suam prevaleant , atque
tam errore facti in textibus dijudicandis lapsam
abant ad aliquam sententiam , quæ fidei propo-
sitioni repugnet & contradicat. Denique tuum est
id , hanc auctoritatem immunem ab omni erroris
periculo , in veræ ac falsæ traditionis textibus dig-
oscendis , unam esse rationem , quâ *possumus hæ-*
reticos ad silentium adigere.

Sanè si mea forent hæc verba , non dubitarent
omnes è sectâ , qui iis designaretur infallibi-
tas in textibus dijudicandis promissa. Imò si ea
scito auctoris nomine proferrentur , nemo est
ui ea non crederet à me esse profecta , nemo qui
te profecta esse arbitraretur. Hæc nimirum ipsa
et sese veritas elicit ex animo verè catholico :
et necessariò consequuntur ex iis de auctoritate
ecclesiæ principiis , quibus tua mens imbuta est.
tam proclive est Episcopum , *fidei verbis nutritum* ,
id quod vel fundamenti locum obtinet , absque
lâ dubitatione admittere , ut tibi adversus Pro-
stantes hæreticos disputanti veluti ex abundantia
verdis effluat , etiam cùm opinionibus præjudica-
tis , voluntati tuæ valdè piæ contrariis , eò abri-
eris , ut ad Collegas tuos culpâ liberandos rem
eò veram obscurare nitaris. Itaque id quod à

me positum est; non modò non refellis argumẽtando, aut quidpiam certum & distinctum repõnendo, verùm etiam ipse ponis quasi nesciens ac nolens, & prorsùs admittis. Ejusmodi confessio, quæ tibi minimè volenti, sed incanto atque imprudenti excidit, longè plus habet ponderis, quàm si illud idem sponte & consultò fuisses confessus.

5. Frustrà verò exclamas : † *Quàm graviter fuissent offensi*, Protestantes nimirum ac Sociniani, si vidissent Episcopos Gallia, quorum certè virtutem ac doctrinam habebant in pretio, id agere ut nova quadam in cognoscendis factis non revelatis infallibilitas nostris temporibus Ecclesia tribueretur? Minimè verò, Præsul Illustrissime, minimè inquam, sectarum illarum homines fuissent offensi. Committere non debemus, aiebat olim S. Athanasius de voce Consubstantialis, ut scandalum atque offensionem misceamus & confundamus cum dolore. Illud idem ego jam, Præsul Illustrissime, pacc tua dixerim. Dolebunt semper hæretici, Ecclesiam in infallibilitate suâ defendendâ atque usurpandâ firmam constantemque perstare. Cùm enim se ab ejus imperio subtraxerint, non possunt non ægrè ferre ea omnia, quibus suprema hæc authoritas confirmatur, atque omnes ejus eludendæ rationes præcluduntur. Contrà verò, ut ex ipsorum verbis feci manifestum, ingenti ipsorum gaudio factum est, quòd homines è sectâ Jansenii, dum juris ac facti distinctionem commenti sunt, infallibilitatem Ecclesiæ vanam atque inane effecere, quam Novatores deinceps omnes

luderent. Id verò illi sibi gratulati sunt & grati-
 ntur in dies. Sed quotquot sunt inter illos ipsos
 ereticos viri graves ac periti, dicunt scilicet,
 inquam fore ut Ecclesia Catholica ejusmodi
 nam distinctionem approbet, quæ omnem veræ
 autoritatis usum penitus aboleret: dicunt scilicet,
 inquam futurum fuisse, ut ab Ecclesiâ Catho-
 licâ sibi recedendum putarent, si satis illi tum
 illic infallibilitas naturalis aut solius evidentiz,
 æ jam ipsi ab hominibus fraudulentis obtrudi-
 r. [Nobis verò, inquit, facile fuisset perpe-
 as de significatione textuum, quibus decreta con-
 ventur, habere controversias. Eo pacto num-
 am ventum fuisset ad juris controversiam, Ec-
 clesiamque quasi septam tenuissemus, & circum-
 istam facti quæstione, de quâ silentium obsequio-
 n fuisset ultrò polliciti. Evidentia verò, quæ
 titur, nihil quicquam nobis incommodi posset
 erre: de eâ quippe differendi finem non prius
 eremus, quam hanc mundi machinam Deus
 solvisset. Enimvero evidens est id de quo inter
 nes convenit, quod incurrit in oculos omnium
 ione & sensu prædicatorum. Quare ubi discesserit
 clesia Romana ab autoritatis supremæ partibus,
 que jam erit evidentiz locus, Doctores nostri
 oculati sunt quàm Episcopi; æquè videre po-
 unt ea, quæ non possunt non videri ab iis, qui
 aliquâ attentione oculos adjicient. Doctores
 tri Doctores Ecclesiæ Catholicæ nullâ re
 inferiores, non intelligentiâ, non sagacitate,
 Grammaticæ aut Logicæ artis peritiâ.] De-

nique hæretici Protestantes, quod ex eorum scrip-
 tis feci manifestum, * affirmant se id unum postu-
 lare, quod Jansenii defensores postulant ut sibi
 concedatur, nimirum jus à facto distinguere,
 quam potestatem si haberent, non dubitant quin
 facile infallibilitatis cujuscumque usum perridiculum
 esse ostenderent. Ipsi verò nequaquam intra suam
 sectam ejusmodi effugio locum ullum esse vellent,
 longissimeque absunt ab eo, ut decretorum suorum
 vim ac firmitatem pendere patiantur ex solâ evi-
 dentiâ, cujus arbitrium omne sit penes rationem.
 Jubet ipsorum disciplina, ut si quæstio sit de textu
 aliquo dogmatico, qualis est † *formula catechismi*
..... causa omnis finita maneat decretorio synodi
nationalis judicio, cui si planè consentire noluerint
 ii, quorum sententia improbata est, non jam ipsis
 liceat silentio se obsequioso defendere, sed cogan-
 tur planè consentire, atque errores conceptis verbis
 ejurare, quæ verba in acta referantur; quod nisi
 faciant, ab Ecclesia corpore segregantur. Frustra
 verò postularent illi, ut de textuum evidentiâ dis-
 putaretur: segregarentur nihilominus ab Ecclesiæ
 communione. Quis igitur metus esse potest, ne
 offendantur Protestantes, quòd Ecclesia Romana
 in iis controversiis; quæ ad textus pertinent, ra-
 tionem eandem teneat, quam ipsi sequuntur,
 quamque nisi sequerentur, satis intellexerunt nul-
 lam sibi amplius veram ac certam auctoritatem
 fore? Quare videntur homines è sectâ id unum
 agere, ut vano terrore de offensione Protestantium
 injecto, Ecclesiam impediant ac remotentur.

* *Docum.*, 1.º, 14. pag. 141, edit. lat. † *Discipl.*, 6. 1.º. 1.º

Non solum, Præsul Illustrissime, nihil dicis
d mea omnia argumenta, sed etiam consultò ab-
tines à discutiendis iis demonstrationibus, quas
ego ex scriptis hominum è secta colligere studui.
Ex iis quippe feci manifestum, certam fidem ac
iurandum tribui non debere nisi illi auctoritati,
quæ certa sit, quæ nos inducere non possit in er-
rorem, hoc est, quæ ipsa obnoxia non sit errori.
Ostendi homines è secta, eo jacto fundamento,
quod nullâ ratione convelli potest, assensos fuisse
Arnaldo, cui *viri honesti atque urbani*, hoc est,
mundo dediti, profani, assentatores videbantur ii
omnes, qui fas sibi esse arbitrati sunt, silentio se
obsequioso continere, & factum, de quo quæri-
tur, interposito iurejurando affirmare, licet illud
firmâ fide non crederent. Ostendi ex ipsius sectæ
scriptis, solam esse auctoritatem in eâ ipsâ re diju-
dicandâ non obnoxiam errori, quæ de eâ iusu-
randum cum certâ ac firmâ fide imperare pro suo
jure possit. Neque verò illæ demonstrationes à
me sunt excogitatæ, quas tantùm exscripsi, eâ
nimirum mente, ut XIX Episcopos, quantum in
me esset, eo crimine liberarem. Quid me incusas,
quasi ego, dum aliud agere me simulo, voluerim
tamen in illos Præsules cadere ea omnia convicia,
quæ à scriptoribus è secta jaciuntur in eos, qui
sic jurant, ut fidem certam non adjungant? Certè
quæ eâ de re habentur in scriptis hominum è
secta, sunt ejusmodi, ut refelli argumentando
non possint: atque audeo dicere, nemo erit un-
quam, qui ad ea quidquam opponat, quod possit

intelligi. Fieri igitur non potest, ut hæc verba, quæ non ad convicium pertinent, sed ad oburgationem, eamque iustissimam, non cadant in eos omnes, qui arbitrati sunt fas esse silentio se obsequioso defendere, atque ita sine ulla exceptione jurare, ut tamen nullâ certâ & absolutâ fide, id quod vocatur factum, crederetur. Summus Pontifex in suâ Constitutione, Episcopi in suis Mandatis, atque inter cæteros Emin. Cardinalis Noallius, & Illustr. Archiepiscopus Rhemensis existimant, ea ratione approbari locutionem ambignam & *equivocam*, ipsumque perjurium in professione fidei. Quare universa Ecclesia eâ in re cum hominibus è sectâ conspirat adversus XIX Episcopos, si ponitur hanc fuisse eorum sententiam, fas esse iusjurandum adhibere absque ullâ firmâ fide, seque obsequioso silentio tueri. Quid tu verò, Præsul Illustrissime, opponis ad ea argumenta, quæ & tantum habent per se roboris, & tam gravem auctoritatem habent adjunctam? Ea sic prætervolas, ut ne velis quidem attingere, ne videris quidem de iis refellendis cogitare. Id tamen dum agis, caput ipsum deferis ejus causæ, quam XIX Episcoporum causam esse defendis, atque in eos tot contumelias sapè acerbissimas redundare sinis. Equidem Ecclesiam universam testem appello, me quam potui maximè contempsisse, ne ipsis doctrina tam invidiosa tribueretur, quam & Ecclesia & ipsa secta tam vehementer horrent ac detestantur. Imò & illud mihi facile persuadeo, illos Præsules, si modò approbarent

doctrinam adeò faventem corruptæ laxitati morum, in eo jurejurando , quo fidei professio firmatur , ideò tantùm approbasse , quòd non viderent quò ea pertineret. Non dubitassent illi continèò , pro eximiâ suâ pietate, tam periculosam doctrinam repudiare, si quàm illa esset pestilens ac perniciofa , cognovissent.

X V.

DUM neque tuum systema ullis argumentis probas , neque ad ea argumenta quidquam dicis , quibus ego meum confirmavi , perpetuò redis , Præsul Illustrissime , ad quæstionem de nomine , positam in ambiguo , quod ego sæpe distinxî. Illud nimirum ad singulas Epistolæ tuæ pagellas occin- nis , postulare me *divinam fidem* de Jansenii facto non revelato. Ais fidem hanc divinam ab Illustr. de Marca fuisse flagitamam , Illustrissimum verò de Perefixe dixisse , plurimum esse *vel malitia vel in- scitia* in eo , qui illam flagitaret. Sed ut omittam non hîc jam agi , aut de divinâ fide , aut etiam de autoritate infallibili , de quâ facio libenter ut hoc loco non disputem ; ut omittam agi tantùm inter nos de certâ facti fide , quæ cum obsequioso tuo silentio pugnat , teque unum esse ex omnibus iis , quos novimus , Episcopis , qui de eo controversiæ totius capite dissentias ; ut omittam , inquam , hæc omnia , quid me cogis , Præsul Illustrissime , ut remoneam , nihil ad causam aliquam tuendam minùs facere , quàm si perpetuò revocetur ac referatur id , quod sexcenties & quidem manifestè repre- hensum & confutatum est ? Hæ voces , *fides di-*

vina, duplicem sensum & significationem habent. Potest *fides divina* nuncupari fides illius rei, quæ creditur propter auctoritatem Ecclesiæ, promissionum vi ac nomine decernentis; quia tum promissio divina efficit, ut privatus quisque, sublata omni priori dubitatione, repudiat iis argumentis, quæ firmissima prius in contrariam partem esse videbantur, Ecclesiæ decreto pareat, obsequatur, ac planè consentiat. Quare licet auctoritas Ecclesiæ tum sit motivum credendi, ut Theologi loquuntur, immediatum, tamen illud motivum, quo adducimur ut Ecclesiæ credamus, vim omnem suam habet à promissione Ecclesiæ ipsi factâ. Eo sensu Illustr. de Matæa poterat, id quod eruditum sanè Theologum decebat, *fidem divinam*, hoc est, fidem divinâ promissione nixam, appellare eam, quam Ecclesiâ iurejurando interposito postulat de Janseniani textûs hæreticitate. Verùm Illustr. de Peresixe diligentius expendere voluit, quæ esset Theologorum è Schola posterioris ætatis oratio maximè accurata, atque adhibitis in consilium ad hanc deliberationem Viro Clarissimo Grandin, & aliis quibusdam Illustribus Theologiæ Doctoribus, existimavit *fidei divinæ* nomine donandam esse solam fidem illius veri, quod foret ipsum nominatim atque immediatè revelatum. Atqui non comperiebat, hæreticitatem Janseniani textûs fuisse ipsam nominatim atque immediatè revelatam; neque sanè ea est hoc pacto revelata. (Verùm symbolum Nicænum esse catholicum, & hæreticos esse textus, quos Concilii Tridentini canones adjuncto ana-

themate damnarunt, non magis explicitè atque immediatè revelatum est, quàm hæreticum esse Jansenii textum.) Atque inde Illustr. de Peresfixe conficiebat, acerrimam Scholasticorum normam non sinere ut dicatur, hæreticitatem Janseniani textûs divinâ fide esse credendam. Hanc sententiam apertissimè & planissimè explicavit in iis scriptis, quæ in publicis Sorbonæ Scholis prælegit olim, quæque jam plurimorum Baccalaureorum manibus teruntur, V. Clar. Grandin, quem dixi ab Illustr. de Peresfixe cum aliis quibusdam gravibus Doctõribus ad hanc deliberationem fuisse adhibitum. Eximius ille Præsul, gravissimique illi Doctores arbitrati sũnt, nihil habituros ampliùs Jansenii patronos quod opponerent, si vel inanis hæc ansa præcluderetur de fide divinâ disceptandi, temque omnem commodè posse componi, si *fidei Ecclesiastica* nomen adhiberetur. Sed nimirum quam illi vocabant fidem Ecclesiasticam, ea nixa est autoritate infallibili, quæ Ecclesiæ promissa est. Aiebant illi quidem, eam fidem, quæ immediatè habetur Ecclesiæ loquenti, vocari debere *Ecclesiasticam*, quemadmodum fides ea, quæ habetur Deo ipsi revelanti, *divina* dicitur. Verùm, ut dixi jam, atque apparet manifestè ex scriptis V. Clar. Grandin, aiebant fidem Ecclesiasticam niti cã Ecclesiæ infallibilitate, quam promissiones divinæ præstant. Quare fides illa Ecclesiastica mediatè nititur divino fundamento, seu revelatione. Si hanc sermonis rationem tenere volumus, hæreticitas, seu textuum illorum, quos Concilii Tri-

dentini canones addito anathemate damnaverunt , seu Janseniani textûs , non sunt objectum proximum atque immediatum fidei nostræ. Verùm infallibilitas in his universis textibus dijudicandis Ecclesiæ promissa , immediatum est fidei nostræ divinæ & proximum objectum. Quare inter Illustr. de Marca & Illustr. de Perefixe sola manet de voce ac nomine controversia. Nam & Illustr. de Marca æquè ac Ill. de Perefixe fatebatur , Janseniani textûs hæreticitatem non per se ac nominatim revelatione contineri ; & Ill. de Perefixe æquè ac Ill. de Marca profitebatur , Ecclesiam vi promissi generalis esse immunem ab erroris periculo in dijudicandis textibus iis omnibus dogmaticis , quibus depositum aut servatur aut corrumpitur , & promissionum divinarum autoritate unumquemque adduci , ut Ecclesiæ decretis credat atque obsequatur. Igitur de re ipsâ prorsus consentiebant , pugnabant in solo usu vocis istius (fides divina) quam diverso sensu accipiebant. Desine igitur, Præsul Illustrissime , Illustrissimum de Perefixe cum Ill. de Marca facere certantem. Uterque æquè adversus te facit , & mirum in modum conspirat. Poteras sanè advertere , hanc esse argumentationem , quàm homines è sectâ jam ab annis 40. tantopere venditant , licet non ignorent , quàm expedita sit ad illam & decretoria responsio. Sed hanc ipsam responsionem , Præsul Illustrissime , scirine potest ut ignores , aut postulabisne à me , ut perpetuò representem ?

Non possum, Præsul Illustrissime, non significare tibi quantopere doleam, quod ea dicas de quinque propositionibus, & de ipso gratiæ ac libertatis dogmate, quæ mihi quidem parum videntur catholicæ veritati consentanea.

I. Ponis me illud confiteri, * Jansenii doctrinam redire ad hæreseos Calvinianæ caput, *de libero arbitrio per gratiam coactō*. Addis *†* totius hujus tantæ rei summam, quantum quidem ad dogma pertinet, redire ad unum quidpiam minimè populare, & longè ab intelligentiâ vulgi sensuque disjunctum, quodque vel in ipsâ Calvinii sectâ adeò putatur esse momenti nullius, ut ex Calvinianis Ministris plurimi facti sint Sociniani. Alii verò, inquis, postquam adverterunt, eruditos homines, qui in Theologiâ Polemicâ cum laude versati sunt, de efficaci gratiâ doctrinam amplecti S. Augustini ac S. Thomæ, oppositam Pelagianismo, & ei qui dicitur Molinismo, discesserunt ab eâ ratione Religionem nostram in invidiam adducendi, atque eò se consecerunt, ut adversus Sacramenta nostra disputarent. Tum & illud paulò inferius iterum dicis, meam hanc esse sententiam, Jansenii librum totum pertinere ad solum caput liberi arbitrii per gratiam coacti.

I. Quid me cogis dicere, orationem istam non videri ab eo proficisci, qui si se purâ ac sincerâ æquè sit, ac te esse existimo? Jubesne ut illud catholicæ fidei caput, quod tanti momenti est, credere jam omittamus, quia de illo jam non laborant inter Ministros Protestantes ii, qui à

Christo desciverunt , ut nefandum Socini dogma sequerentur ? Præterea verò non te fugit , Præsul Illustrissime , non eam fuisse Ecclesiæ mentem , ut in Calvino damnavit dogma liberi arbitrii per gratiam coacti , sed tantum dogma gratiæ irresistibilis , quæ simplicem volendi necessitatem affert. Non te fugit , Iansenium gratiæ seu delectationis victricis , quæ boni volendi necessitatem inducat , dogma sic retinuisse , ut dicat Concilii Tridentini anathemata non cadere nisi in eos , qui dicerent voluntatem non posse velle id ipsum quod vult. Non te fugit , Iansenii patronorum esse ista , * *Ad merendum & demerendum in statu naturæ lapsæ requiritur in homine libertas à necessitate naturali , qualis etiam reperitur in moribus indeliberatis.* Non te fugit , hanc ab hominibus è sectâ propugnatam fuisse sententiam , † *sufficere libertatem à coactione cum iudicio rationis , si consideretur præcisè essentia libertatis & meriti.* Non te fugit , Ecclesiam contra docere , omnino oportere ut nostræ voluntates , etiam sub gratiâ maximè efficaci , actum habeant non modò immunem à coactione , sed etiam immunem à quavis necessitate verè ac propriè dictâ , neque tantum à naturali. Quis sit igitur , ut his pagellis duabus consequentibus sic loquaris , ut velle videaris , Iansenianam hæresim omnem contineri dogmate *liberi arbitrii per gratiam coacti* ? Equidem illud fateor , si Iansenismus omnis eo uno commentitio dogmate absolvitur , numquam fore ut illum uspiam reperiās , non in Ian-

* *Journ. de S. Amour* pag 471. † *Ibid.*

leni , non in ipsius Calvini textu. Verùm illudne
 igitur , obsecro , ut Calvini doctrinam immutes,
 ne in illâ quæstione Iansenianorum doctrinæ con-
 gruere & consentire videatur ? Vim & coactionem
 ejusmodi Calvinus nunquam propugnavit.
 Eam credere , *vel delirus* , nemo potest , ut affir-
 mat S. Augustinus. Quis enim hominum om-
 nium audeat dicere , gratiam id habere , ut cogat
 voluntatem , gratiam facere ut voluntas bonum
 velit invita , neque velit id velle quod vult. Num-
 quam adeò inepta sunt , non dico vigilantium
 hominum judicia , sed etiam somnia delirantium.

* *Non voluntate autem volumus , quis vel delirus
 audeat dicere ?* Neque arduum est demonstrare ,
 ipsos Manichæos esse confessos , fieri nunquam
 posse , ut voluntas in suis actibus eliciendis , hoc
 est in volendo , vim ullam coactionemque pa-
 riatur. Atque indè sequitur manifestè , S. Au-
 gustinum adversus eos disputantem nunquam
 contendisse ut probaret immunitatem à coactione ,
 quam scilicet immunitatem ultrò Manichæi fa-
 terentur , sed immunitatem ab omni necessitate ,
 quæ nimirum sola inter ipsum & Manichæorum ,
 sectam in controversiam disceptationemque vo-
 cabatur. Sequitur & illud manifestè , sanctum
 eundem Doctorem , adversus Pelagianos nusquam
 id spectasse , ut defenderet , gratiâ voluntates nos-
 tras non cogi : neque enim unquam Pelagianis
 litem eâ de re ipsi intulerunt , verùm ut de-
 fenderet , liberum nostrum arbitrium nullam pror-
 sus à gratiâ necessitatem pati. Dum S. Augusti-

aus contra Pelagianos disputavit, eandem liber-
tatis naturam amplexus est, quam illi offerebant.
Ait illud idem liberum voluntatis arbitrium pri-
mum Adamo datum, deinde ejus peccato amif-
sum, denique ipsius posteris per Liberatoris gra-
tiam fuisse redditum, atque illud liberum non esse,
nisi quatenus liberatur per gratiam, quæ con-
fertur *ad singulos altus*. Iam verò solis luce cla-
rios est, hanc fuisse Calvinii sententiam, non se-
mel neque obscurè significatam, voluntates nos-
tras per gratiam non cogi, nullam unquam pati
vim, gratiam nihil esse præter delectationem,
quæ suavem quamdam afferat volendi necessita-
tem. Nihil ille voluit præter gratiam irresistibi-
lem, quod dogma fuit deinde à Synodo Dor-
dracenâ propugnatum. Quid igitur, Præsul Illustris-
sime, eam affingis Calvinio sententiam, quæ non
est Calvinii, ut jam Ecclesiæ anathemata non fe-
riant nisi dogma quoddam commentitium, de
quo *vel delirus nemo unquam audeat contendere?*

2. Dum Ecclesiæ decreto sensum tribuis com-
mentitium, eundemque fallacem & captiosum,
veras Catholicos veræ fidei rerinendæ studiosos
quicquam metuere incommodi in liberi arbitrii
causâ: significas quæstionem hanc totam spinosam
esse ac subtilem, *minimè popularem & ab intelligen-
tiâ vulgi sensuque disjunctam*. An verò ignoras,
Præsul Illustrissime, mysteria hæc trium
Personarum in naturâ unâ, & duarum
naturarum ac voluntatum in unâ personâ, non
fuisse dogmata popularia & accommodata ad intel-

gentiam vulgi ? Tamen quid non Ecclesia sibi ut faciendum aut ferendum existimavit, ut reum novarum cupidos homines, qui in his aliquid moliebantur, omni ope compesceret ? Quid gitor eadem illa non faciet, ne Iansenii secta his temporibus quidquam immutet in dogmate liberi arbitrii sine ullâ necessitate agentis, etiam sub grââ maximè efficaci ? Nam quod ais esse hoc dogma minimè popolare & disjunctum ab intelligentiâ vulgi, vide quàm à te dissensionem, Præsul Illustrissime : mihi quidem nullum videtur esse magis popolare. Et verò illius dogmatis definitione nititur tota ratio meriti & demeriti, vitiorum ac virtutum discrimen, pœnarum & præmiorum æquitas, verbo dicam, omnis moderatio, pudor omnis, probitas omnis, omnis religio. Sic loquitur de illo dogmate S. Augustinus : * *Hæc non omnibus hominibus, quos interrogare non absurdè assumus, à puero usque ad senem, à ludo litterario usque ad solium sapientis, natura ipsa proclamant, Hoc ubique manifestum est, & non doctrinâ, sed naturâ omnibus promptum Omnia ista luce clariora sunt . . . ac notitia generis humani veritatis ipsius liberalitate donata . . .* † Nonne ista cantant & in montibus pastores, & in theatris Poeta, & indocti in circulis, & docti in bibliothecis, & magistri in scholis, & Antistites in sacris locis, & in orbe terrarum genus humanum ?

Hoc nimirum dogma tu elevare & verbis exenuare contendis. Totius, inquis, hujus tanta rei summa, quantum quidem ad dogma pertinet, redigatur. De duab. anim. c. 10, † Ibid. c. 11.

ad unum quidpiam minimè popolare & longè ab intelligentiâ vulgi sensuque disjunctum, quodque vel in ipsâ Calvinî sectâ aded putatur esse momenti nullius, ut ex Calvinianis Ministris plurimi facti sint Sociniani. An verò, Præsul Illustrissime, tibi videtur parum omnino referre, ut gratia necessitatem asserere credatur, modò non credatur *cogere voluntates*? Videturne tibi pertimescendum, ne incidat in Socini vesaniam, quisquis non agnoverit delectationem indeclinabilem atque insuperabilem, cui resistere aut consentire non relinquatur in liberî arbitrii potestate, quæ denique sit irresistibilis, hoc est, afferens agendi necessitatem?

3. Et illud subjungis de hæreticis Protestantibus. *Alii verò, inquis, postquam adverterunt eruditos homines, qui in Theologiâ Polemicâ cum laude versati sunt, de efficaci gratiâ doctrinam amplecti S. Augustini & S. Thomæ, oppositam Pelagianismo, & ei quæ dicitur Molinismo, disceperunt ab eâ ratione Religionem nostram in invidiam adducendi, atque eò se conjecerunt, ut adversus Sacramenta nostra disputarent.* Nihil est, Præsul Illustrissime, tam expeditum ac facile, quàm hoc pacto, nulloque probandi labore suscepto, id sumere confidenter, se doctrinam *S. Augustini ac S. Thomæ* defendere. Id homines è sectâ numquam non habent in ore. Nihil tam assiduè prædicant, quàm se utriusque hujus sancti Doctoris esse discipulos. Atque hac eadem ratione Protestantes hæretici, se in gratiâ Christi explicandâ, totius doctrinæ suæ seriem à

S.

Augustino mutuatos esse, gloriantur. Sed quid
 est illud, quod homines è sectâ volunt intelligi;
 ita S. Augustini doctrinam appellant? Intelligunt
 nimirum illius doctrinæ seriem, quâ nulla
 gratia interior post Adami lapsum agnoscitur;
 præter delectationem prævenientem atque indeli-
 eratam, eamque minime positam in arbitrii
 liberi potestate; tum quia indeclinabilis est atque
 superabilis, hoc est, irresistibilis & afferens
 necessitatem; tum quia prorsus necesse est, ut eam
 voluntas sequatur, ubi semel est in nobis poten-
 or. Sed quid est illud, quod homines è sectâ
 volunt intelligi, cum jactant suam esse S. Tho-
 æ doctrinam? Si intelligunt illam doctrinæ se-
 riem, quam Religiosi viri ex S. Dominici fa-
 miliâ propugnant, si ea paulò diligentius confe-
 tur cum eorum doctrinâ, qui se S. Augustini
 scipulos appellari volunt, incredibile dictu
 est, quàm manifestum sit systematis utrius-
 que discrimen. Id vel ex P. P. Dominicanis sci-
 itare. Consule libros Alvaris ac Lemosii, qui-
 us disputandi partes in Congregationibus *de*
axillis traditæ sunt. Nusquam in iis reperies de-
 ctationem illam indeclinabilem atque insupera-
 lem, quam post Adami lapsum omnino ne-
 esse est ut voluntas sequatur. Verbo dicam, hæc
 io systemata, quæ homines è sectâ miscere in-
 t se & confundere moliuntur, ut scilicet partes
 as illâ veluti accessione & coagmentatione am-
 ificent, comperies tam manifestè esse contraria;
consistere unum cum altero planè non possit;

Jam verò, Præsul Illustrissime, quo tandem jure statuis, *eruditos homines, qui in Theologiâ Polemicâ cum laude versati sunt, amplecti doctrinam illam,* quæ Protestantibus hæreticis probatur? Nulline tibi videntur eruditi, præter illos è sectâ Theologos, qui quia S. Augustini & S. Thomæ mentem non sunt assecuti, sibi videntur apud sanctos Doctores videre delectationem illam, quæ afferat necessitatem, cujus delectationis apud ipsos sanctos Doctores vestigium omnino nullum unquam fuit? Præterea, pace enim hoc dicam tuâ, quid est quòd id tibi tribuis atque arrogas, ut absque ullo argumento, ab eorum partibus stare facias S. Augustinum & S. Thomam, in Pelagianorum verò classem referas eos, quos tibi lubet vocare Molinistas, hoc est, eos omnes, quibus non placet illa victrix & necessitatem afferens delectatio? Denique illudne unquam probare velles, quod omnes Præsules fidei Catholicæ amantes ac studiosi debent exhorrescere, atque adeò quod tu profectò non poteris non exhorrescere, ubi semel illud diligenter absque ullâ præjudicatâ opinione cognoveris, atque in eo discutiendo eam quâ vales & ingenii vim & pietatem adhibueris? Illud est nimirum, Theologos Protestantes, qui tam diu & tam acriter de hoc liberi arbitrii dogmate & bonorum operum merito adversus Ecclesiam contenderant, obmutuisse illicò & de his rebus agere desuisse, statim atque *eruditi illi tui Polemica Theologia* magistri delectationem suam indeclinabilem atque insuperabilem attulerunt.

quidem mirari non possum , disputandi ratio-
em ab iis fuisse mutatam. Necesse prorsus erat,
: Ecclesia Catholica proximis duobus sæculis in
linum atque invidiam hæreticorum incurreret, quip-
e quæ feriret anathemate illam , quam ipsi defen-
ebant sententiam de gratiâ irresistibili seu necessi-
item afferente. In illius *odii atque invidia* partem
on minùs venêre Patres Dominicani , quàm
mnes alii ex Theologis Catholicis. Nam ut
mittamus disputationem merè Philosophicam de
abordinatione causæ secundæ ad primam & de-
endentiam , illud certè semper summo studio , &
ummâ cum suâ laude tenuerunt , nullam prorsus
sse gratiam ; sub quâ voluntas non sit immunis
h eâ omni determinatione , quæ afferat necessita-
em. Protestantes verò non poterant quidem non
egrè ferre , quòd anathemate percussus sit ab Ec-
lesiâ , quisquis dixerit, *liberum hominis arbitrium à*
dei gratiâ motum & excitatum non posse dissentire si
elit , sive excitanti gratiæ negare assensum. Sed
ostquam ii , qui re Jansenii , oratione ac nomine
. Augustini discipuli sunt , hoc anathema Concilii
luserunt , statueruntque suam illam delectationem
declinabilem atque insuperabilem , quæ non
osita sit in arbitrii liberi potestate , quæque ipsa
st, quam Synodus Dordracena gratiam irresistibi-
em appellat , facere non potuerunt Protestantes ,
t in eâ tanti momenti controversiâ manus non
ingerent , & cum iis conspirarent. Quid mirum ?
Nihil est tam idoneum ad sedandos & placandos
æreticos , quàm ipsis largiri & condonare ea quæ

postulant omnia , atque societatem cum ipsis inire , ad anathemata Ecclesiæ verborum captionibus eludenda. Id qui facit , non eos ad unitatem fidei revocat , imò solvit fidei unitatem , ut ad eorum se communionem adjungat. Enimvero si statuitur illa delectatio , cui necesse sit voluntatem obsequi , nihil potest superesse , de quo Ecclesia super eâ quidem re justè ac legitimè cum Calvino contenderit. Tum verò fatendum est , cum nullo prorsus jure fuisse ab Ecclesiâ damnatum , si quidem est manifestum , totam ipsius eâ de re doctrinam illo capite contineri , quòd velit delectationem gratiæ prævenientem , esse libero arbitrio indeclinabilem atque insuperabilem , ita ut ei voluntatem obsequi necesse sit. Quamlibet argutè ac subtiliter homines è sectâ disputent , suumque dogma temperare ac mitigare conentur , nunquam assequentur ut possint intelligi , dum eam Augustinianorum , ut ipsi vocari amant , delectationem , quam necesse sit ut voluntas sequatur , secernere ac distinguere nitentur à gratiâ Calvinì irresistibili seu necessitate afferente. Discrimen omne in eo positum est , quòd Calvinus , quippe liberior atque audacior , rem quamque ingenuè & suo appellavit nomine. Egregiam verò rationem Protestantes ad Ecclesiam revocandi , Ecclesiam ipsam vocare in partes Protestantium , adversus liberum arbitrium & bonorum operum merita ! Illum igitur fructum atque exitum habuit labor *hominum illorum eruditorum , qui in Theologiam Polemicam cum laude versati sunt.* Imò & illud non obscurè significas , ante illud tempus ,

quo recentiores illi Theologi delectationem inclinabilem atque insuperabilem invexerunt, *Religionem nostram adductam fuisse in odium atque invidiam*; sed postquam illa delectatio explicata est atque exposita, minus & minus jam invidiæ atque odii perferre cœpisse; ita ut hæretici, postquam ab *eruditis* illis *Theologiæ Polemicæ* magistris impetrassent, quæcumque in illo gratiæ necessitatem afferentis negotio postulaverant, quæque debuerant vel à primis disputationum initiis impetrare, eò se conjecerint, ut *adversus Sacramenta nostra disputarent*. Quid ergo? dicetur ille Religionem nostram adducere in odium, qui dixerit hominis voluntatem esse liberam sub gratiâ, ad resistendum Spiritui sancto, efficiendumque ut homo in vacuum gratiam Dei receperit? Quid ergo? erit odiosa Religio, si quis affirmet, necessario non fieri, ut voluntas nostra sequatur delectationem prævenientem, non esse præcepta Dei impossibilia plerisque hominibus etiam justis, & Christum ideò esse mortuum, ut salutem ope suæ gratiæ possibilem hominibus omnibus faceret? Probrosam verò reconciliationem, quam Ecclesia redimeret suæ doctrinæ veteris ejuratione! funestam pacem, quam Ecclesia deprecatur detestaturque, cujus nimirum conditiones eò pertinerent, ut paulum immutatis vocibus ac mitigatis, impium Calvinianorum dogma palmam obtineret! Accusas, Præsul Illustrissime, quòd ex singulis Epistolæ meæ partibus appareat, me † *iis opinionibus præjudicatis abreptum esse* *quæ parum digna*

sint eo Praefule &c. Et illud subjungis , debuisse me cavere diligentius ab istis imperiti vulgi erroribus. Ego verò quid maximè verum sit , non nisi cum simplicibus ac parvulis invenire cupio. Credo id quod S. Augustinus docuit , Antistites debere in sacratis locis eandem popularem liberi arbitrii notionem cantare , quam pastores cantant in montibus ; quia scilicet nobis illa veritatis ipsius liberalitate donata est. Atque indè consequi mihi videtur , omnem libertatis notionem atque ideam , positam in reconditâ quadam Scholæ subtilitate , quam plebs fidelis assequi non potest , non esse eam , quam S. Augustinus secutus est. Cum eodem sancto Doctore respondebo : * *Compescite vos ; fateor dogma nostrum esse populare , quia populus ejus sumus , qui propterea est appellatus J E S U S , quia saluum facit populum suum à peccatis eorum.*

Denique dolore me conficit id quod sequitur. † *Quinque propositiones, inquis , constant vocibus ambiguïs , quæ in sententias maximè differentes , atque etiam oppositas possunt accipi. Significas facere te libenter ut sic loquaris , quia ista oratio accommodata est ad minuendam culpam , si quæ tamen est culpa , eorum , qui propositiones illas in Jansenii libro perspicuè non vident. Addis , non sine singulari quadam animi contentione posse accuratè distingui varios sensus , quos Pelagiani & Semipelagiani , quos Thomistæ & Augustiniani , quos Molinistæ tribuunt singulis vocibus , quibus constant quinque propositiones. Quis non jure miretur sedulitatem istam tuam in elevando atque etiam planè diluendo sectæ cri-*

* Op. imp. l. 2. n. 2. † Pag. 75.

mine? Si vera sunt ista, restat illud etiam, ut incertum dicatur esse, quis sit nativus quinque propositionum sensus; neque jam licebit cum Ecclesiâ profiteri, sensum earum hæreticum eum esse, qui est obviu*s*, quem ipsamet verba præ se ferunt. Si voces singulæ, quibus constant propositiones, in sententias maximè differentes atque etiam oppositas possunt accipi, si vel Catholici de illis sententiis oppositis inter se pugnant, quid est magis ambiguum, quid magis incertum, quid minù*s* evidens, quàm illorum quinque textuum hæreticitas? Jam si neque Ecclesia ullam habeat infallibilitatem sibi promissam in textibus dijudicandis, neque horum separatim quinque textuum hæreticitas ullo pacto sit evidens ac manifesta, dici nulla ratione potest, Ecclesiam in illâ hæreticitate decernendâ ullam habuisse infallibilitatem aut promissam aut naturalem. Quare quinque illorum breviorum textuum damnatio, *quasi* te audimus, nihil est aliud præter edictum quoddam ad disciplinam pertinens, eamque certis locis ac temporibus circumscriptam, quemadmodum & damnatio libri Janseniani, qui est textus longior, retractari faciliè poterit ac revocari. Epistolam tuam his verbis concludis. † Non mitto ad te ea quæ exscripsi ex dissertationibus Jansenianis centum & ampliù*s* de vocibus iis, quibus propositiones quinque constant. Timui enimvero, ne hæc scripta inciderent in manus cujuscpiam, de cujus erga me benevolentia minù*s* considerem, quàm de tuâ confido, quique illis in meum aliquod damnum abuteretur. Et verò, Præsul

Illustrissime, homines sanè minùs erga te benevoli quàm ego sum, Epistolam tuam ediderunt, ac publicæ luci commiserunt. Dissertationes illæ *de vocibus iis, quibus propositiones quinque constant*, eò tendunt, ut illæ propositiones maximè ambiguar & maximè incertæ esse credantur. Jam si illæ propositiones ambiguar sunt atque incertæ, consequitur hæreticitatem quinque propositionum esse problema quoddam & quæstionem ancipitem, de quâ Ecclesia sic decernit, ut neque infallibilitatem in eâ dijudicandâ, neque evidentiam habeat.

XVII.

SUPEREST, Præsul Illustrissime, ut exponam tibi, quid voluntas erga te mea fecerit ut præsertim dolerem in eâ loquendi ratione quam adhibes, dum de Jansenii libro, de formulâ, de postremâ sanctæ Sedis Constitutione verba facis.

1. Statuis Jansenii librum esse aliud quoddam problematis & quæstionis ambiguar genus.* *Vis minuire culpam, si qua tamen est culpa eorum, qui propositiones illas in libro Jansenii non vident. Ad eam verò culpam minuendam atque elevandam, affirmas, illius libri doctrinam neque tam esse facilem ad explicandum, neque tam perniciosam, quàm mihi videtur esse; eos denique, qui eam sanam ac puram arbitrantur, non esse tam malâ fide, quàm existimare videor. Affirmas utramque partem pro suâ quamque sententiâ 50. aut 60. textus asserre, alios, ut quidem volunt, aliis clariores, quibus efficiatur propositiones eo libro contineri, vel non contineri. Igitur, Præsul Illustrissime, non jam, si te au-*

dimus , Ecclesia pugnat adversus Novatores, quos pro suo jure, & quidem necessitate cogente, jam ab annis sexaginta quavis ratione tendit adigere, ut credant hæreticitatem textûs cujusdam adversus fidem pestilentis : non sunt nisi duæ causæ, duæ partes adversæ, quarum utraque suam probabilitatem habeat.

2. Illud verò addis : * *Dum in Sorbonicis a-*
dibus commorarer, hoc libro perlecto, sic mihi vi-
sum est, facile fieri posse, ut prout quisque esset
affectus animo, ac præjudicatis opinionibus tribue-
ret, vel quinque propositiones in eo libro, vel sen-
tentiam planè contrariam inveniret. Eâ re ductus
ego iutâ conscientia faciendum mihi esse credidi,
ut formula subscriberem : sic enim mihi tum persua-
debam, in tantâ rei obscuritate obsequendum esse
autoritati. Annus elapsus est, & amplius eo ex quo re-
cognovi ea, quæ per annos amplius 45. sic dimise-
ram, ut de iis ne cogitarem quidem. Atqui in eâ-
dem jam manco sententiâ. Ad ista patere me, Præ-
sul Illustrissime, ut pauca quædam animadvertam.
Apertè contestaris, videri tibi Janseniani libri
sensum in magnâ obscuritate versari. Affirmas 50.
aut 60. textus afferri, quibus ostendatur systemata
vel maximè inter se pugnantia eo libro contineri.
Tibi visum est facile fieri posse, ut quis vel quin-
que propositiones in eo libro, vel sententiam planè
contrariam inveniret. Nihil sanè tam longè abest ab
evidentiâ, quàm obscuritas illa, quâ mentes incer-
tæ in præjudicia diversa propelluntur. Quid quòd
& illud de teipso confiteris, post accuratam dis-

quisitionem, post descriptas sententias ex dissertationibus centum & amplius, tibi facile contigisse, ut & quinque propositiones, & sententiam plane contrariam inveneris. *Ed* textus obscuritate nimirum ductus, *tua* conscientiam faciendum tibi esse credidisti, ut formula subscriberes. *Ea* obscuritate ductus sic tibi tum persuadebas, obsequendum esse autoritati. Verum, si & Janseniani libri sensus in tantâ obscuritate versatur, tamque facile potest ad contrarias sententias accomodari, & Ecclesia non est in dijudicandis textibus immunis ab errore, quo tandem pacto *tua* conscientiam faciendum tibi esse credidisti, ut jurejurando interposito affirmares, certam tibi esse, certò à te & firmè credi textus illius hæreticitatem? Unde verò repetebas illam in credendo firmitatem? an ab infallibilitate Ecclesiæ in textibus dijudicandis? quam scilicet non agnoscebas; an ab evidentia textus ipsius? quem scilicet obscurum, ambiguum, incertum judicabas. An verò conclusionem certam ac firmam deducebas ex testimonio incerto de eo textu, qui per se incertus erat atque ambiguus? Etiamne ex duobus incertis simul junctis quidquam efficitur, quod sit tuæ menti certum & exploratum? Quid esse potest in ipsâ autoritate, quæ factum proponit, magis incertum, quàm illud testimonium, quod obnoxium est errori, atque adeò quod per se tam ad falsitatem potest, quàm ad veritatem propendere? Jam quid incertum magis in ipso facto, quàm enunciatio ambigua, in quâ facile fieri potest,

ut plures sententia planè contraria inveniantur ? Ille est existimandus *tutâ conscientiâ* agere, annon potius conscientiæ vocem intimam opprimere, qui jurejurando interposito affirmat, certò se ac firmè credere, cum firmitatem nullam habeat, vel à testimonio, quod incertum est atque obnoxium errori, vel ab ipso textu, qui ambiguus est & in plures sententias æquè potest accipi ?

Hæc erant, Præsul Illustrissime, quæ sanè non potui sine acerbissimo dolore scribere, cum res Ecclesiæ publica, & dignitas illius ministerii, quod mihi commune tecum est, scribere me cogeret. Id unum tibi restat quod respondeas, illud, quod factum dicitur, non te certâ fide credidisse, sed *in tantâ obscuritate* existimasse, *OBSEQUENDUM esse auctoritati*. His verbis, ni fallor, significas ita te fuisse *obsecutum auctoritati* Præpositorum, ut tamen ignorares an fallerentur, nec ne. In illâ scilicet religiosâ dubitatione, cui accedebat mera voluntas obsequendi, *tutâ conscientiâ* faciendum tibi esse duxisti, ut jurejurares. Sed, obsecro, fatisne esse tibi videtur mera voluntas obsequendi, ad affirmandum interposito jurejurando factum illud, quod neque ipsâ sui evidentiâ, neque eâ auctoritate, quæ obnoxia non sit errori, certò innotescit ?

Præterea vestro isto cœtu anni 1660. decrevistis, *habendos esse hæreticos* eos omnes, qui facti fidem absolutam affirmare jurejurando interposito nollent. Illudne, quæso, volebas, *haberi hæreticos*, atque ut tales *castigari* eos omnes, qui sibi

non imperarent, id quod tibi imperaveras, fidem certam interposito jurejurando affirmare, licet nihil haberent præter dubitationem, cui accedebat mera voluntas auctoritati obsequendi? Aut volebasne contrà, jurisjurandi concipiendi lege non teneri eos, qui non possent imperare sibi, quod tu tibi imperaveras, ut se certos esse jurarent de eo facto, quod ita esse non ponebant nisi cum dubitatione, & ex merâ obsequendi voluntate? In re tam gravi, tam lubricâ ac præcipiti, dici non potest, quàm necesse sit ut mentem ipse tuam planè & accuratè explices. Atque istam tuam rationem quantò perveſtigabis diligentius, tantò certius cognosces vel invitus, quod bonâ tuâ veniâ dicam, Præsul Illustrissime, eam non satis esse veræ pietati congruentem.

3. Atque indè fit nimirum, ut formulam ipsam non sanè plurimi facere videaris. * *Formula sanè, inquis, etiamnum subscribi jubeant quidam in privatis Diœcesibus Episcopi, quamquam id neque à sanctâ Sede sit imperatum, neque à Cleri Gallicani Comitibus, in quibus aiunt subscriptionem ab uno tantum ex delegatis, nemine altero suffragante fuisse propositam, neque ab ullâ superiori auctoritate; quamquam & illæ repetita subscriptiones hoc habere mali videntur, ut & intra Ecclesiam discordias foveant, & hominibus piis ac religiosis scrupulum ac sollicitudinem afferant.* Sed quo tandem jure contendis, Præsul Illustrissime, legem de obſignandâ formulâ fuisse aut revocatam, aut abrogatam, aut ipso non usu labefactatam, cum

optimè noveris perpetuò renovari, tum à Sede Apostolicâ, tum à cœtu Cleri Gallicani vim Constitutionum, ac nominatim Constitutionis secundæ ab Alexandro VII. profectæ, quâ formulæ jusjurandum continetur? Age verò, quid esset, cur tantò opere niteretur Ecclesiâ, ut eos omnes, qui subscribunt, adigeret ad illius, quod factum dicitur, fidem, si jam ab imperandâ formulæ subscriptione descisceret? Denique tibi videtur formula, quam Ecclesiâ proponit, esse dissidiorum seges, atque apta ad fovendas in Ecclesiâ discordias? Illud videris pertimescere, ne juramentum ejusmodi *homines è sectâ pios ac religiosos* exagitet, atque ad veræ docilitatis partes reducat.

4. De formulâ, quæ à Cleri conventu anno 1657. fuit instituta, atque à vestro anni 1660. cœtu confirmata, illud addis, sic plurimos existimasse, * *potuisse eam sine ullo incommodo prætermitti*. Et certè nihil est quod prætermittatur libentiùs, quàm jusjurandum, quo tanquam certum affirmatur id, quod dubium atque ambiguum videtur, ita ut non affirmetur nisi ex merâ obsequendi voluntate, & illi scilicet auctoritati, quæ tamen existimatur esse ejusmodi, ut ipsi obsequentes inducere possit in errorem.

5. Non id jam agitur, Præsul Illustrissime, num Ecclesiâ sit, necne, in textibus dijudicandis immunis ab errore. Hanc ego controversiam ad punctum temporis omitto; de quâ quidquid nunc sentire tibi libeat, perspicis certè, silentium

obsequiosum , quamlibet a te mitigatum ac temperatum , improbari tamen ac damnari uno Præsulum omnium Gallorum consensu , eorum etiam , qui tibi esse videntur eruditissimi , sicque ab iis haberi , quasi eo adhibendo *probosa dissimulatio* comprobetur , & ea quidem *cum perjurio conjuncta* in fidei professione.

6. Librum verò Jansenii quod attinet , textus ipse adeò per se clarus ac manifestus est , ut ad eum intelligendum longè sit opportunius , eum absque ullo præjudicato integrum legendo decurrere , quàm *centum & amplius dissertationes excutere*. Et sanè , si quinque propositionum nomine intelligitur sensus ille violentus atque alienus , qualem exhibet prima columna scripti illius , quod à tribus columnis dicitur , quodque homines è sectà Innocentio X. obtulerunt , solis luce clarius est , quinque propositiones libro Jansenii non contineri. Sed quis tandem censebitur universæ Ecclesiæ illudere , si non illudit ille , qui pro sensu nativo ac proprio quinque propositionum obtrudit sensum illum commentitium ac vanum , quem vel homines è sectà fatentur esse sensum *alienum* , qui illis *malignè affingi posset* , quem tamen illæ *legitimè sumpta non habent*. Ingenuitas tua atque probitas numquam sinet , ut captiosa hæc & fallax adversus Ecclesiam ratio tibi probetur , si semel ad eam paulò diligentius adverteris. Si verò solum Jansenii textum , eumque integrum perlegere volueris , & conferre cum famosis quinque propositionibus , nullà adhibitâ hominum è sectà dis-

sertatione , quæ sit instar commentarii cujusdam ,
 facile intelliges , utriusque illius textûs non posse
 unquam esse nisi unum eundemque sensum. Porro
 sensus ille obviûs , ac veluti in oculos incurrens
 in utroque textu simul damnato , eò tendit , ne-
 cesse esse ut hominis voluntas operetur, hoc est, ve-
 lit secundum majorem delectationem , actu præ-
 venientem , nullamque esse post Adami lapsum
 gratiam aliam interiorem homini concessam , præ-
 ter delectationem prævenientem , cui assentiri vel
 dissentire non sit in liberi arbitrii potestate ; quia
 cum ea delectatio sit ad illud temporis punctum va-
 lidior , liberum arbitrium agit ac determinat ad
 bonum indeclinabiliter & insuperabiliter. Hoc est
 nimirum systema , quod Iansenius vult esse S. Au-
 gustini. Hoc ipsum est , quod homines è sectâ no-
 mine *gratia ex se efficacia* agnoverunt esse systema ;
 * *cum quo illæ quinque propositiones inviolabili*, ut
 aiunt , *atque insolubili nexu conjunctæ sint*. Hoc
 ipsum est systema , quod homines è sectâ Romæ
 propugnaverunt , vel proximâ antequam damna-
 retur die. Hoc ipsum est , quod illorum adver-
 sarii sic perpetuò impugnaverunt , ut Iansenii pro-
 prium nullum unquam aliud esse dixerint. Hoc
 ipsum est systema , de quo an sit catholicum , an
 hæreticum , jam ab annis 60. disceptatur. Quod
 homines è sectâ factum appellant , utrimque pa-
 riter convenit , tamen illi homines id agunt se-
 dulò , ut de eo solo contendere videantur. Con-
 venit enim & constat inter omnes , tam quin-
 que propositionibus , quàm Jansenii libro syste-
 * *Journal de S. Amort pag 471.*

ma illud, quod modo exposui, æquè contineri
sed de jure nimirum non convenit. Nam homi-
nes quidem è sectâ volunt, hoc systemate con-
tineri puram ac meram S. Augustini doctrinam :
Ecclesia verò idem hoc systema damnat, tamquam
quod hæreses quinque complectatur. Et verò
si quis hoc sumpserit, nullam esse amplius in
præsenti statu gratiam interiorē præter delecta-
tionem eam, quam necesse sit ut voluntas sequa-
tur, quia ea delectatio voluntatem indeclinabiliter
atque insuperabiliter determinat ad bonum, ex
eo manifestè ista consequuntur.

1. Præceptum Dei Justo cuilibet est impossi-
bile, etiam illo ipso temporis puncto quo urget,
si justo illi ad illud ipsum temporis punctum deest
delectatio insuperabilis ad actum imperatum.

2. Voluntas in statu præsentī interiori gratiæ
nunquam resistit, quia in statu præsentī nulla
prorsus est gratia, quæ non sit delectatio inde-
clinabilis atque insuperabilis voluntati ad illum
ipsum actum, cujus ratione est gratia.

3. Ad merendum & demerendum in hoc statu,
fatis est si voluntas non cogatur, & velle velit
id quod vult, licet aliunde necesse sit ut id velit,
quod delectatio illa insuperabilis efficit ut velit.

4. Ea gratia, cui consentire, vel dissentire relinque-
retur in liberi arbitrii potestate, gratia foret pro-
pria naturæ integræ atque innocentis, cujusmodi
gratiam hæterici Pelagiani volebant, reclamante
S. Augustino, etiam in hoc statu nostro re-
periri.

5. Denique

§. Denique, cū n̄ delectatio insuperabilis sola sit interior gratia, quæ nostro huic statui conveniat, Christus gratiam salutis non promeruit nisi solis prædestinatis, siquidem soli sunt prædestinati, qui acceperint delectationem illam insuperabilem ad finalem perseverantiam atque ad salutem.

Hic ipse est, Præsul Illustrissime, sensus proprius, natus, ac manifestus, qui tam quinque propositionibus, quàm Iansenii libro continetur. Controversia illa facti (dicendum est enim sæpius) nomen vanum est, quod obtruditur. Non Jansenismus, quod aiunt illi; phantasma est & commentum quoddam inane: commentum si quod est, est illa facti controversia. Tota quippe, quanta: quanta est, de ipse controversia est. Hoc verum esse Iansenii systema, utrimque convenit. Hoc jam à tot annis, sine ullâ ambiguitate, sine ullâ intermissione, alii defenderunt, alii accusaverunt. De hoc eodem systemate pronunciavit Ecclesia, nisi quis fortè dixerit, eam pronunciavisse de re quadam commentitiâ, de quâ nemo contendebat. Quisquis hoc systema propugnat, illi necesse est ut quinque propositiones puræ, accuratæ, moderatæ, atque ab omni censurâ immunes esse videantur. Contrà verò, quisquis hoc systema hæreticum esse confiteretur, ille necesse est ut hæresim comperiat ad singulas Iansenii pagellas incurrentem in oculos, æquè ac in quinque propositionibus. Bona fides id postulat, ut & omittatur facti controversia, & in juris controversiâ demissi animi

obsequium exhibeatur; neque jam Calviniana tota
hæresis posita esse dicatur in commentitio illo dog-
mate *liberi arbitrii per gratiam coacti*, sed agnos-
catur planè, pertinere ad Calvinianam hæresim
illud dogma, quo negatur ulla esse alia gratia in-
terior, præter delectationem eam, quam necesse
sit ut voluntas sequatur, quia ea indeclinabilis
est atque insuperabilis. Tum verò eo decreto, quo
dirempta est vera juris controversia, tollitur atque
evanescet controversia facti, quæ tota commen-
titia est atque ad illudendum appositæ.

XVII.

DUPLEX finxisti silentium obsequiosum,
Præsul Illustrissime, ut scilicet postremam Con-
stitutionem eluderetur tum maximè, cum eam ad-
mittere videretur. * *Id verò*, inquis, *non nisi*
falsò jactari posse patet vel ex hoc nostro obsequioso
silentio, si nativo suo sensu sumatur atque intelliga-
tur, non illo perverso usu, quo summus Pontifex
illud modò damnavit. Atqui solis luce clarius est,
ut jam animadverti, eam censuram iniquam esse,
quæ damnatur textus ille, qui si *nativo suo sensu*
sumatur atque intelligatur, nihil quidquam habet
mali. Qui censuram non admittit nisi eo sensu,
qui non est nativus textus damnati sensus; is pro-
fectò textum ipsum approbare pergit, censuram-
que eludit tum maximè, cum eam admittere vi-
detur. Hujus verò rei Ecclesiam universam testem
esse volo. Hac de re non jam tibi mecum, sed
cum Apostolicâ Sede disceptandum est. Ais sum-
mum Pontificem de illo silentio ita statuisse, ut

† decerneret tantum, illud non satis esse, jubere-
 que ipsi adjungi obsequium interius, quo factum cre-
 datur. Sed ut jam non hæreamus in illâ controver-
 siâ, quam homines è seclâ movent de ambiguo
 fidei divinæ nomine, quæro utrum illa facti fides
 sit certa, absoluta, non obnoxia mutationi, qua-
 lem certè fidem postulat jusjurandum illud, quod
 Ecclesia jubet adhiberi in fidei propositione. Si
 fateris, Ecclesiam omnino postulare fidem hanc
 certam, neque obnoxiam mutationi; si & illud
 addis, ejusmodi fidem Ecclesiæ postulanti negari
 non debere, superest ut quæram, quid igitur sit
 quod Episcopi quatuor adduci non potuerint, ut
 formulæ absque ullâ exceptione aut restrictione
 subscriberent? Quid est quod in facti controversiâ
 silentium obsequiosum satis esse prætendebant?
 Quid est quod Episcopi XIX illos quatuor in ejus-
 modi causâ defendebant? Si voluissent ab uno-
 quoque credi factum certâ fide, neque obnoxia
 mutationi, nihil erat cur tantas tragædias agerent,
 & periculum adirent Episcopalis sedis amittendæ.
 Quin potius jurejurarent ipsi, atque aliis jusju-
 randum iniperarent absque ullâ restrictione de il-
 lo facto, quod seili. et volebant tum ipsi credere,
 tum ab omnibus certâ ac firmâ fide credi. Erat
 enimvero absurdum, cum ita essent affecti, ni-
 hil aliud Ecclesiæ polliceri præter silentium obse-
 quiosum. Neque enim satis est eum polliceri:
 fore ut præ obsequio & reverentiâ taceat, cui
 persuasum est, accedere præterea fidem eamque
 certam oportere. Qui verò fidem certam habere

vult, is certè non satis habet silentium obsequiosum polliceri. Denique qui vult certò credere, ille tantùm abest ut indigeat obsequioso silentio, ne scilicet suâ oratione Ecclesiam lædat, ut contrâ promptus sit semper ac paratus ad suos animi sensus oratione declarandos. Quid igitur, Præsul illustrissime, ista flexiloqua & ambigua verba significant? Non satis est dicere, summum Pontificem hoc jubere, ut *adjungatur obsequium interius, quo factum credatur*. Id quæritur, num tibi persuasum sit, summum Pontificem rectè facere, dum illud jubet; num tibi persuasum sit, ab unoquoque haberi oportere *facti fidem*, quam summus Pontifex postulat, certam & mutationi non obnoxiam. Hoc ipsum est controuersie nostræ caput, de quo ut apertè ac sine ullâ circuitione pronuncies quid sentias, obsecro te, & per illud depositum, cujus cura nostrum utrique pariter commissa est, etiam atque etiam obtestor. Neque verò satis est dicere, *summo Pontifici, qui hodie regenda Ecclesia prepositus est, visum esse plura tentare, quàm ipsius decessores tentavissent, atque illum adedò statuisse, Constitutionibus Apostolicis obsequioso silentio minimè satisfieri*. Nam summus quidem Pontifex non plura tentavit, quàm ipsius decessores tentaverint, siquidem & numquam ipsius decessores fecere potestatem sic jurandi, ut certa fides non adjungeretur, & eam certam fidem satis habet summus Pontifex, quæ niti non potest nisi eâ auctoritate, quæ sit falli & fallere nescia. Deinde verò

non illud quæritur, num tibi jam persuasum sit, id quod summus Pontifex & Ecclesia universa postulat, silentium obsequiosum, quamlibet mitigatum ac temperatum, non satisfacere Constitutionibus, & necesse esse ut unusquisque fidem certam & mutationi non obnoxiam habeat. Quamdiu perges ita dicere, rem hanc totam non pertinere nisi ad institutum quoddam disciplinæ, cujus naturâ est ut mutari possit interdum, non facile adducar ut existimem, tibi quidem satis persuasum esse, Ecclesiam pro suo jure posse fidem illius, quod factum dicitur, certam & mutationi non obnoxiam imperare.

Atque illud præterea me longè magis angit ac dubium tenet, quod ais, * XXIII *Episcopis silentium obsequiosum visum esse accommodatum atque omnino sufficiens ad sedandos animos, turbas compescendas, & pacem ac tranquillitatem Ecclesie restituendam. Eam loquendi rationem, inquis, Præsul Illustrissime, illi adhibuerunt, quæ tum erat in usu, hodieque si forent in vivis, eo modo loquerentur, quo Ecclesia loquitur, atque ultro Sanctissimi Domini Constitutionem cum suis Collegis admitterent; cui scilicet nihil aliud fuit propositum, quàm ut efficeret, ne silentii nomine obiegeretur consilium sane perniciosum propugnanda illius doctrina, quæ propositionibus quinque continetur, quod & ipse satis aperte declarat. Quare videris hanc tenere rationem, quæ est hominum & secta, ut decretum omne velis pertinere tantummodo ad quamdam locutionis mutationem. Horum scilicet*

Episcoporum tempore silentium obsequiosum sumebatur *sensu proprio* atque harum duarum vocum *nativo*. Tum verò videbatur illud esse *accommodatum atque omnino sufficiens ad sedandos animos & pacem ac tranquillitatem Ecclesiæ restituendam*. Igitur si te audimus, summus Pontifex postremâ suâ Constitutione illud silentium accipit eo sensu, qui non *nativus est ac proprius*. Affirmas futurum fuisse, ut illi Episcopi, si quidem ad hæc tempora viverent, adduci se paterentur ad hanc significationem minùs propriam, novamque hanc locutionem approbandam. Illi scilicet loquendi rationem, quæ nunc est in usu, sic adhiberent, ut tamen mentem eandem sententiamque retinerent : nam te quidem profiteris in eadem, quâ semper fuisti, mente ac sententiâ permanere. Videris igitur sic existimare, Constitutionem ab Ecclesiâ eâ tantùm de causâ receptam esse, & silentium obsequiosum ab eâ repudiatum quasi minimè sufficiens, quatenus eo silentio quidam homines abuti possent, ut ipsius *silentii nomine obtegerent consilium sanè perniciosum propugnanda illius doctrina, quæ propositio-nibus quinque continetur*. Hanc rationem dum tenes, videris, si verè loqui volumus, non silentium ipsam damnare, sed vituperare dumtaxat perversum silentii illius usum ; imò videris non tam timere, ne quis malè abutatur hoc silentio, quàm ne quis illud silentium tam sufficiens, tam aptum ad res omnes atque accommodatum omittat. Cogis nos propè ut credamus, eum tibi videri

*Ecclesiæ consentire in accipiendâ Constitutione, qui sic jurat, ut tamen non habeat absolutam, acque integram facti fidem, modò tamen ille non obtegit consilium sanè perniciosum propugnanda illius doctrina, quam tu quidem contendis propositionibus quinque contineri. Ita pergis: * Nisi vovum harum duarum simul conjunctarum sensum nativum ac proprium quidam homines malignè detorsissent, nempe ut eas summo Pontifici suspectas efficerent, numquam ille voces has duas spectasset ut perduellionis ac contumacia signa. &c. Quare sic existimas, Præsul Illustrissime, silentium hoc a summo Pontifice non fuisse damnatum tanquam minimè sufficiens, nisi sensu malignè detorto, & contra sensum nativum ac proprium. Itaque non nisi per fraudem adductus est summus Pontifex, ut hocce judicium ferret. Malignè ac nullo prorsus jure, fecerunt, qui dederunt operam, ut silentium hoc ipsi suspectum esset. De hoc silentio longè prudentius fuerat, si te audimus, Clementis IX. consilium, quàm fuit postea Clementis XI. † cum ille usus eâ facilitate atque indulgentiâ, qua maximè deceret universa Ecclesia Caput, & communem fidelium omnium parentem, amplexus est silentium obsequiosum tamquam valde accomodatum ad reconciliandos animos, & pacem Ecclesiæ confirmandam; atque eo pacto nimirum mansit ea pax ad plures annos.*

Quis non videt, Præsul Illustrissime, ex istâ totâ oratione tuâ confici, novâ Constitutione nihil nisi turbari pacem eam, quæ fuerat à Clemente IX. constituta, siquidem Clemens XI.

sensu detorto ac minùs proprio sumit silentium illud obsequiosum, quod Clemens IX. sensu nativo ac proprio semperat. Atque istam tuam mentem explanant atque apertiùs declarant ea quæ subijcio.

Sic nobis visum fuerat, inquis, satis significari reverentiam, qua summorum Pontificum decretis exhiberetur, si ad silentium obsequiosum accederet comminatio de iis omnibus castigandis, qui Pontificiis Bullis in facti negotiò parere recusarent. Et verò annos triginta & amplius pax est consecuta. Sed quia quibusdam hominibus collibitum est vocem illam sic interpretari, ut eâ excluderetur omne obsequium Ecclesia de factis judicanti, omnis fides &c. Ostendi perspicuè, ni fallor, Præsul Illustrissime, rem illam totam minùs diligenter tibi fuisse cognitam. Doctores 40. obsequium ejusmodi etiam interius admiscere, non minùs quam tu admiseris; illi æquè ac tu credidere, omnino Ecclesiæ deberi eam, quam præsumptionem atque observantiam appellant, licet non debeatur ipsi fides certa neque obnoxia mutationi. Addis fuisse, qui malignè & significarent, eos qui persuasum non habent Jansenii factum, silentio suo obsequiosa celare, non modò mentem Ecclesia decreto contrariam, sed etiam voluntatem & consiliū reclamandi, & contra Bullas Pontificias scribendi ac loquendi &c. Ea verba qui audit, is profectò intelligit, sic tibi videri, silentium obsequiosum non sufficere, quatenus illud non servatur, imò & non posse illud non satis esse, nisi adsit voluntas & consilium reclamandi, & contra Bullas Pontificias

facias scribendi ac loquendi. Næ illud silentium perquam bonum ac laudandum est, cujus violandi sola voluntas & propositum potest improbari!

Cæterum, Præsul Illustrissime, minime hæc agitur, quid expositum summo Pontifici fuerit de eorum hominum studiis, qui eo se silentio continent. Totius rei caput in eo est, quòd Ecclesia pati ac sustinere non possit, factum quodpiam ab eo jurari, qui factum illud fide certâ non credit, nihilque aliud velit præter silentium obsequiosum polliceri. Verbo dicam: ex his duobus alterum necesse est ut concedas. Si enim fatearis, debere factum fide certâ credi, & quæ mutationi non sit obnoxia, nullus amplius obsequiosi silentii sensus, nullus verus usus esse potest. Sin verò fidem illam certam neque obnoxiam mutationi ab omnibus habendam non censes, rejicis Constitutionem, & solus adversus Ecclesiam universam insurgis.

Ita præterea verba tua sunt: † *Igitur hoc unum de his vocibus pronuntiari potest, iis illud idem contigisse, quod aliis plurimis contigit, ut nunc erroris, nunc fidei catholica signum ac symbolum fuerint, neque tamen propterea jure vituperari possint ii, qui illas sensu nativo usurpavere.* Inde conficitur, videri tibi 40. Doctores non potuisse jure vituperari, nedum tam atrocibus notis configi, tam gravi censurâ damnari, si modò silentium obsequiosum acceperunt *nativo* vocum ipsarum *sensu*, quo scilicet tu accepisti. Atqui ipsis Doctorum illorum verbis feci manifestum, eos silentium ob-

sequiosum accepisse eo sensu , quem tu vis earum vocum *nativum sensum* esse , quo nimirum significatur obsequium interius , ac vera animi observantia , sine ullâ certâ facti fide. Igitur tibi 40. Doctores , æquè ac XIX. Episcopi , videntur non posse *jure vituperari*. Ex quo sequitur, Constitutionem ipsam , & ea Mandata , quibus Doctores illi innoxii tam severè damnantur , injusta esse , & per vim ac tyrannidem lata. Quid quòd & silentium obsequiosum cum ipsâ *Consubstantialis* voce comparas , ac deinde sic prosequeris : * *Illud idem absque dubio continget in Janseniano facto , atque ætates ventura mirabuntur , tamdiu fuisse qui crederent , pertinere ad dignitatem suam , ut aliorum mentem alii assequi nollent , atque aded oportuisse , ut Sedes Apostolica tam sæpe pronunciaret de iis erroribus , quos à se damnari omnes ultrò profiterentur. Videtur itaque Sedes Apostolica tam sæpe , nimirum editis quinque Constitutionibus , prætereaque tot Brèvisibus , pronunciavisse de commentitiis quibusdam erroribus , de quibus ne semel quidem pronunciare necesse fuit , liquidem eos à se damnari omnes ultrò profitebantur. De iis Clerus Gallicanus tam sæpe , tam inutiliter , quàm Sedes Apostolica pronunciavit. Id unum agebatur , quòd erant qui crederent , pertinere ad dignitatem suam , ut aliorum mentem alii assequi nollent. Nimirum adversarii eorum , qui se S. Augustini discipulos prædicabant , eos audire noluerunt , dum afferrent argumenta sanè gravissima & firmissima , quibus causam suam comprobaba-*

bant. Atque illud est scilicet , quod, si te audimus, ætates ventura mirabuntur.

Verum expendamus , quæso , rationem eam mediam , quam tibi inter summum Pontificem & homines è sectâ ineundam esse duxisti. † *Laudabitur*, inquis, *eorum studium*, qui illud propugnauerunt, quod ipsis è dignitate atque comodo *Ecclesia maxime futurum esse videbatur*. Hanc XXIII. Episcopis laudem tribuis. Summi verò Pontificis hanc laudem propriam facis. Neque rejicietur ea cura , quâ summus Pontifex usus est in damnandis iis vocibus , quæ cùm primùm pura & absque veneno faissent , postea sunt ad perversum usum adhibita. Non obscure significas , Præsul Illustrissime , venturas ætates eo nomine laudaturas esse studium Episcoporum XXIII. tum quòd silentium obsequiosum in facti controversiâ propugnauerint, tamquam id quod ipsis è dignitate atque comodo *Ecclesia maxime futurum esse videbatur*, tum quòd illud *nativo ac proprio sensu* acceperint. Summi verò Pontificis, inquis, non rejicietur ea cura , quâ usus est in damnandis iis vocibus , quæ primùm pura & absque veneno fuerunt , quæ etiamnum venenum nullum habent , nisi detorqueantur ad sensum alienum atque à proprio sensu discrepantem. Cæterum ostendi, perversum illum , quem memoras usum , totum esse commentitium. Non alium 40. Doctores illius usum adhibuerunt , quàm qui à te fuit adhibitus. Itaque sic existimas , silentium illud non fuisse à summo Pontifice damnatum , nisi sensu

quodam alieno ac *detorto*, non autem nativo ac proprio; non fuisse damnatum, nisi propter perversum cujusdam usum metum commentitium, de quo homines quidam fraudulentum plura etiam dixerunt quam veritas pateretur, ut nimirum eas voces *sua Sanctitati suspectas efficerent*. Jam verò omitto querere, utra sit laus illustrior, eam quam tribuis silentii obsequiosi patronis, quia illud proprio ac nativo sensu acceptum forti animo propugnaverint, an ea quam summo Pontifici concedis, quod voces quasdam sensu *detorto* ac minus proprio acceptas damnaverit, propter *perversum aliquem usum*, de quo fraudulentum homines & pacis inimici ipsi multa retulerunt. Ut ut est, certè significas videri tibi, Constitutione nihil nisi *damnari voces* quasdam, & eas quidem sensu *detorto* acceptas.

Si verò quis paulò diligentius perspicere velit, quid tandem intelligas isto obsequio interiori, atque istà facti fide, quæ duo ad silentium tuum obsequiosum adjungis, legat sanè quæ ex Epistolâ tuâ desumo. * Illi verè, bonâ fide, atque ex animi sententiâ crediderunt, propositiones ex Iansenii libro desumptas, damnatas ab Ecclesiâ fuisse, statueruntque huic Ecclesiâ decreto nunquam aut directè aut indirectè repugnare, atque ita se affectos esse juraverunt, dum formula subscriperunt, omisâ omni de Fanseniano facto disquisitione. Istis verbis non damnas eos, qui sic affecti sunt, imò valde improbas, eos à me damnari. Qui tamen eo sunt animo, nullam habent

certam facti fidem, si quidem ponis eos, *omissa omni de Ianseniano facto disquisitione*, id unum tenere, ut credant propositiones ex Iansenii libro desumptas, damnatas ab Ecclesiâ fuisse, statuantque huic Ecclesiæ decreto numquam aut directè aut indirectè repugnare. Non is credit, quinque hæreses esse accuratè desumptas ex Iansenii libro, atque illo verè contineri, qui tantum credit, hæreses quinque ab Ecclesiâ seu bene seu perperam desumptas, ab eâdem fuisse damnatas. Non modò postulat Ecclesiâ ut quisque credat, ipsam sibi videri accuratè desumpsisse ea quæ desumpsit, & rectè decrevisse ea quæ decrevit: postulat præterea ut quisque credat idem, quod illa credit de suâ tum in desumendo diligentiâ, tum in decernendo æquitatè. Deinde verò, qui statuit huic decreto numquam aut directè aut indirectè repugnare, non ille decreto ipsi assentitur, sed tantum tacet, atque alios huic assentiri & credere sinit: non ille fatetur silentium obsequiosum non satis esse, imò se hoc obsequioso silentio continet: non ille certò credit id, quod Constitutione decretum est, sed id tantum ex merâ observantiâ seu obsequio suscipit. Atque hoc tamen animo velles jurare eos, qui formulæ subscribunt.

X I X.

DENIQUE vis haberi errorem imperiti vulgi . . . & commentum . . . adversus eos qui Ianseniani vocantur, sententiam eorum omnium Episcoporum, quibus persuasum est, quamdam esse sectam hominum, qui obstinatè credant sen-

sum nativum quinque propositionum ; qui si mī-
 nūs eos errores palām atque apertē profiteantur,
 clām certē & cum ceteris congerronibus suis non
 dissimulent. Ista, inquis, calumnia, reprehensione
 non indiget : si enim fuissent homines ejusmodi,
 dubium non est quin comperti fuissent aliqui, cū
 diligenter jam ab annis 60. conquirantur. Sed
 ut omittam hoc loco meis argumentis de-
 monstrare, nimium sēpē comperiri eos,
 quos jam ab annis 60. nullos esse pugnās, facio
 libenter ut ipse fileam, atque id quod ā te prae-
 sertim opponi non possum non vehementer ad-
 mirari. confutari sinam tū ā Sede Apostolicā,
 tū ā Clero Gallicano. Nam obsecro, idne unum
 agit Sedes Apostolica jam ab annis 60. ut tot
 Constitutionibus, tot Brevibus commentum inane
 percellat atque affligat, in eo semper obstinata,
 ut sibi verum corpus esse persuadeat ? An verō
 Gallicanus Clerus jam ab annis 60. vanam ima-
 ginem atque umbram ridiculam persequitur ? Fuit-
 ne Clerus ille rationis ac mentis inops, cū
 anno 1700, damnavit hanc hominum ē sectā pro-
 positionem, *Phantasma Iansenismi quasitum ubique,*
sed nusquam repertum, praterquam in laborantē
quorundam phantasia. Cleri cōctus affirmavit, eos
 qui sic loquerentur, esse inquietos homines, qui
 Constitutiones apertē contemnunt. Atque hanc pro-
 positionem cum aliis declaravit esse falsam, re-
 merariam, scandalosam, contumeliosam in Clerum
 Gallicanum, in summos Pontifices, & in univer-
 sam Ecclesiam, schismaticam, & erroribus condem-
 natis faventem.

Quid est igitur, Præsul Illustrissime; quod
 ais jam ab annis 60. conquiri ejusmodi *phantas-*
ma, nusquam reperiri? Tot Episcopos omnibus
 ex Provinciis collectos oportuit sanè diligentius
 cognoscere, quàm tu unquam cognoveris, uni-
 versum Gallicarum Ecclesiarum statum. Quid est
 quod significas, jactari nomen cujusdam hære-
 seos, quæ tota commentitia est, ut eâ causâ male
 habeantur veri S. Augustini discipuli; eo pacto
 violari in Galliâ Ecclesiæ pacem, quæ scilicet
 per obsequiosum silentium feliciter constituta,
 jam labefacteretur, dum quidam homines; feve-
 riùs quàm par est, postulanti certam facti fidem
 ab iis, qui formulæ subscribunt? Quid moraris?
 Præsul Illustrissime, confiteri id quod universa
 sentit Ecclesia, solam esse sine ullâ exceptione
 obedientiam, quæ veram pacem afferre possit;
 pacem verò simulatam aut ementitam longè plus
 habere periculi, quàm bellum apertum ac ma-
 nifestum? Denique non possum quin dicam;
 ipsius obsequiosi silentii leges à te violari, dum
 Epistolâ tuâ tam splendide declaras, à te Consti-
 tutiones eludi, quas summo studio & Christi-
 anâ simplicitate excipere debueras.

Iterum fortasse libebit tibi conqueri, quod
 ego te *incusare* aggrediar, & veluti oculos tuos
 aperire, quasi eos penitus oclusos habeas. Sed
 ego reponam illud quod S. Augustinus S. Hie-
 ronymo respondebat conquerenti, quod fuisset ab
 ipso reprehensus. * *Neque hoc idè dico*, inquit
 ille, *ut oculos cordis recipias, quos absit ut amise-*

Epist. 40. n. 7.

ris, sed ut advertas, quos cū habeas sanos & vigilēs, nescio quā dissimulatione avertisti, ut non intenderes, quō pertraherent illa quæ assumis, quamlibet aliunde piam ac rectam mentem & voluntatem geras.

X X.

In quo verò me accusas, quòd ex Epistolâ tuâ quædam verba retulerim, faciliè me tuebor, si hæc duo demonstravero; primum quidem, orationem tuam à me nullo pacto fuisse immutatam; alterum verò, non sine argumento me ex tuis dictis ea collegisse quæ collegi.

I. Verba mea, quibus & tua retuli, repræsentō. † *Sperasti, Illustrissime Præsul, declinata- rum te ab istâ difficultate, si sic loquereris: [Auctoritas aliquod dogma constituendi confundenda non est cum illo jure, quod Archiepiscopus et facultas censura configere possunt, ut de ipsa confixerunt, casum; tamquam violationem silentii religiosi, et disciplinæ jam in Diocesi Parmensi et Congregatione Facultatis constitutæ; si rationes obvias quasque in usum deduxerunt, quò potestati suæ jus legitimom adsciscerent, et reprehenderent id, quod censura notare voluerunt]* Equidem hæc verba, quæ duabus ansulis inclusa sunt, lineâ inferius ductâ notaveram, ut omnes intelligerent ea esse tua: & ille usus obtinet in iis, quæ manu scribuntur, quemadmodum in iis quæ eduntur typis, valet consuetudo, ut ea, quæ ex aliis deprompta

laudantur, edantur Italico caractere. Præterea dum ego scripsi, puncta aliquot, ut patet, apposui post illa verba, & reprehenderent id, quod censurâ notare voluerunt. Enim vero ita vulgò faciunt, qui sumptim ex aliis verba referunt, ut significant, alienis illis verbis non absolvi periodum integrâ, quæ nimirum alia quædam verba complectatur adjuncta apud Autorem ipsum quem appellant. Est igitur æquitatis tuæ, Præsul Illustrissime, non accusare fidem aut diligentiam meam, quod dum ego scriberem, lineâ inferius ductâ notavi tantum ea verba, quæ planè tua sunt, & postremæ periodi partem ita retuli, ut deinceps puncta aliquot apponerem, quibus significarem, periodum tuam his quæ referebam verbis non esse absolutam. Et verò periodus integrâ, quam tu repræsentas pag. 60. & 62. secundæ tuæ Epistolæ, est ejusmodi. Si rationes obvias quasque in usum deduxerunt, quò potestati suæ jure legitimâ adsciscerent, & reprehenderent id, quod censurâ notare voluerunt, par est credere, nihil aliud ipsis spectasse, quàm ut idem institutum tenerent, quo jam dudum utebantur, non verò ut damnarent eos, qui in ipsorum potestate ac ditione non sunt, aut ejusmodi dogmata ab omnibus admitti vellent. Faciet præfector, Præsul Illustrissime, tuus iste pudor ac fides, ut verba tua ultro recognoscas. Igitur dum ego scriberem, lineâ inferius ductâ notavi tantum ea verba, quæ planè tua esse profiteris Epistolæ tuæ secundæ paginâ 60. & 62. Puncta vero aliquot apposui post illa ver-

ba, & reprehenderent id, quod censurâ notare voluerunt, ut significarem, periodum tuam his quæ referebam verbis non esse absolutam. Atqui nulla magis accurata diligentia potuit asferri. Quid est igitur, Præsul Illustrissime, quod me istis verbis increpas? *Postrema verba lineâ inferiùs ductâ notas; apponis puncta, in quibus aliquid videtur esse mysteris. Verum neque verba, neque puncta mea sunt. Hac nimirum adhibes, ut confirmes illud, quod vis de meis dictis existimari.* Atqui, Præsul Illustrissime, modò vidimus ea omnia verba, quæ ego sic tibi tribui, ut ea lineâ inferiùs ductâ notare, plane tua esse, liquidem ea ipsa tu refers paginis jam appellatis, atque agnoscis esse tua. Et illud quoque vidimus, puncta illa non modò nihil habere *mysteris*, sed pertinere ad probandam eam diligentiam, quâ cavi, ne periodum tuam referrem quasi absolutam, quæ absoluta non esset. Atque eâ quidem in re totâ non discessi a pervulgato Scriptorum omnium usu, qui nihil sanè *mysteris* completitur. Quare quæ ex Epistolâ tuâ retuli, diligenter & accuratè relatæ esse constat.

2. Superest ut ostendam, me non sine argumento ex tuis dictis ea collegisse quæ collegi. Hoc autem sic ostendo. 1. Qui ita pronunciat (Si per hyemem sol a nobis discedit, idem ad nos certò redibit per æstatem) is verum ponit, solem à nobis hyemis tempore discedere. Qui sic loquitur [Si nobis nox solis lumen præripit, at certè lumen lunæ nos aliquâ ex parte sublevat] is profectò significat, nobis nocte solis lumen præripi.

Pariter cum tu sic ais, *Si rationes obvias quasque in usum deduxerunt, quod potestati sua jus legitimum adsciscerent, & reprehenderent id, quod censurâ notare voluerunt, par est credere, nihil aliud ipsos spectasse &c.* solis luce clarius est, te intelligi voluisse, illos *rationes obvias quasque in usum deduxisse*. Tamen si ea enunciatio particulam *si* habeat adjunctam, unde videatur ex aliquâ conditione pendere, est tamen manifestum, sensum illius affirmantem esse atque ab omni conditione solutum. Idem est enim prorsus ac si dixisses, *Etiamsi rationes obvias quasque in usum deduxerint, tamen par est credere, nihil aliud ipsos spectasse, quam ut idem institutum tenerent &c.*

2. Quid verò magis contumeliosum in Præpositos dici potest, quam eos *rationes obvias quasque in usum deduxisse*? Sic enim statuis, Præsul Illustrissime, eos primùm decrevisse, silentium obsequiosum omnino esse censurâ configendum; deinde illos non conquisivisse, non delegisse firma quædam argumenta, quibus potestati sua jus legitimum adsciscerent, & quibus quasi fundamentis obsequiosi silentii & à 40. Doctoribus approbati censura niteretur. Sine delectu *rationes obvias quasque in usum deduxerunt*, inquis: commodum visum est, quidquid fors objecit. Quid ita? an ut silentium obsequiosum probarent, quod tibi quidem videtur & suo nativo sensu acceptum vacare culpâ, & malum non esse, nisi alieno ac minus proprio sensu accipiat? Imò verò, ut potestati suæ jus legitimum adsciscerent adversus si-

sequiosum accepisse eo sensu , quem tu vis earum vocum *nativum sensum* esse , quo nimirum significatur obsequium interius , ac vera animi observantia , sine ullâ certâ facti fide. Igitur tibi 40. Doctores , æquè ac XIX. Episcopi , videntur non posse *jure vituperari*. Ex quo sequitur, Constitutionem ipsam , & ea Mandata , quibus Doctores illi innoxii tam severè damnantur , injusta esse , & per vim ac tyrannidem lata. Quid quòd & silentium obsequiosum cum ipsâ *Consubstantialis* voce comparas , ac deinde sic prosequeris : * *Illud idem absque dubio continget in Janseniano facto , atque ætates ventura mirabuntur , tamdiu fuisse qui crederent , pertinere ad dignitatem suam , ut aliorum mentem alii assequi nollent , atque aded oportuisse , ut Sedes Apostolica tam sæpe pronunciaret de iis erroribus , quos à se damnari omnes ultrò profiterentur. Videtur itaque Sedes Apostolica tam sæpe , nimirum editis quinque Constitutionibus , prætereaque tot Brèvibus , pronunciavisse de commentitiis quibusdam erroribus , de quibus ne semel quidem pronunciare necesse fuit , siquidem eos à se damnari omnes ultrò profitebantur. De iis Clerus Gallicanus tam sæpe , tam inutiliter , quàm Sedes Apostolica pronunciavit. Id unum agebatur , quòd erant qui crederent , pertinere ad dignitatem suam , ut aliorum mentem alii assequi nollent. Nimirum adversarii eorum , qui se S. Augustini discipulos prædicabant , eos audire noluerunt , dum afferrent argumenta sanè gravissima & firmissima , quibus causam suam comprobaba-*

bant. Atque illud est scilicet, quod, si te audimus, *ætates ventura mirabuntur.*

Verùm expendamus, quæso, rationem eam mediam, quam tibi inter summum Pontificem & homines è sectâ ineundam esse duxisti. † *Laudabitur*, inquis, *eorum studium, qui illud propugnaverunt, quod ipsis è dignitate atque commodo Ecclesia maximè futurum esse videbatur.* Hanc XXIII. Episcopis laudem tribuis. Summi verò Pontificis hanc laudem propriam facis. Neque rejicietur ea cura, quâ summus Pontifex usus est in damnandis iis vocibus, quæ cùm primùm pura & absque veneno fuissent, postea sunt ad perversum usum adhibita. Non obscure significas, Præsul Illustrissime, venturas ætates eo nomine laudaturas esse studium Episcoporum XXIII. tum quòd silentium obsequiosum in facti controversiâ propugnaverint, tamquam id quod ipsis è dignitate atque commodo Ecclesia maximè futurum esse videbatur, tum quòd illud *nativo ac proprio sensu* acceperint. Summi verò Pontificis, inquis, *non rejicietur ea cura, quâ usus est in damnandis iis vocibus, quæ primùm pura & absque veneno fuerunt, quæ etiamnum venenum nullum habent, nisi detorqueantur ad sensum alienum atque à proprio sensu discrepantem.* Cæterùm ostendi, perversum illum, quem memoras usum, totum esse commentitium. Non alium 40. Doctores illius usum adhibuerunt, quàm qui à te fuit adhibitus. Itaque sic existimas, silentium illud non fuisse à summo Pontifice damnatum, nisi sensu

quodam alieno ac *detorto*, non autem nativo ac proprio; non fuisse damnatum, nisi propter perversum cujusdam usûs metum commentitium, de quo homines quidam fraudulentî plura etiam dixerè quàm veritas pateretur, ut nimirum eas voces *sua Sanctitatis suspectas efficerent*. Jam verò omitto quærere, utra sit laus illustrior, eâne quam tribuis silentiî obsequiosi patronis, quia illud proprio ac nativo sensu acceptum forti animo propugnaverint, an ea quam summo Pontifici concedis, quod voces quasdam sensu *detorto* ac minùs proprio acceptas damnaverint, propter *perversum* aliquem *usum*, de quo fraudulentî homines & pacis inimici ipsi multa retulerunt. Ut ut est, certè significas videri tibi, Constitutione nihil nisi *damnari voces* quasdam, & eas quidem sensu *detorto* acceptas.

Si verò quis paulò diligentius perspicere velit, quid tandem intelligas isto obsequio interiori, atque istà facti fide, quæ duo ad silentium tuum obsequiosum adjungis, legat sanè quæ ex Epistolâ tuâ desumo. * Illi verè, bonâ fide, atque ex animi sententiâ crediderunt, propositiones ex Iansenii libro desumptas, damnatas ab Ecclesiâ fuisse, Statueruntque huic Ecclesiâ decreto numquam aut directè aut indirectè repugnare, atque ita se affectos esse juraverunt, dum formula subscripserunt, omissâ omni de Ianseniano facto disquisitione. Istis verbis non damnas eos, qui sic affecti sunt, imò valde improbas, eos à me damnari. Qui tamen eo sunt animo, nullam habent

certainam facti fidem, si quidem ponis eos, *omissa omni de Ianseniano facto disquisitione*, id unum tenere, ut credant propositiones ex Iansenii libro *desumptas*, damnatas ab Ecclesiâ fuisse, statuantque huic Ecclesiâ decreto numquam aut directè aut indirectè repugnare. Non is credit, quinque hæreses esse accuratè desumptas ex Iansenii libro, atque illo verè contineri, qui tantum credit, hæreses quinque ab Ecclesiâ seu bene seu peperam *desumptas*, ab eâdem fuisse *damnatas*. Non modò postulat Ecclesiâ ut quisque credat, ipsam sibi videri accuratè desumpsisse ea quæ desumpsit, & rectè decrevisse ea quæ decrevit: postulat præterea ut quisque credat idem, quod illa credit de sua tum in desumendo dilgentiâ, tum in decernendo æquitate. Deinde verò, qui *statuit huic decreto numquam aut directè aut indirectè repugnare*, non ille decreto ipsi assentitur, sed tantum taceret, atque alios huic assentiri & credere sinit: non ille fatetur silentium obsequiosum non satis esse, imò se hoc obsequioso silentio continet: non ille certò credit id, quod Constitutione decretum est, sed id tantum ex merâ observantiâ seu obsequio suscipit. Atque hoc tamen animo velles jurare eos, qui formulæ subscribunt.

X I X.

DENIQUE vis haberi errorem imperitii vulgi . . . & commentum . . . adversus eos qui Ianseniani vocantur, sententiam eorum omnium Episcoporum, quibus persuasum est, quamdam esse sectam hominum, qui obstinatè credant sen-

sum nativum quinque propositionum ; qui si mī-
 nūs eos errores palàm atque apertè profiteantur,
 clàm certè & cum ceteris congerronibus suis non
 dissimulent. Ista, inquis, calumnia, reprehensione
 non indiget : si enim fuissent homines ejusmodi,
 dubium non est quin comperti fuissent aliqui, cū
 diligenter jam ab annis 60. conquirantur. Sed
 ut omittam hoc loco meis argumentis de-
 monstrare, nimidū sæpè comperiri eos,
 quos jam ab annis 60. nullos esse pugnās, facio
 libenter ut ipse fileam, atque id quod à te præ-
 sertim opponi non possum non vehementer ad-
 mitari, confutari sinam tum à Sede Apostolicā,
 tum à Clero Gallicano. Nam obsecro, idne unum
 agit Sedes Apostolica jam ab annis 60. ut tot
 Constitutionibus, tot Brevibus commentum inane
 percellat atque affligat, in eo semper obstinata,
 ut sibi verum corpus esse persuadeat ? An verò
 Gallicanus Clerus jam ab annis 60. vanam ima-
 ginem atque umbram ridiculam persequitur ? Fuit-
 ne Clerus ille rationis ac mentis inops, cū
 anno 1700, damnavit hanc hominum è sectā pro-
 positionem, *Phantasma Iansenismi quasitum ubique,*
sed nusquam repertum, præterquam in laborantē
quorundam phantasiā. Cleri cœtus affirmavit, eos
 qui sic loquerentur, esse inquietos homines, qui
 Constitutiones apertè contemnunt. Atque hanc pro-
 positionem cum aliis declaravit esse falsam, te-
 merariam, scandalosam, contumeliosam in Clerum
 Gallicanum, in summos Pontifices, & in univer-
 sam Ecclesiam, schismaticam, & erroribus condem-
 natis faventem.

Quid est igitur, Præsul Illustrissime; quod ais jam ab annis 60. conquiri ejusmodi *phantasma*, nusquam reperiri? Tot Episcopos omnibus ex Provinciis collectos oportuit sanè diligentius cognoscere, quàm tu unquam cognoveris, universum Gallicarum Ecclesiarum statum. Quid est quod significas, jactari nomen cujusdam hæreseos, quæ tota commentitia est, ut eâ causâ male habeantur veri S. Augustini discipuli; eo pacto violari in Galliâ Ecclesiæ pacem, quæ scilicet per obsequiosum silentium feliciter constituta, jam labefacteretur, dum quidam homines, severius quàm par est, postulant certam facti fidem ab iis, qui formulæ subscribunt? Quid moraris, Præsul Illustrissime, confiteri id quod universa sentit Ecclesia, solam esse sine ullâ exceptione obedientiam, quæ veram pacem asserere possit: pacem verò simulatam aut ementitam longè plus habere periculi, quàm bellum apertum ac manifestum? Denique non possum quin dicam, ipsius obsequiosi silentii leges à te violari, dum Epistolâ tuâ tam splendide declaras, à te Constitutiones eludi, quas summo studio & Christianâ simplicitate excipere debueras.

Iterum fortasse libebit tibi conqueri, quod ego te *incusare* aggrediar, & veluti oculos tuos aperire, quasi eos penitus oclusos habeas. Sed ego reponam illud quod S. Augustinus S. Hieronymo respondebat conquerenti, quod fuisset ab ipso reprehensus. * *Neque hoc idem dico*, inquit, ille, *ut oculos cordis recipias, quos absit ut amise-*

* Epist. 40. n. 7.

ris, sed ut advertas, quos cum habeas sanos & rigiles, nescio quâ dissimulatione avertisti, ut non intenderes, quò pertraherent illa quæ assumis, quamlibet aliunde piam ac rectam mentem & voluntatem geras.

X X.

In quo verò me accusas, quòd ex Epistolâ tuâ quædam verba retulerim, facile me tuebor, si hæc duo demonstravero; primum quidem, orationem tuam à me nullo pacto fuisse immutatam; alterum verò, non sine argumento me ex tuis dictis ea collegisse quæ collegi.

I. Verba mea, quibus & tua retuli, repræsentor. † *Sperasti, Illustrissime Prasul, declinatam te ab istâ difficultate, si sic loquereris: [AUTORITAS ALIQUOD DOGMA CONSTITUENDI CONFUNDENDA NON EST CUM ILLO JURE, QUO ARCHIEPISCOPUS ET FACULTAS CENSURA CONFIGERE POSSUNT, UT RE IPSA CONFIXERUNT, CASUM; TAMQUAM VIOLATIONEM SILENTII RELIGIOSI, ET DISCIPLINÆ JAM IN DIOECESI PARISIENSI ET CONGREGATIONE FACULTATIS CONSTITUTÆ; SI RATIONES OBVIAS QUASQUE IN USUM DEDUXERUNT, QUÒ POTESTATI SUÆ JUS LEGITIMUM ADSCISCIERENT, ET REPREHENDERENT ID, QUOD CENSURA NOTARE VOLUERUNT]* Equidem hæc verba, quæ duabus ansulis inclusa sunt, lineâ inferius ductâ notaveram, ut omnes intelligerent ea esse tua: & ille usus obtinet in iis, quæ manu scribuntur, quemadmodum in iis quæ eduntur typis, valet consuetudo, ut ea, quæ ex aliis deprompta

laudantur ; edantur Italico caractere. Præterea dum ego scripsi , puncta aliquot , ut pat-
 erat ; apposui post illa verba , & reprehenderent
 id , quod censurâ notare voluerunt. Enim vero ita
 vulgò faciunt , qui sumptim ex aliis verba referunt ,
 ut significant , alienis illis verbis non absolvi pe-
 riodum integram , quæ nimirum alia quædam ver-
 ba complectatur adjuncta apud Autorem ipsum
 quem appellant. Est igitur æquitatis tuæ , Præsul
 Illustrissime , non accusare fidem aut diligen-
 tiam meam , quod dum ego scriberem , li-
 neâ inferius ductâ notavi tantum ea verba ,
 quæ planè tua sunt , & postremæ periodi
 partem ita retuli , ut deinceps puncta aliquot ap-
 ponerem , quibus significarem , periodum tuam
 his quæ referebam verbis non esse absolutam.
 Et verò periodus integra ; quam tu repræsentas
 pag. 60. & 62. secundæ tuæ Epistolæ , est ejus-
 modi. Si rationes obvias quasquæ in usum deduxe-
 runt , quò potestati suæ jure legitimâ adsciscerent ,
 & reprehenderent id , quod censurâ notare voluerunt ,
 par est credere , nihil aliud ipsis spectasse , quam ut
 idem institutum tenerent quo jam dudum utebantur ,
 non verò ut damnarent eos , qui in ipsorum potestate
 ac ditione non sunt , aut ejusmodi dogmata ab omnibus
 admitti vellet. Faciet profectò , Præsul Illustris-
 sime , tuus ille pudor ac fides , ut verba tua ultro
 recognoscas. Igitur dum ego scriberem , lineâ
 inferius ductâ notavi tantum ea verba , quæ planè
 tua esse profiteris Epistolæ tuæ secundæ paginâ 60.
 & 62. Puncta vero aliquot apposui post illa ver-

Pariter cū tu sic ais, Si rationes obvias quasque in usum deduxerunt, quod potestati suæ jus legitimum adsciscerent, & reprehenderent id, quod censurā notare voluerunt, par est credere, nihil aliud ipsos spectasse &c, solis luce clarius est, te intelligi voluisse, illos rationes obvias quasque in usum deduxisse. Tāmet si ea enunciatio particulam si habeat adjunctam, unde videatur ex aliquā conditione pendere, est tamen manifestum, sensum illius affirmantem esse atque ab omni conditione solutum. Idem est enim prorsus ac si dixisses, Eriam si rationes obvias quasque in usum deduxerint, tamen par est credere, nihil aliud ipsas spectasse, quam ut idem institutum tenerent &c.

2. Quid verò magis contumeliosum in Præpositos dici potest, quam eos rationes obvias quasque in usum deduxisse? Sic enim statuis, Præsul Illustrissime, eos primū decrevisse, silentium obsequiosum omnino esse censurā configendum; deinde illos non conquississe, non delegisse firma quædam argumenta, quibus potestati suæ jus legitimum adsciscerent, & quibus quasi fundamentis obsequiosi silentii & à 40. Doctoribus approbati censura niteretur. Sine delectu rationes obvias quasque in usum deduxerunt, inquis: contumelia visum est, quidquid fors objecit. Quid ita? an ut silentium obsequiosum probarent, quod tibi quidem videtur & suo nativo sensu acceptum vacare culpā, & malum non esse, nisi alieno ac minus proprio sensu accipiat? Imò verò, ut potestati suæ jus legitimum adsciscerent adversus si-

lentium illud, quod prorsus culpâ vacabat, adhibuerunt ea, quæ occurrerunt omnia: arripuerunt ea, quæ se obtulerunt omnia, ad autoritatem suam confirmandam, & *reprehendendum id, quod censurâ notare voluerunt*, hoc est, ad silentium illud, quod per se quidem satis erat, sensu minus proprio, sensu alieno ac detorto suumendum, & ad Doctores illos immerentes censurâ notandos.

Atque ut clariùs intelligatur, quæ sit verborum tuorum vis & significatio, operæ pretium est controversiæ statum rursus ob oculos ponere. Vidimus silentium obsequiosum, quale a Doctoribus 40. probatum est, esse omnino idem, quod tu ab Episcopis XXIII. rectè comprobatum esse defendis. Igitur tuæ causæ ratio postulat, ut id statuas, nihil prorsus fuisse, cur in Doctoribus damnaretur, quod tibi adeo culpâ omnisolutum, adeo laudabile videtur in Præsulibus. Nam quem, obsecro, vis esse hominum sensum, qui norunt, nullam tibi videri fuisse justam causam Doctores damnandi, quique te audiunt dicentem, Illustriss. Archiepiscopum Parisiensem & Facultatem abbas quasque rationes in usum deduxisse, ut potestati suæ jus legitimum adsciscerent, & reprehenderent id, quod censurâ notare voluerunt? An verò dices, firma argumenta fuisse ab ipsis adhibita, Præsul Illustrissime, qui scilicet, si tibi ipse constas, ita debes esse affectus, ut credas nullum prorsus ipsis fuisse argumentum, quod aliquam speciem haberet veri; siquidem ex iis quæ posuisti, sequitur, Doctores æquè culpâ vacare atque Præsules eos,

quorum causam defendis. Jam quemvis arbitrum deponco, num sit manifestum, significare te voluisse, Illustr. Archiepiscopum Parisiensem & Facultatem *obvia* quæque *in usum deduxisse*, adhibuisse absque ullo delectu ea, quæ se obtulerunt omnia, omnia approbasse, ut eos Doctores censurâ configerent, qui tamen æquè culpâ vacabant atque Episcopi XXIII.

Age verò, quænam sunt illa argumenta, quæ Illustrissimus Archiepiscopus Parisiensis adhibuit? Omnia nimirum eò pertinent, non posse eum subscribere formulæ ac jurare, qui id quod factum appellatur non credat; illos verò qui iusjurandum sic permitterent, ut non postularent fidem certam, *favere usui ambigüe dictorum, restrictionum mentalium, acque aded ipsius perjurii*. Hoc ipsum est unicum Ill. Archiepiscopi Parisiensis argumentum, quod prorsus necesse esse aio ut tibi non probetur, quia neque valere potest adversus Doctores, quin valeat quoque adversus Præsules, neque infirmum potest esse adversus Præsules, quin adversus Doctores quoque infirmum esse videatur. Oportet igitur omnino, si stare vis iis quæ posuisti, ut nullum esse robur existimes in eo argumento, quod unicum adhibuit Ill. Archiepiscopus Parisiensis. Quare cum ais, & ipsum & Facultatem *obvias* quasque *rationes in usum deduxisse*, ut potestati suæ jus legitimum adsciscerent, & reprehenderent id, quod censurâ notare voluerunt, necesse est ut quivis intelligat, sic tibi fuisse persuasum, eos, cum omni vero ac firmo argu-

mento carerent, quò reprehenderent id, quod cen-
surâ notare voluerunt, infirmam aliquam rationem,
quæ scilicet facta est obvia, in usum deduxisse,
nimirum eam quâ statuitur, silentium obsequio-
sum non sufficere, ut non pejeret, qui eo solo
fretus adhibet iurjurandum. Quamlibet diligen-
ter investigates atque excutias omnia, Præsul Il-
lustrissime, certè si tuæ doctrinæ fundamenta cum
iis verbis conjungantur, fieri plane non potest,
ut aliud unquam sensisse existimeris. Desino in-
eadem verba, quæ scribebat S. Augustinus ad S.
Hieronymum. * *Ego quidem absit ut ladar, si mihi
certâ ratione volueris & potueris demonstrare,
illud te verius intellexisse, quàm me: immò
verò absit, ut non cum gratiarum actione lucris meis
deputem, si fuero te docente instructus, aut emen-
dante correctus.....* † *Obsecro te ergo per mansue-
tudinem Christi, ut si lasi te, dimittas mihi, dum
ea dixi, quæ lleria me ipsa Ecclesiæ causa non
patitur. Alia multa prætermitto, ut hæream in iis
dumtaxat, quæ ad controversiam nostram vel
maximè pertinent; atque ita confido fore, ut iis
explicandis, quæ consulto prætermisi, quæque
explicare sine summo dolore non possem, super-
federe me non invitus feras. Illud certè etiam
atque etiam optatim, ut mihi nihil ampliùs aliud
tecum sit negotii, quàm ut significem tibi, quanto
studio atque observantiâ sim futurus deinceps
quòd vivam &c.*

At illud omittere non debeo, Præsul Illustrissi-
me, ut de iis hominibus conquerar, qui Episto-
* *Epist. 73 n. 1.* † *Ibid. n. 3.*

iam tuam typis vulgandam curaverunt cum hoc
 titulo, *Nova Epistola ab Ill. Episcopo S. Pontis
 scripta, quâ refelluntur illa, quas scripsit Ill. Arch.
 Cameracensis, de infallibilitate Papa.* Eo quippe
 titulo induci possunt in errorem ii, qui nihil ipsi
 discentiunt, & hominibus è seclâ credunt omnia.
 Verùm æquus Lector sanè mirabitur vehementer,
 Scriptum tuum eo titulo donari, qui tantùm ab-
 horreat à veritate. Enimverò non potuisti me
refellere de infallibilitate Papa, si neque ego illam
 Epistolâ meâ defendi, neque tu illam Epistolâ
 tuâ convellisti. Atqui nosti unus omnium optimè,
 & me de eâ verbum fecisse nullum, & te pariter
 de illâ siluisse. Neque verò dubito, Præsul Illu-
 strissimè, quin profitearis, improbari tibi titulum
 hunc tam parum consentaneum illi ingenuitati, ac
 probitati, quam in te magnopere veneror. Et
 quanvis te inconsulto titulus ille sit additus,
 videretur tamen hæc tota ratio tibi probari, nisi
 declarares, quantùm ea tibi displiceret. Illi certè,
 qui ejusmodi titulum apposuerunt, nescire non
 possunt id, quod sæpius à me in Documentis Pa-
 storaliis declaratum est, hoc unum agi, num
 Ecclesia universalis sit, in dijudicandis textibus
 dogmaticis, obnoxia errori, num immunis ab
 erroris periculo. De ipso Ecclesiæ Capite sic lo-
 quor, ut illud semper cum membris conjunctum
 exhibeam. Quinque sanctæ Sedis Constitutiones
 sic appello, ut eas ab omnibus Ecclesiis, quæ ipsi
 communionis vinculo connexæ sunt, receptas esse
 commemorem. Denique ostendo, contraversiam

illam de infallibilitate Papæ nihil profus ad quæ-
 stionem nostram facere, neque longè abesse ab
 eo, ut de illâ disputare velim. At nihilo secius
 homines è sectâ volunt in tantâ luce cæcutire:
 nimirum ipsorum interest, ut alterum pro altero
 supponant, & omiâ verâ quæstione, in quâ in-
 telligunt nihil sibi esse præsidi, quæstionem alie-
 nam, atque à proposito abhorrentem cîtrudant.
 Sperant quippe, id se hac ratione consecuturos,
 ut Principibus aliquam suspicionem ac metum
 injiciant, Ecclesiamque dividant. Sed ego rursus
 confessor ac profiteor, me de eâ quæstione, quæ
 ad nostram nullâ ex parte pertinet, neque egisse
 unquam, neque verò agere voluisse, ac tuam fi-
 dem ac veritatem implo-ro atque obtestor adver-
 sus eos, qui dum Epistolæ tuæ titulum affinxer-
 unt, in me tam apertè mendaces, ac protervi

Camerasi mense Augusto 1707.





